

مصطفى شهيب



الطبعة
الثانية

رغيف

الحب

قصة حب سيس

الحب ف رغيف

مصطفى شهاب

دار ابن النفيس

أسم الكتاب: الحب ف رغيف

المؤلف: مصطفى شهاب

الغلاف: أحمد مراد

الإخراج الفني: أحمد عاطف مجاهد

موديلز الغلاف: عزة وإسو

رقم الإيداع: 2193/2011

ترقيم دولي: 978-977-5051-02-8

المدير العام: صلاح ابو دية

مدير المبيعات: شريف الليث

الطبعة الأولى

فبراير ٢٠١١

دار ابن النفيس

١١ شارع الإمام والعمود أمام سيتي ستارز - م.نصر - القاهرة
الهاتف: ٠٢٢٢٧٧٧٣٩١١ - ٠٠٢ - موبايل: ٠١٢٣٩٤١٦١٦ - ٠١٤٣٧٧٥٦٥٦
E-mail: dar_ibn_nafis@yahoo.com

١١ شارع الكويت
الهاتف: ٠٩٦٥٠٢٢٦٥١٦٩٠٣ - مفاكس: ٠٩٦٥٠٢٢٦٥١٦٩٠٣
موبايل: ٠٩٦٥٠٩٧٩١٤١٨١

صندوق البريد: ٢١١١ العربي - الكويت / الرمز البريدي: ٣٢٠٣٢
www.nafeesbookstore.com

© جميع الحقوق محفوظة المؤلف وأي القياس أو إعادة طبع أو نشر في أي صورة كانت ورقية أو إلكترونية أو في أي وسيلة سمعية أو بصرية دون موافقة كتابية، يعرض صاحبه للمسائلة القانونية.

لامبي .. حبي الاول
لبلدي .. حبي من طرف واحد
لاحمد مراد .. الحب الحب الشوق الشوق



...

بعد ما سبنا بعض.. عايز اعترفك بسر بوكيه الورد
ابو ١٥ جنبه اللي كنت بجيبهولك في كل المناسبات..
خصامنا وعيد ميلادك ونجاحك والعيد و الفلاتين و
الاسراء والمعراج..
ده مكشش رومانسية.. ده كان ارضح حاجة متاحة ليا..
ده حقيقي ..

مصطفى



الحب ف (غيف)



الحب..

بتوقيت دلوقتي



فيلم في بنما

"الحب أشبه بمخدر.. في البدايه ينتابك إحساس بالنشوة..
بالاستسلام التام.. في اليوم التالي نطلب المزيد.. لم
يصبح إدماناً بعد.. لكنك استحسننت إحساسك ونظن أنك
قادر على التحكم فيه.. تفكر في الحبيب دقيقتين وتنتساه
لثلاث ساعات.. ولكن شيئاً فشيئاً، تألف هذا الشخص
وليصبح متعلقاً به تماماً. وإذا ذاك تفكر فيه ثلاث ساعات
وتنتساه دقيقتين، وإن لم يكن على مقربة منك.. ينتابك
الإحساس نفسه الذي ينتاب المدمنين حين لا يتوفر لهم
ما أدمنوه.. ومثل المدمنين الذين يسرقون ويتذللون
للحصول على ما يحتاجون إليه.. نجد نفسك مستعداً
أن تفعل أي شيء، من أجل الحب.."

باولو كويلو



بديعة
بديعة نبيمة

يارا دي بالذات مديه على رضا اللي بتيجي تتضف عندنا..
طب ليه مش هدير ولا بسنت ولا منه.. مش عارف..!؟

ذلك هو السؤال.. السؤال الصعب.. ما السر وراء انجذابك
نحو شخص معين دون آخر.. شخص واحد فقط من بين ملايين
ملايين البشر..!؟

سؤال بسيط.. إجابته معقدة جداً.. إنه الحب.. ولكن هل
الحب وهم! وهم يجعلك تعتقد أن فلاناً مختلف عن كل الناس،
وغيرك يرى أن فلاناً الذي اخترته شخص عادي جداً.. بينما
هو مغرم - أصلاً - بشخص آخر تماماً، أنت تراه عادي..!

يعني ما هو الحب..؟ حاولت أن أبحث عن معنى وتعريف
له.. وبالفعل وجدت تعريفاً سلساً مبسطاً للشاعر
الكبير "الأصمعي" يقول فيه: "إذا تقادحت الأخلاق المتشاكلة
وتمازجت الأرواح المتشابهة، ألهبت لمح نور ساطع يستضيء به
العقل، وتهتز لإشراقه طبائع الحياة، ويتصور عن ذلك النور،
خلق خاص بالنفس متصل بجوهريتها يُسمى العشق" والله

والمصحف الشريف والمسيح الحي عملت زيك كده بالضبط..
يعني هم قالوا لك فين؟!، لذلك أحسن لنا.. دعنا من تعريف
الحب.. وخلينا في تفسيره الذي أرجعه كل واحد على هواه..
الفلكيين للأبراج الفلكية، والمنجمين للسحر والشعوذة، والأطباء
قالوا إن الحب هو عملية تفاعل تجري بين أدمغة المحبين،
مرتبطة بهرمونات في المخ مثل "الدوبامين" و "الأوكسيتوسين"
وغيرها وهي المتحكمة في المشاعر.. بعكس العلماء اللا شعوريين
الذين لا يؤمنون بالمشاعر مثل فرويد الذين أرجعوا الحب إلي
أنه أصلاً غريزة جنسية مكبوتة..!

وفي وصف الحب انقسم الفلاسفة والمفكرين لرأين أولهما من
رأى أن الحب هو سبب السعادة في الدنيا.. بل هو السعادة في
حد ذاتها... هو سبب البهجة والنشاط والنشوة وهو الذي يخلق
لأيماننا المعدوده طعم الفرحة.. هو الحياة فوق الحياة... والرأي
الأخر: رأى أن الحب هو سبب تعاسة البشر.. ففيه هجر وفراق
ونكد وألم وعذاب وضياع.. وأشفقوا على كل من يصيبه مرض
الحب فيسبب له الحيرة والضلال وفقدان العقل والهديان
والموت... ووقف آخرون في منتصف الطريق ووصفوه بأنه

مزيج من الحزن والسعادة.. قالوا إن الحب هو الحزن المفرح..
لذة الألم.. متعة العذاب..!! أو كما يقول جبران الحب سعادة
ترتعش.. الحب دمعة وابتسامة..!
ولكن بعد ده كله.. ما هي حقيقة الحب..؟!
الله اعلم! ولكن إحنا ممكن نفحصها.. الفيلسوف الفرنسي
"بول ريكور" ليه نظرية بأن الإنسان في الأصل يوجد.. ثم
يفهم.. ثم يفسر.. ثم ينطق.. ، طبق بقى.. الإنسان اتوجد..
ثم شعر بتغيرات نفسية وجسدية كبيرة.. ثم فسر ذلك على أنه
حب.. وبعدين حاول ينطق معرفش! أو أنه حاول على قد ما قدر
ينطق تفسير الحب بوجهة نظرة هو..، الحب في الواقع ليس له
تعريف ولا وصف.. لأن الحب مالوش وصف؛ الحب هو كل
ما نتخيله.. والخيال عندي أكيد مختلف عنك..لأنه وصف في
حد ذاته.. ممكن تقولي وأنت جعان حاسس بأيه..؟ جعان! هو
الحب كده بالظبط.. حاسس بأيه وأنت بتحب؟.. بحب! ، الحب
في الآخر هو تجربة شخصية.. ما تسمعش كلام حد فيه.. أنت
نفسك ابقى حب، وعرفه وأوصفه وقول حاسس بأيه.. وبناءً على
هذه النظرية اللي هي جرب وانطق.. هل تفكر إننا كمصريين

كلنا خدنا مقلب في الحب طلع من نافوخنا عشان كده قلنا المثل
..الحب زي عضة الكلب..!
والحب أولاً وأخيراً رزق.. لا يأتي بالاجتهاد الشخصي هو حظ..
نصيب.. قدر، وإن لم تكن محظوظاً ولم تعرفه، فقط آمن به
ولا تنكره.. فكيف تنكر الحب، والحياة أصلاً بدأت بقصة
حب.. رغم أنها فشلت وخرجتنا من الجنة.. لأنه لولا حب آدم
لحواء ماكنش سمع كلامها وأكل من الشجرة.. بس برضه كان
فيه حب.. فالحب بدأ مع خلق الإنسانية.. أنت تحب إذا أنت
إنسان.. فوظيفة القلب عند الحيوان إنه عضو عامل في جسمه،
لكن عندنا هو ليس فقط لضخ الدم والنبض.. القلب خلق قبل
ذلك للحب.. ولو أنك عشت من غير ما تحب.. سيظل قلبك
ينبض برضه.. بس حتعيش حياة مملة.. بالظبط كأنك روحت
"دريم بارك" وملعبتش..! وقديماً قال شاعر قديم برضه:
إذا أنت لم تعشق ولم تدر ما الهوى
فقم فأعتلف تبناً فأنت حمار
وها أنا دلوقتي أكتشف حالتي الغريبة في الفترة الأخيرة..

وداني طولت.. وبقيت ماشي موطي وتقريباً حاسس بديل صغير
 بينبت.. وميلي العجيب للخضار!

ولكن أن تكون حماراً أفضل بكثير أن تكون مجنون.. وقد قال
 شكسبير: إن الحب جنون.. وهو فعلاً جنون؛ لأنك عندما تقع
 في حب أحد.. فإن الحب لا يعرف أي قوانين.. ولا يعرف فرق
 في دين أو جنسية أو سن أو حتى مستوى مادي أو حتى مستوى
 جمالي..، هذا ما اكتشفته بنفسني مؤخراً عندما كلمني صديقي
 الوسيم المغرور، الذي لم تعجبه أي بنت في العالم يخبرني أنه وجد
 أخيراً فتاة أحلامه وعزمني أشوقها.. وقعد معايا يحكي ويتغزل..
 لو تشوف عنيتها.. لا لا ولا شعرها.. ولا رقتها.. بص من الآخر
 إيمان العاصي.. بصراحة جالي ع الجرح.. يعني إيمان العاصي
 دي أصلاً نقطة ضعفي.. وبينما وأنا أتخيل بحبيبة صديقي
 وأحسده.. نفزنتي بنت من كتفي من البنات دول اللي بتشوفهم
 في الإشارات بمناديل..، فضربتها شلوط طيرتها ٣ متر قدامي
 وأنا بقولها إنزاحي بلا بدل ما اندهلك أمين شرطة يبهدلك..،
 ووجدت صديقي فجأة يصرخ فيها: فتحية.. أنتي جيتي يا بيبي..
 وقام حاضنها.. ووقفحت حتجنن طبعاً.. وسألته وأنا مترفز.. أنت
 بتشتغلني.. بقى دي إيمان العاصي.. دي العاصي نفسه..!

ومن جنون الحب أيضاً أنك عندما تسأل أحدهم بتحب في
 حبيبيك أيه..؟ يتتح كده ويقولك مش عارف..!، في سر الحب
 أنك تحب حبيبيك "باكدرج" على بعضها كده دون أن تتقي منه
 ملامح أو صفات أو مواصفات عشان كده بتلاقي أشكال ماشية
 مع بعض ما يعلم بيها إلا ربنا...، وজনون الحب ليس معنوياً فقط..
 فبعد عمل إشاعات الرنين المغناطيسي على أدمغة المحبين
 وجدوا أن الحب يسبب عدم القدرة الطبيعية على التفكير
 والتشتت والنسيان.. لذلك تلاقى كثير أوي من الحبيبة.. الولد
 قاعد مستنيها في كوستا والبنت مستنيها في سلينترو وهما أصلاً
 متفقين يتقابلوا في ستار بكس..!، بل وأثبتت نفس الإشاعات
 أن الحب أحياناً يعطل مناطق كاملة في المخ ويشلها بنفس تأثير
 الإدمان.. يعني عارف الراجل اللي بيعدي الشارع وكأنه ماشي
 في صالون بيتهم عندهم ده.. بيجب!، وهو نفس الشخص اللي لو
 ركب عربية وأنت على الطريق السريع تلاقيه ماشي بطيبين..
 وتفتح الشباك وتشمه فيحدفك بوسة..! والمسؤولون اللي
 بيطلعوا يقولوك إحنا عايشين في نعيم، والناس مبسوفة وزبي
 الفل.. الناس دي مش كدابة ولا مسطولة.. الناس دي بتحب يا
 جماعة متظلموهاش..!

ومشكلة الحب إن توقيته دلوقتي صعب جداً.. وأغلبنا بقى عنده فوييا الحب... ما الحب محتاج فلوس.. ومجرد التفكير في الحب وسط الظروف المادية المتكحرة بقى دى شيء مستفز...
فلا تنكر أبداً أن الحب بقيمته ومعناه اختلف عن زمان..
فزمان كان كل الحبيبة يعيشون في فراغ ووقت لا يعرفون كيف يستغلونه.. لذلك كان كل كلامهم عن العشق الروحي والحب والمشاعر الفياضة..

أما الآن يا صديقي فلو تفضلت وحشرت أنفك في حوار أي اثنين حبيبة أو مخطوبين، ستجد محور كلامهم حول النيش وأسعاره والستائر على مين والتلاجة إيديال ولا كريازي.. زمان لم تكن الظروف المادية صعبة.. بـ ١٥ خروف وجملين تكون البنت حلالك.. وتأخذها معاك البيت.. ولو كان موجود بيننا الآن عنتره بن شداد في ظروفنا الحالية لكره عبلة واللي خلفوها؛ لأنه كان زمانه مرمي لأسابيع في طواير مبارك لإسكان الشباب عشان يتستر هو وهي! و أكيد مكنش حيبقى فاضي للحب ولا للأشعار.. لأنه أصلاً كان عبد يعني أخره دلوقتي بواب.. وبعد الظهر واقف في رمسيس بموبايل جنب يافطة "إتكلم

براحتك" .. أو سارح في المواصلات ينادي بصوته الجهوري..
كل من طلع جنبه خد أربع عسلیات. .. ، أما قيس مجنون ليلي الذي رفض أهل ليلي أن يجوزها له؛ لأنه قال فيها شعر وشردلها في القبيلة كلها ومن شده شوقه لليلي فضل يشرب خمرة ويسكر لحد ما اتجنن - أموت وأعرف كان بيحب تلج منين- وانتحر في الآخر.. ، فلو كان قيس معنا دلوقتي ومر بمذبحة الثانوية..
وبعدين دخل تجارة أربع سنين.. ولبس جيش تلت سنين.. وخذ كورسات سنتين كمان في جيل المستقبل.. وبعد ده كله مالقاش شغل في الآخر.. كان انتحر برضه بس وهو راجل...! ، حتى أسطورة الجميلة التي خطفها الوحش في قصره، وطاردهم حبيبها الفارس حتى وصل واشتبك مع الوحش بالسيف حتى ينقذها.. لو حصلت دلوقتي كانت حتنزل الجميلة على السلم وهي شايلة طبق فاكهة وبتقشر في موزة وتنده على الفارس وتساله: عندك هامر زى اللي مركونة برا..؟ فرد الفارس: لأ قالتله: طيب عندك فيلا في الرحاب.. قالها لأ قالتله طب عندك شاليه في بورتو مارينا قالها بإنكسار: لأ قالتله أمال أيه اللي جابك..!!

" تلميذتي المخلصة وصديقتي العزيزة نوجا..
اكتب لك هذا الخطاب وأنا على ظهر باخرة في رحلة
طويلة مع رجل حيائي... الرجل الذي انتظرته طوال
عمرى. أدرك الآن أن الانتظار الطويل الذي عشته كان
له معنى.. لأن الحياة ستظل نفاجننا دائما ولأن البهجة
نبعث عنا كما نبعث عنها.. "

في شقة مصر الجديدة



رومانسي أصلاً... وأن تكون رومانسي سنجل... وأن تكون في بلد
لا تحترم السنجلز.. البلد الوحيدة اللي فيها عيدين فلانتيين...
وبما إننا أصلاً ما شاء الله يعني كتير فغصب عني أتكعبل في
خطوة في قصة حب على هيئة ولد وبنت قررا احتضان الحياة
بروح واحدة وقلب واحد ونبض واحد... أشعر بإشعاعات أهدأهم
اللامعة وكهربة لمساتهم الخافتة وفرحتهم المجنونة وشوهم
المنفوح... والله وحده يعلم أنني لا أنظر لهم بحقد أو حسد
فقط أملاً عيني بيهجتهم وأدعو لهم بالسعادة وبداخلي أملاً
ودعاء.. أمنية أن أحب.. ودعاء يارب ميكونش الولد بيضاً
عليها..!

فأنا أحب الحب نفسه.. ولكن مكتوب عليا عدم ممارسته وهذا
الاكتفاء بالفرجة عليه.. فأندمج بشدة مع الأفلام الرومانسية
وأتخيل نفسي مكان البطل وأعيط لما تسيبه وأترفض لما يرفض
بينهم وأتحمس لما يرجع لها.. وأقول منا لو مكانه جعل
كده.. وأعيش كل حالة في الأغاني الرومانسية حتى التافه
منها.. أتخيل نفسي عاشقاً ومرة معاتباً ومرة ضربتني قلمين في
نص الشارع وسابتنني.. وأجد نفسي محشوراً في قصص

ولكنني يا صديقي بعد كل تلك الأوهام والأحلام الزائفة.. آمنت
أخيراً أنني طالما بحثت عن الحب فلن أجده.. وأكتشفت سر
الحب العظيم.. أن الحب يأتي في الأوقات بعيدة التوقع.. ،
ومهما طال انتظارك فإن الحب عنيد لا يهمله ابتزازك العاطفي
ولا يستجيب للزن والإلحاح عليه لكي يأتي.. هو فقط ينتظر
حتى تدير له ظهرك لينقض عليك ويداهمك ويحتلك على خيانة
وعلى غفلة.. ليجعل منك كائناتاً مستأنساً ضعيفاً تقوده في الحياة
بوسيلة أشواقه وعواطفه القدرية المجنونة..

فالحب يعيش بمنطق الحياة المعاكس.. فلن تجده طالما بحثت
عنه ولكن ستجده أثناء بحثك عن شيئاً آخر.. ، فأنت حين
البحث عن شئ ضاع منك تريده وأنت في عز الحاجة إليه لن
تجده.. وهو أصلاً قدام عينيك كل يوم.. ، وعندما تتحایل على
الزمن وتحاول اللحاق بموعدهك وتختار طريق أسرع ومختصر
من طريق ثاني فتجد الطريق الذي اخترته مكبوس بينما تتأكد
أن الطريق الآخر رايق.. ، والأغرب حين تصل موعدهك وأنت
متأهراً عن توقيتك والتوتر يقضي عليك تكتشف أنك قد وصلت
قبل أن يصل الآخرون! لا وكمان حستناهم بكل ملل.. بينما لو

هل تعرف كيف تفسر الأسطورة الإغريقية الحب..؟ تقول أن
الإنسان البدائي أصلاً كان رجلاً وامرأة في جسم واحد ، وكان
ضخماً لديه أربع أيادي وأربع أرجل ورأس واحدة بوجهين في
اتجاهين مختلفين.. ، ولما كانوا أقوياء جداً اعتدوا على الآلهة..
فقررت الآلهة معاقبتهم وحرمانهم من القوة وقطعوا كل واحد
نصفين.. تماماً مثل التفاحة.. وأصبحوا رجل وامرأة منفصلين..
ومن ساعتها كل شخص يبحث عن نصفه وروحه..

و أشعر أنني عقبال ما أجد روحي الأخرى إن تكون روحي أنا
شخصياً تكون طلعت.. ، أشعر أن الكبت العاطفي ومخزون
المشاعر المؤجلة من سنين ستنفجر في لحظة وسوف يأتي اليوم
وسيطر عليا الهبل وأوقف أي بنت في الشارع وأقولها لو سمحت
ممكن أحبك..؟

ولكنني أكتشفت بالفعل أنني أهبل.. فالمشكلة ليست في أن
تحب.. المشكلة أن تكون محبوباً.. ، فحبك لشخص هو لا يجبك
أشبه بسيرك في شارع إتجاه واحد..!

تحركت قبل ميعادك تجدهم وصلوا ويستعجلوك..! ، وتركت
طابور طويل عند كاشير في سوبر ماركت وتلتحم في آخر قصير
فتلاقي الطويل خلص وأنت لسه واقف أو على دورك الكمبيوتر
هنج.. ، ومكالمات التليفون المهمة التي تنتظرها مابتجيش غير
وأنت بتاخذ شاور أو نايم.. ، وعندما تكذب على مديرك وتبرر
غيابك أنك كنت تعبان.. تتعب بعدها بجذ وغصب عنك تروح
الشغل.. ، هذه أمثله بسيط من الحياة.. ، وبما أن الحب جزء
من الحياة.. فالحب عنيد.. لن تجده طالما بحثت عنه.. الحب
حبيبيك طول ما أنت ما بتدورش عليه.. حبيبيك وأنت بتدور
على أي حاجة تانية..!

وحيثما أحدثك عن الحب فأنا أتكلم عن الحب بمفهومه
الحقيقي وليس بمفهومه الحالي.. فالحب نعمة.. فإذا أحببت
فأعرف أن الله يحبك.. ، وهو مثل كل شئ جميل خلقه الله
ليمتعنا به.. ونحن كتعاملنا مع كل شئ جميل شوهناه وافسدناه
وحولناه لخطيئة ومشاعر غلط وعيب وممنوع وحرام.. والحقيقة
أن الحب في حد ذاته عمره ما كان حرام ولا عيب الحياة أصلاً
بدأت بقصة حب.. بس كان الحب الأصلي.. فالأشياء والمعاني

والقيم منذ آلاف القرون لا تتغير، بس إحنا اللي اتغيرنا وغيرنا
معانيها عشان تناسب جونا الفاسد.. ، الرشوة مثلاً هي الرشوة
وحتفضل رشوة بس إحنا سمناها الشاي والإكرامية.. ، وقلنا
على الطيبة ضعف وعلى الإحترام خيبة، والسرقه شطارة ،
وعلى المناق فهلوي ، وعلى اللي يلعب بينات الناس دنجوان ،
وعلى العاهرات فنانات ، وعلى المخنثين نجوم.. ليه نستغرب
بلى لما الحب بقى صحبوية..!

الصحبوية دي العلاقة اللي ملهاش أي ٣٠ لزمة أو معنى.. علاقة
الهملة ملهاش تصنيف.. ، علاقة الولد والبنت واضحة يا معرفة
يا حب.. مفيش حاجة في النص.. يعني أيه مصاحب؟ أراهنك
أو جاوبتني.. لأن الكونسيبت ده اللي استوردناه من برا ده حتى
لما جينا نطبقه طبقناه غلط.. ، الصحبوية برا هي علاقة حب
بين الولد والبنت رغم عدم وجود ارتباط رسمي بينهم.. تقدر
تقول بروفة لحياتهم بعد كده.. والبنت بتبقى مستيه الولد
بجبلها يفاجاها يطلبها للجواز.. ، الصحبوية هناك مشاعر حب
احتمال كبير فيها ارتباط رسمي.. هناك البنت ما بتزلش من
لظرة.. هناك ما بيصاحبش كل أسبوع واحده.. ما بيصاحبش

بنت عشان يوصل لصحابتها.. هناك مفندوش مبدأ متجوزش
واحدة مشيت معاها.. فاهمني طبعاً!! وأنت هنا لو في قصة
حب فيها احتمال بسيط للارتباط تستاهل فعلاً التضحية
بمشاعر وعواطف ووقت دوس.. إنما دخولك في علاقة مالهاش
أي ملامح مع حد أنت عارف أصلاً إنكو متنفعوش لبعض ومش
حيبقي فيه ارتباط حقيقي بينكم تبقى دي أصلاً علاقة فاشلة..
، علاقة التصبيرة بأي حد يهتم بيا ويملا فراغي العاطفي لحد
ما الحب الحقيقي بييجي دي إهانة لنفسك قبل ما تكون اهانة
للإنسان اللي حترتبط بيه بعد كده.. وخذت بالك من حترتبط
دي فيها نوع من الربط.. أنك مربوط في إنسان وحاسس ناحيته
بمسؤولية.. مش مجرد مصاحب.. بكره الكلمة دي!

ووجودك في مجتمع كفر بالحب وآمن بالصحوية.. شكك فيه
حيبقي عامل أزاى..؟ انطوائي وغريب..؟! وفيها أيه..؟ ، ليه
متبقاش الاستثناء اللي بيثبت القاعدة.. هو معنى أن الفساد
انعمم أبقى فاسد..! ، أنا فاكر كويس يوم ما لقيت محفظة
ودورت على صاحبها واديتها له ومكنش مصدقتي ولا مصدق
نفسه.. مع إن الطبيعي أصلاً أنك ترد الأمانة مش تسرقها..!

ولو بتعدي الشارع وواحد وقف عشان حضرتك تعدي حتقف
استغرب مش مستوعب زوقه مع إن الطبيعي إن الناس تبقى
(وقول) ، ده أنت في مجتمع لما حد فيه بيرفض رشوة بيكرموه
ويملعوه في الصحافة والتلفزيون وناقص يتعمله تمثال أو
ميدان بإسمه.. هو مش المفروض العكس.. اللي ياخذ رشوة
هو اللي يتفضح..! ، سيبك من الناس وخليك واثق في نفسك
مدام أنت عارف أنك صح.. ولولقيت الناس كلها بترمي زبالة
في الشارع ماتر ميش زيهم.. عشان أنت نضيف.. ، ولما حد يفتح
بده مستغرب ويقولك يااه أنت بجد مش مصاحب.. ده أنت
معد بقى.. قوله وأنت فخور بنفسك أنك غالي مش رخيص
ومش حتوزع مشاعرك على اللي يسوى واللي مايسواش، وقوله
أنا مخزن نفسي ومشاعري للحب اللي بجد.. ، كفاية إن فاتني
أعش معاها رعشة أول لمسة وأول بحبك وأول وحشتيني.. عايز
أهلي حاجة لبكرة.. مش عقبال ما أقابله أبقى إنسان بارد..
أنا مستنى الحب الحقيقي.. الحب اللي حيبجي بعده دبة في
اليمين تنتقل بعد شوية تبقى في الشمال.. وحبيبتي هي اللي
عاطفي خطيبتي ومراتي وأم عيالي..

خلينا الأول متفقين على حاجة.. الفرق بين الحب والصحوبية..
الحب.. هو أنك بتحب الشخص الثاني وبتتمناه السعادة حتى
لومش معاك.. ، الصحوبية.. هي أنك بتحب نفسك وعايز تحقق
لها الارتياح النفسي والسعادة لما تقضي على الوحدة وحد يهتم
بيك ويبقى جنبك على طول وياخد باله منك.. ، بس الحقيقة
أن رفضك للصحوبية هو أكبر دليل على حيك لنفسك.. لما
تفضل عاطل عن الحب أحسن بكثير ما تحب غلط.. وتعلق
نفسك بإنسان غلط.. ، أنا عن نفسي كنت فاكر أنني لما أصاحب
حبيقي سعيد وحريح نفسي وأعمل اللي هي بتحبه.. ، بس أنا
عن نفسي أكتشفت أنني كنت بحب نفسي غلط.. لما أوهمت نفسي
بشطارتى بالتزويغ من المذاكرة في الثانوية وهروبي باللعب..
لقيتني في كلية مش طايقها بجامعة بعيدة أفسدت عليا حياتي..
ولما أوهم نفسي بسعادتي بكل قطعة شوكلاته لذيذة وأرتوى كل
شوية بمشروبات غازية وأيس كريم فأنا بأضيف لنفسى دهون
إضافية لدهوني التي بوظلت شكلي بتراكمها.. ولما أوهم نفسي
باستماعي بالصحوبية ببنت أوزع عليها مشاعري وأتعلق بيها
غلط، وأنا عارف كويس أنها مش نافعة ليا لمجرد أنني مايقاش
لوحدى فأنا بعلق نفسي بواحدة غلط.. حتسيبلى ذكريات مش

لطيفة في حياتي.. وكمان بفرط في مشاعري اللي هي أغلى
حاجة عندي واللي المفروض إن أصلاً مايش حرية التصرف
فيها لأنها ملك الإنسان اللي حيكمل معايا حياتي.. ، أنا مش
عارف هي مين بس على الأقل قدام نفسي حبقى نضيف وصا في
كده.. محرقتش مشاعري ١٠٠ مرة قبل كده، ولأن مشاعري
أنا أولى بيها فأنا قررت أنني أبتدى أحب نفسي صح لإنها فعلاً
تستحق الحب من أي شخص حتى لو كان الشخص ده أنا..

أنا من دلوقتي قررت أنني حاخرج وأتفسح وأهتم بمظهري
وشكلي وبتقافتي، وأثبت وجودي في المجتمع بشغلي وفي الأنشطة
الإجتماعية، وأسافر وأتعلم حاجات جديدة تزودلى خبراتي
ومعارفي في الحياة.. لأن في أيام الانتظار حاجات كتير جميلة
مممكن أعملها، وأعيشها غير أنني أفضل زعلان وحاطط إيدي
على خدي.. لحد ما يجي الحب.. أنا قررت أعيش مع نفسي
مسلسل رومانسي لا ينتهي..!

"واشعر بالقلم في يدي وكان له شأن مع الكلمات التي
اكتبها لكي..

وهو يخطها حرفاً حرفاً.. ويقبلها كذلك حرفاً حرفاً..
واشعر بالورقة وكأنها قد علمت أنها ستحمل أشواقني
واسرار قلبي..

فلم تعد ورقة.. بل صدر ملاء جو من التنهد.. أه أه
.. أه "

مصطفى صادق الرافعي

في إحدى خطاباته لحبيبتة



رصيد لـ قلمه بيتك

لو أنك تستمتع زي حالاتي للسيدة فيروز لوجدت طعاماً آخر
لذيذ للحياة تتذوقه.. خاصةً عندما تقف عند أحد روائعها
وهي تقول " بكتب اسمك يا حبيبي على الحور العتيق.." ضاربة
بذلك أسمى معاني الرومانسية في كتابة اسم من نحب على
شجرة الحور الضخمة الرائعة... لتجيب بنت بلدها العظيمة
هي الأخرى نانسي عجرم لتهددنا " شخبط شخاييط.. مسك
الألوان ورسم ع الحيط.. أعمل أيه وياك يا حماده.. اللي عملته
ده أسوأ عاده.." " لتقف يدي مشلولة.. هل أنا رومانسي أم
مغرب للمنشات العامة ونوتي..؟

أقولك على حاجة.. هذا السؤال من العبط أن يسأل أصلاً..
هل على آخر الزمن سنسمع لكلام الستات.. لماذا لا ننظر إلي

أجدادنا الفراعنة العظماء الذي عرفنا عنهم كل شيء من خلال رسوماتهم على الحوائط والقبور.. ولم يتعرضوا مرة لزيارة لطيفة من شرطة المرافق..!

وقبل أن تتهمني بأنني أزيط لأن من الطبيعي أن يسجلوا حياتهم على الحوائط.. لأنهم لم يكن لديهم كرايس وأقلام ومكتبات سمير وعلي... سأقول لك يا صديقي إنني لا أقصد حياتهم العامة وثقافتهم.. بل أقصد عبارات الحب والغزل والإعجاب بمن يعشقون كده عيني عينك في كل مكان.. بل ورسما أنفسهم وهم ملتفين حول الملكة تحور إلهة الحب والمحبين وهي تبارك لهم حبهم الذي أسموه بالحب الخالد.. لأنهم اعتقدوا أن تحور هي من ستنظم لهم الرانديفوهات الفرامية في العالم الآخر.. لذلك لم يرسموا أنفسهم وهم ينظرون لبعضهم بل كانوا ينظرون في اتجاه واحد تعبيراً عن هدفهم المشترك ومستقبلهم الواحد.. وهكذا كانت البلد كلها مفضوحة وكله عارف مين مأتم مع مين، ومين فركش مع مين.. ولا إشاعات ولا كلام من ورا ضهرك ولا إسفين ولا بتاع..

إذن لماذا نتعجب عندما تجدوا نائل وقد كتب على جدران محطة مترو التحرير بصبح يا وزرة يا أشه مزرة في أبواب حلوان.. وجدك عرعر قد كتب لحبيبتة تحتوته بصبح يا أبيض اللي ضلتي حياتي عنجب.. فالهرمونات هي هي لم تتغير.. ولكن التعبير عن العواطف تأثر بالرطوبة والحر والتراب وكده..

وقد تعودنا على كتابة أسامينا وأسامي من نحب وبينهم قلب غالباً معوج أشبه بالكثري في كشاكيل المذاكرة، وورق الدروس، والأشجار، وكراسي الأتوبيسات، والديسكات في المدرسة والجامعة - اللهم إلا أوقات الإمتحانات التي نكتب عليها المناهج - ولكن تظل الكتابة على الجدران هوية المصري الأزلية.. فلا عجب أن تقرأ بإسبراي تحت نفق الجيزة بخط ضخ

كريم + آية = الصب الصقلي

، وبما أن الولد رزل - بطبيعته - فلما البنت بتقابه - بطبيعتها برضه - فهنا تتبخر الرومانسية ويتطاير الشر من عين كريم وينتقم من آية أشد انتقام من غير مية نار ولا مطوة قرن.. فقط بذهابه لنفس النفق ووضع لسانه الفنية على جملته لتصبح..

كريم + آية = الصب الصقلي ١٣٣٤...



وبموت فيكي يا فاتن... وظلوا هكذا يتناوبون الرد على الصخور
في عند... حتى بدأت أشك أن من يكتب الوعظ هو أخو فاتن
انفسها..!

ولأننا شعب عاطفي ومشاعرنا موديانا في داهية.. فتحن نعبر
عن مشاعرنا على ما هو أعلى ما عندنا وهي الفلوس.. فلو كلفت
لنفسك الآن وأخرجت جنبها من محفظتك.. فستدع عينك
مما تراه.. عبء السلام وسعادة.. حب إلي الأب - عمرو
وانسى.. ببست لافرز - علي بيحب سحر.. فكم من
الجنيات الملوثة تشهد على آلاف القصص والقلوب الدامية
كل يوم بغض النظر أننا الوحيدون في العالم الذين أصبحت
عملاتنا قذرة أغلبها مرتجع للبنك المركزي.. عرفت ليه إحنا
بنكره الفلوس الفضة.. أكيد مش حننحت عليها يعني..!

ولكن صدقتي الموضوع فيه حاجة غلط.. فإذا كان الحب وصل
لهذه الدرجة التي يعطى فيها الحبيب حبيبه فلوسه ممضياً
عليها لذكرى الحب الخالد.. لماذا تصل هذه الفلوس لأيدينا
كل يوم.. كيف يكون فعلاً حياً مخلصاً.. وهم أول ما بيتزنتقوا

وأكثر ما يضايقني هؤلاء السمج الذين يعانون من الإفراط في
تحمل المسؤولية الاجتماعية نحو البشر.. خاصة إذا رآوك تسير
بجانب حبيبك.. رجل الأمن في النادي وهو يببقلك ويشعر
طوال الوقت أنك حستغفله وحتعمل حاجة غلط.. متذكراً كيف
كان يستخبئ أثناء مغامراته مع زوبة في الفيض اللي جاي منه..
وسائق التاكسي الذي يممصم بشفافيه وهو يببصلكوا من
المراية.. وبيتحسر على العسكري اللي في بيته.. ورجل الشارع
المسن الذي يتجنبك تماماً وينظر لحبيبك بشفقة.. وكأنه يقول
لها يا بنتي ده يبضحك عليك تعالي لجدو أحسن.. وكأنك
مطالب طوال الوقت تشرح لكل واحد في الشارع.. أنك بتحبها
وحتجوزها خاصة لو كان سئيل مثلما شاهدت على إحدى
الصخور في الإسكندرية.. وقد كتب أحد الحبيبة على إحدى
صخور الكورنيش.. بحبك يا فاتن.. وكتب أحد المتطفلين على
الصخرة التي بعدها اتق الله، فكتب الحبيب بعدها.. وعلي
النعمة بحبك يا فاتن.. فكتب الآخر بعدها تذكر أن الله يراك..
فكتب الحبيب بعند عليا الطلاق بحبك يا فاتن.. فكتب الآخر
بعدها أترضاه لأختك؟ فكتب الحبيب إخواني كلهم صبيان..

بيصرفوها...!!

وبما أننا اتفقنا على أننا أكثر الشعوب رومانسية.. فلا بد أن لا ننسى من نحبه ونحن في الأوقات الصعبة.. وأشدّها محنة.. أوقات ما بنعمل حمام... وأرجوك يا صديقي قبل أن تتهمني أنتى بنى آدم مقرف.. لا تنكر أن أبواب الحمامات الآن أصبحت أجندات كاملة تسجل مشاعر المحبين الملتهبة.. أليس الحمام اسمه بيت الراحة..؟ ليس فقط لأنك تستريح فيه من آلام بطنك ولكن لذلك الجو النفسي الرائع الذي يبعثه على نفسك.. فالدش والبانيو شهد ميلاد آلاف الألحان والأصوات تحته والتواليات شهد قراءة الكتب والجرائد.. وأبواب الحمامات في المدارس والجامعات شهدت ظهور شعراء فطاحل من الأجيال الجديدة... والغريب أن دكاترة علماء النفس يقولون إنه نوع من أنواع الكبت.. ولكن لماذا لا نراه مشاعر رومانسية وفن عالي جداً.. خاصة أنك بتبقى قاعد ومش فاضي ورغم كده مادد إيدك ويتسلي نفسك ترسم قلوب وكلمتين في حبيبتك.. وستجد نفسك تلقائياً ستذهب للحمام بعد ذلك.. ليس لتلبية نداء الطبيعة فقط.. ولكن لتلبية نداء قلبك هو الآخر.. خاصة لو كنت من

هواة الفضفضة... وبما أننا جينا سيرة الحمامات والفضفضة فأنا أود أن أوجه رسالة لصديقي المجهول الذي كنت في أحد الحمامات العامة ووجدته قد أفرد مساحة كبيرة على الباب.. يحكي فيها مشكلته التي تنفص حياته مع حبيبته، وبعدها بكام يوم كتب أن المشكلة كبرت جداً.. ويطلب منا الدعاء له، وبعدها كتب أنه انفصل رسمياً ونهائياً عنها.. ويعلن أنه عايز واحدة ثانية تكون أكثر رومانسية وحنية عليه.. وكتب رقم موبايله، كل ده رائع ومشاعر اجتماعية طيبة.. أنا بس مشفق عليك من التليفونات اللي حتجيلك.. لأنه حمام رجالي يا أهبل...!!



" الحب الحقيقي لا يطفئه حرمان .. ولا يقتله فراق ..
ولا لفضي عليه أية محاولة للهرب منه .. . هو حب ينمو
في علاقات قليلة .. ويعيش ويتحدى النسيان .. ويضفي
الهدوء والجلال على أبطاله .. ويصبح حكايات تتردد باحترام
والإعجاب .. وهذا الحب أصبح نادراً في زماننا ندرة الصبار
المكثرة بالماء، في الصحاري الجرداء .. ولكنه موجود على
أي حال .. شكراً لله .. "

مصطفى محمود



فريق ربة بنتها

يشكو لي صديقي شعوره بالملل الرهيب، وهو في أكثر اللحظات
رومانسية مع حبيبته.. وآخر يشكو لي بفراغه العاطفي
والجذابه لأي بنت يراها رغم أن خطيبته متشعبة بدراعه..
أما صديقتي الرقيقة فتسألني باستنكار.. هو أصلاً فيه حاجة
اسمها حب.. ١٩

والحقيقة أننا مرمطنا الحب.. فأصبحنا نمشي نحب على
بعض.. وما صدقنا عرفنا كلمة حب حتى أصبحت "بحبك" زي
صباح الخير.. وأبواب قلبنا أصابتها حالة من الهيل.. تفتح
سريعاً وتغلق سريعاً.. مستعجلين على الحب وكأننا عايزين
الحب ونخلص.. فأصبحنا نمشي نحمل مشاعرنا في أيدينا..
لأنها فجأة في وجه أي شخص نقابله.. ثم نكتشف أنه ليس

أحبته أنه مختلف وجذاب لينا.. سيكون بينا شئ من الإثارة
والدهشة والاشتياق لمعرفة.. ونتكلم بالساعات معاه مانزهقش..
وبوحشنا أوي.. وفجأة ييحتل خيالنا وتفكيرنا.. ونشوف فيه
فارس الأحلام أو البنت اللي بدور عليها.. وكل ده مش عشان
بأهيه.. بل كونه شخص جديد بالنسبة لك يبيهرك.. فبتحاول
الموص في شخصيته لتعرفه أكثر.. والمرحلة الثانية هي مرحلة
الصدمة.. لأنك بتتصطمم في الشخص اللي أنت معجب بيه ده،
ودي بيتيجي بعد شوية وقت.. اكتشافك أنه بني آدم طبيعي عنده
عيوب وجوانب سيئة في شخصيته وأنه مش ملاك زي ما كنت
شافيه ولا حاجة وهنا مرحلة سقوط ورق السلوفانه اللي كلنا
مانوفين بيها..!!

ولكن يا صديقي ما يحدث هو أننا نختصر الحب كله في أول
مرحلة.. مرحلة السخونة والاشتعال الزائد.. متوهمين أن
أمراض الحب المزيفة هي الحب نفسه.. وننسى أن ليس كل ما
يلمع ذهباً.. فتحسن نستمع جداً بأول فترة في العلاقة وننسحب
بعد ذلك.. لأن كل واحد شخصيته لسه ما بنتش.. وكل واحد
بببب متحفظ في تصرفاته ولا بس ماسك المثالية أو حتى لو

الشخص المناسب.. فنسترد ما بقى منها ونقذفها في وجه آخر
وأخر.. حتى أصبحت مشاعرنا مزيفة.. وتحول قلبنا من بيت
دافئ لغرفة فندق رخيصة تستوعب كل يوم زواراً جُدد.. كل
منهم خرب جزءاً.. حتى لم يعد بالقلب سوى هيكله وجدرانه
المتشققة.. وفي الآخر لم نحب..!

كلنا متورطون يا صديقي.. كلنا استهبلنا ووصفنا أي مشاعر
لأي علاقة عابرة إنها حب.. واستهبلنا الحكم ونسينا إن
كثيرة هي الألوان بين الأبيض والأسود.. الرصاصي والرمادي
والكحلي.. وكثيرة هي العلاقات بين معرفة الشخص والوقوع
في حبه.. ممكن نكون متعودين على بعض.. مستريحين لبعض.
بيننا استلطاف.. استظراف.. ولكن لعب عيال فعلاً أن نتعرف
على بعض في بداية الأسبوع وأخره ننده على بعض بـ "حبيبي"
والأسبوع الثاني نمسك إيدينا بعض- وحاجات تانية ممكن
تحصل- قبل ما نقفل السكة في وش بعض.. لأننا اكتشفنا أننا
مش متفاهمين.. أو أن كل طرف كان بيخدع الثاني.. وتتحسب
علينا تجارب فاشلة في عداد ذكرياتنا..!!

الحقيقة إن في المرحلة الأولى من علاقتنا بأي شخص بنشعر

زمان كان الوقت إيقاعه بطيئاً، وكانت العلاقات بتتضح
 براحتها فنتجت عن مشاعر حقيقية استطاعت أن تصمد
 وتستمر عشرات السنوات وهي أعمار زواج أبهاتنا وأمهاتنا لحد
 دلوقتى.. أما نحن فلسوء حظنا يا صديقي نعيش في زمن إيقاعه
 سريع.. مستعجلين طول الوقت.. ونعيش على مبدأ "الفاست
 فود" الذي لم ينتشر بهذه الصورة إلا في وقتنا ده.. وعارف ليه
 سموه "الفاست فود"؟ لأنه أكل بيجهز بسرعة ونأكله بسرعة
 ونهضمه بسرعة.. وللأسفا تعاملنا مع الحب بنفس المنطق..
 "الفاست لاف" وأصبحنا نتعرف بسرعة ونحب بسرعة وننجرح
 بسرعة.. نضع كثيراً من الحب في رغيف كسندويتش؛ حتى
 يسد جوعنا العاطفي... ولكننا نسينا أن السندويتش لا يشبعك
 أصلاً.. هو بيخدعك.. بيلكمك ويشعرك كذباً بالشبع.. فالحب
 وجهة دسمة جداً تستوي فيها مشاعرك على نار هادئة حتى
 يشعرك قلبك بالفيلان فتفهم أنك حبيت بجد..

وسياسة "الفاست فود" أبداً لا تستطيع أن تستقر في مجتمع
 صحي و سليم يعيش على المشاعر الفطرية السليمة، ولكنها
 استقرت هنا أول ما فقدنا التواصل وجعلنا من مشاعر الحب

هو طبيعي إحنا بنشوفه مثالي.. للأسف بنعيش مرحلة تقديس
 الطرف الآخر.. واشتعال المشاعر بسرعة اللي بتتطفي برضه
 بسرعة.. فالشوق بيقل والمكالمات بتختصر.. وكل واحد بيقول
 للثاني.. أنت اتغيرت على فكرة مكنتش كده..!، والحقيقة إن
 الشخص نفسه لم يتغير.. إنها مشاعرنا التي تغيرت.. تعرف ليه
 القلب اسمه قلب؟ لأنه سريع التقلب، ومودي ما بيرساش على
 حال.. لذلك فلا تأمن لقلبك وحماسه في بداية أي علاقة.. أعط
 نفسك الوقت والفرصة لتحب على أقل من مهلك لتتأكد من
 أن مشاعرك حقيقية.. واستنى لما مرحلة الانبهار دي تعدي..
 وشوف ممكن تكمل معاه ولا لا.. تشوفه بكل عيوبه ومشاكله،
 وتشوف حانتقبله بيها ولا لأ..؟ وخذ وقتك.. أسابيع.. شهور..
 سنين... ولكن إياك أن تقرر الارتباط في أول مراحل الحب..
 لو بتطبخ سيب الأكلة تاخذ وقتها.. ماتتسرعش في أكلها..
 ماتكلاهاش نيه عشان حترميها.. مش ممكن لو صبرت لحد ما
 تستوي كانت ممكن تطلع حلوة..؟ فنتيجة التسرع معروفة..
 نتسرع فنعلن حبنا وخطبتنا وربما جوازنا والنتيجة أننا بنرتبط
 بسرعة ونفرکش اسرع.. والمثل بيقول:

"Easy come. Easy go..."

هبة أحسن ما نقعد مع أصحابنا.. ولأول مرة وعلى أيامنا
إحنا بس تظهر خطوط ٠٩٠٠ للفضضة.. نخبي كل ما يؤلنا
من من نجهم ونفضل أن نهرب بحكايتنا وأوجاعنا لناس لا
اعرف حتى هويتهم الحقيقية!! وحتى لو جلسنا مع من نجهم
لا نجتمع للكلام بقدر ما نجتمع في كافيه بارد حول الفيديو
كليب في مشاعر سخيفة وباردة.. وحتى الفيديو كليب والأغاني
الرومانسية أصبحت سمجة متشابهة لأصوات لا تستطيع التمييز
بينها.. واستبدلوا فيها كلمة حبيبي بـ "ولا ويلا ويشارني ويا
سارقتي" في أعلى درجات السخافة والاستهزاء.. حتى أغاني
الوداع التي كان فيها الوداع بشياكة ونبل، لم تصبح إلا ردحا..
والوقت لازم أربيكي، وخليها تاكلك، ووحياة أمي منا سايبك،
وملك لله، وأشوف فيك يوم، وأظن قريب حبيجي اليوم اللي
المطرب فيه حايفرش الشارع وهو ورا بط راسه بإيشارب ويولول
بسبي الله ونعم الوكيل فيك يا ظالم وحكنس عليك مساجد
المعلقة..!

إن كل النظريات العلمية أثبتت أن التكنولوجيا أفسدت حياتنا،
رغم أنها خلقت في الأساس لتسهيل الاتصال بين البشر إلا

شيئاً بلاستيكيًا سخيفاً ليس له معنى.. تطور الحياة أفقدنا
التواصل وأفسد حياتنا.. وأنا وأنت فقط من دفعنا تمنه..
زمان من ١٠٠٠ سنة مثلاً إزاي كنت ممكن تبارك لصاحبك
على جوازه أو خطوبته أو عيد ميلاده أو حتى تقوله وحشتي
!؟.. طبيعي حاتروحله في المكان اللي هو فيه.. وبعد سنين أصبح
التليفون بديل هایل.. بس منعنا نشوف اللي بنكلمه وحرماننا
من وشه ولغة جسمه وحميمية اللقاء.. ودلوقتي "إس إم إس"
عالموبايل و"مسج" عالفييس بوك بقت كفاية.. مشاعرنا بقت
ف الاخر شوية حروف باردين من غير حتى نبرة الصوت ورهبتة
واحساسه بالفرحة أو الاشتياق أو الاكتئاب..!

هرب الحب من بيتنا من أول ما اقتحمت التكنولوجيا حياتنا..
ولما يهرب الحب من بيتنا حنفضل نلاقيه في أي حنة تانية.. تفنكر
أسرة من أربعة أفراد بقي عندها عشر أرقام موبايل و١٢ إيميل
إزاي ممكن تتجمع على العشا..!؟

أصبحنا أصلاً في بيئة لا تعرف الحب ولا تعترف به.. فأصبحنا
نفضل أن نقعد بالساعات على الشات قدام أجهزة عقيمة

أنها في الواقع جعلت العلاقات أكثر تعقيداً، وكانت السبب في اغتراب الإنسان وانعزاله في المجتمع.. استفرقنا في التكنولوجيا قتل فينا الخيال، و سبب لنا الغباء والتعاسة.. فزمان - مثلاً - كانت الألعاب يدوية تقوم على الخيال والإبداع... والآن عليك فقط بالانتخه على الكنبه كل ما عليك ان تفحص في زراير دراع البلاستشين دون أي مجهود عقلي.. وهي نفس النظرية التي أثبتت أن هؤلاء الذين يسكنون في الصحراء والغابات ونهملهم بالتخلف هم أذكي مننا بمراحل.. لأن التكنولوجيا لم تقض على ذكائهم الفطري ولو سألتهم - مثلاً - " ١٢X١٢ " بكام حيفكروا ويقولوك.. أنا عن نفسي حستأذنك في آله حاسبة!

والحب يا صديقي من الطبيعة.. والطبيعة ما هي إلا خيال.. فاستعمل كل خيالك في الحب ولا تقتله رمياً بالتكنولوجيا.. وحين ترى قصة حب الفيلسوف " برنارد شو " مع الممثلة الإنجليزية " ألين تري " ستدهش.. فقد فضل شو أن يكون حبهما بالمراسلة.. مع أنهما يلتقيان كل يوم في المسرح.. يحضر لها مسرحيتها كل يوم بين المتفرجين وأعينهما تتقابل وتتعالى أنفاسهم من حرارة الحب ولا يكلمها كلمة.. فقط يسرع لبيته

ويكتب لها رسالة رومانسية ساخنة يث فيها لوعته وشجنه وورد عليها ألين في الصباح برسالة أخرى حتى يلتقيها صامتاً في المساء.. وعندما سألوه عن سر هذا الحب الغريب قال: " كان ترسلنا حباً كاملاً شافياً.. وكنت أستطيع أن أقابلها في أي وقتما أريد.. ولكن لم أشأ أن أعكر هذا الحب الصافي.. " فاهتم قصده؟ هو فقط كان يريد أن يعيش في خيال الحب.. أن يعرف ما هو طعم الحب عن بعد.. وحال الأشواق وهي تحترق في الصمت..؟

لذلك.. فإذا أحببت يا صديقي فاطلق خيالك للسماء.. زمان المشاعر كانت أقوى عشان كان فيه شوق واشتياق للحبيب كده.. التكنولوجيا بوظت حياتنا.. يا إما بعدتنا أوي عن البيت والأصحاب والناس اللي المفروض تقربلهم.. يا إما قربتنا أوي من اللي بنحبه واللي المفروض نبعد عنه شوية.. خلطنا متاحين لاول الوقت لبعض وده اللي قتل الشوق واللهفة وده اللي بيقتصف عمر الحب بدري.. لأن الحاجة طول ما هي متاحة قدامك حالك قديمها.. الناس بتموت من التخمه.. محدش ييموت من الجوع..! فأرجوك لو حبيت أفضل الفيس بوك والإيميل



علي صونك بالغنا


والماسنجر والآي فون والبلاك بيرى واقعد اسهر فكر فيها طول
الليل وأنت بتعد النجوم وبتحكي للقمر عنها.. وفكر فيها.. ولو
اشتقت تشوفها.. أدي نفسك فرصة تتأمل ملامحها من غير ما
تفتح الفيديو كول الرخم اللي بيشوه شكلنا.. وأرجوك أرجوك
بقي أقل موبايلك.. حتوحشك إزاي وأنتو بقالكوست ساعات
بتكلموا بعض..!! قولها وحشتيني ماتدهاش ميسد كول.. وجرب
تكتب لها جواب بإيدك فضفض لها و اكتب فيه كل اللي أنت
حاسس بيه وعمايز تقوله.. مش فورورد لمسج بايخة موجودة
عند كل الناس.. لأنك قررت متحبش زى كل الناس.. ، والحب
أصلاً مغامرة فكن مغامراً وحب الحياة وجدد مشاعرك وخليك
طبيعي أكثر.. ليه ماتجربش تتمشوا على النيل او تركبوا فلوكه
أو تقعدوا في جنينة.. وتاكلوا درة وترمس وحمص الشام، ووفي
آخر اليوم تتوجها بعقد فل طازة.. وتهديها وردة تحتفظ بيها
بين أوراق كراستها.. وهي تحمل ذكرى يوم سعادتك وفرحكم
وأشواقكم الخالصة والسرية جداً جداً..

في الحب لا تستعجل.. وارم نفسك في أحضان الطبيعة.!

"أريد أن أردي حبله لا قيد حبله.. أريد أن أدخل في
فضائله التاسع.. لا في قفصه الذهبي.. لا أريد أن تحبني
على الموت.. أحبني حتى الحياة.. لا أريد أن تحبني إلى
الابد.. أحبني الآن...!"

غاده السمان

لا أريد أن أردي حبله لا قيد حبله.. أريد أن أدخل في
فضائله التاسع.. لا في قفصه الذهبي.. لا أريد أن تحبني
على الموت.. أحبني حتى الحياة.. لا أريد أن تحبني إلى
الابد.. أحبني الآن...!"



لغالا فاقه ريك
أريد أن أردي حبله لا قيد حبله.. أريد أن أدخل في
فضائله التاسع.. لا في قفصه الذهبي.. لا أريد أن تحبني
على الموت.. أحبني حتى الحياة.. لا أريد أن تحبني إلى
الابد.. أحبني الآن...!"

غاده السمان

رغم أن الحب هو الحب بنفس شعوره وقوته وإحساسه وبدياته
الأنه أولاً وأخيراً كيمياء تجمع بين قلوب المحبين.. وهذه الكيمياء
لا تقوم على توافق الأدمغة فقط... بل هي مرتبطة بتوافق الحالة
النفسية والفكرية والثقافات الشخصية.. لذلك تتعدد أنواع
الحب.. وأنا من وجهة نظري أحاول أن أصنفه من خلال تصنيف
الماني بحث على حسب نوعية المطربين الرومانسيين الحاليين..
طبعاً أنت مش فاهم حاجة.. كمل قراية طيب... فأنا أرى قطاع
البر من الحبيبة يعيشون على طريقة الفنان هاني شاكر وبغض
الطرب إنه مطرب العلاقات الفاشلة الأول وملك النكد والكآبة
والهأس والمقت - معرفش معناها بس بسمعها كثير - فهو
يعمل دائماً إلى استعطاف حبيبته والناس من حوله... ففي
أحدى كليباته تمر زوجته الشارع لتشتري له دبدوب فتقعصها

سيارة مسرعة.. بينما يظل طوال الكليب يلطم على وشه ويشق هدومه... وكليب آخر كان فيه مهندساً معمارياً ينزلق من سطح عمارة ويصبح قعيداً على كرسي.. ويذهب لنفس العمارة كل يوم.. ليرى حبيبته عمالة تسبل لعمال الرمل والزلاط وهو يبتقطع..!، أما أشهر كليباته فكان في صالة بيته المظلمة يحاصر تورتة كبيرة وهو يحتفل بعيد ميلاد جرحه.. شفت سواد أكثر من كده.. وحبيبته طبعاً ماجتش.. عشان كان عندها سبوع جرح ثاني.. والتوقع طبعاً إنه يعمل الذكرى السنوية الأولى للجرح.. ويعدين الثانية لحد ما الجرح ما شاء الله يكبر ويدخل الجامعة ويبقى طول بعرض كده..!، واستعطاف هانى شاكرا للناس سوداوي "أوفر" بطريقة ترشحك تبقى مخرج كليباته الجاية.. إنه مثلاً اتخانق مع مراته.. فتسيبله البيت وتمشي.. فيرجع يهدي نفسه بكباية شاي فالبوتجاز يولع في وشه.. فيروح المستشفى ويأخذ حقنه ملوثة.. فيجيله الإيدز فيدخل في اكتئاب يقبل بجلطة في القلب يتطور لسرطان وشعره يقع فمن الخضة يجيله شلل نصفي ومن صدمته من اللي بيحصله ده كله.. يفقد النطق.. ولما يعرف في الآخر أن مراته اتجوزت واحد ثاني فيتكل على الله وينتحر.. ده لو لسه ماكنش أجله جه من عند

ربنا أصلاً..!، والمحبين على طريقة هانى شاكرا يعيشون دائماً في حالة من العذاب القسوى في الحب.. ولا يتذوقون حلاوته الا بالدموع والشجن والهزيمة وانكسار النفس.. يتخيل كل فرد منهم الآخر في جحيم وهلاك.. ييفرق أو بيولع أو على حافة الموت حتى يضحى من أجله و ينقذه في آخر لحظة.. حبهم كليب.. وبصراحة يبقوا نكديين.. يتصورون التضحية بسواد رهيب.. ولا يأخذونها إيزي والأهم أنهم لا ينظرون لنصف الكوب المليان.. يعني هو يتخيلها دائماً تفرق في اعماق البحر.. ومن عارف يمكن كانت في العبارة يعني فيه تعويض مصلحة.. أو بتخيلها مولعة وسط حريق هائل.. يعني تأمين على حياتها و تأمين على الشقة يعني مصلحة المصلحة.. أوانها تسقط من على حافة سطح بيتهم.. يعني فرصة أنك على السطح تخطف منها أي حاجة في الإنجاز... وهي تتخيل نفسها أصيبت بمرض خطير وطريجة الفراش في المستشفى لتفتح عينها بصعوبة ونجده بجانبها مش لازم يكون بيعيط.. ممكن يكون قاعد بياكل في الزيارات اللي جتلها... ويتخيلها ماتت ويتخيل منظره وهو في جنازتها.. وانهياره بعد رحيلها.. يعني بالعقل كده كل أصحابها هارين العزا.. عيش أنت بقى... يا جماعة أنتو فاهمين التضحية

في الحب غلط...!! ، أما ليالي حبهم فهي طويلة مغموسة بالحزن والشجن والتألم والعذاب والسادية وأغاني الفراق والعتاب والوداع وهم أصلاً ما زالوا على قيد الحب.. ويحتفظون على الكمبيوتر والموبايل بكمية صور حزينة عن الانتحار والخيانة والموت وبكاء الأطفال.. واستيتيوهاثهم على الفيس جمل غم بفلسفة.. وفيها كده يا أخي تعمق غريب في الحزن.. حاجة كده نكد يعني وأبرز ما في هذا الحب.. أنه حب قائم على استعطاف الآخر وانتزاع مشاعره.. تكلمه البنت وهي تبكي بحرقة وتقوله "مش أنا أغمى عليا النهارده الصبح في الجامعة.. ونقلوني المستشفى.. المشاكل كترت بين بابا ومأما وحايطلقوا.. حاسة أنى عيانة بمرض خطير من أعراض كثيرة حاسة بيها.. نفسي ربنا ياخذني.. أنا بفكر أموت نفسي عشان كلكو تستريحوا.. ، والولد يكلمها وهو مكتئب: "عندي مشاكل كتير في الشغل.. متخاف مع بابا وحسيب البيت.. ماكلتش بقالي تلت أيام.. ومقضيها شاي وسجاير.. " .. وطبيعي أن يدوخ أي بنى آدم في الجامعة ويصاب بصداع.. ولا يخلو بيت من تنشآت ومشادات لكنها لا تصل للطلاق أو سيبان البيت.. ولكنها مشاكل مبالغ فيها بأحاسيس مبالغ فيها.. لخطف عواطف ومشاعر وحنية

بالعافية من الآخر.. وغالباً الآخر ده بيكون ولد.. لأن البنات أغلبهم يحبون بهذه الطريقة.. ومتسألنيش ليه البنات بتموت في الكد والكآبة.. لأنه سؤال غير منطقي.. بالظبط زي ليه وحيد سيف بيهوهو وهو بيمثل..!؟

وهناك حب يا صديقي على الطريقة الكلاسيكية العربية.. الحب على أغاني كاظم الساهر وماجدة الرومي.. وهو حب عميق مركز شاعري روحاني.. يلتقى فيه المحبون في الندوات الثقافية والمناظرات والاحتفالات الشعرية.. ويتبادلون في الفالنتين كتب نزار قباني وفاروق جويدة وأمل دنقل.. وتشعر أنهم دائماً هالمون بالحب العذري.. غارقين في فلسفته مبالغين في وصف مشاعرهم وتحليلها.. منتقدين أي نوع آخر من الحب ويرون أنها أنواع متدنية من الحب... لا تليق ولا ترقى بسموهم الفكري والروحاني والأدبي.. ولك أن تتخيل مكاملة عاطفية بينهم مثلاً هو يتصل بها ليلاً ويقول: حبيبي أراك اليوم بعيدة عني بعد الأرض عن هالات النجوم. فتقوله .. أسفة يا حبيبي لقد كنت أطبخ طبخة حمقاء... ماذا يا ترى..؟ ..كنت أطبخ قلقاساً.. فترد في تعصب: اللعنة.. أكره القلقاس.. ذلك الخضار المكار

الذي يحاول أن يخدعنا بأنه بطاطس.. وهو ليس ببطاطس..
سحقاً.. ، فتتعصب هي كمان وهي تصرخ: الويل للقلقاس..
أنا تضامناً معك لن أكله.. فحبك يا حبيبي يشبعني.. فيتحنح
هو ويقول بصوت خافت: بمناسبة حبي لقد سهرت جفوني طوال
الليل أمس.. لكي أكتب فيكي شعراً.. وقد كتبت فيكي قصيدة
من بيت واحد.. أتلوها عليكى..؟؟ فتزد: يا حبيبي واتلها على
أمك كمان لو تحب.. تفضل..

ترى الشريخ يطفو فوق طاخرة
مسحطراً ناظراً نحو الشنا غيب

فتبهر جداً بما قاله ويكاد يغمى عليها من الرومانسية.. ولكن
تسأله بلهفة.. حبيبي البيت رائع ولكن هناك كلمة لم أفهم
معناها.. يعني أيه "فوق"؟؟

وهناك المحبين على أغاني مارسيل خليفة ووجيه عزيزوفيروز
كراوية وسعاد ماسي.. وهؤلاء المحبين يندرجون تحت فئة
المتقنين ومجموعة أخرى عايشين دور المتقنين.. وتعرفهم من
مظهرهم باستايلهم بألوانه اللي مش لايقة على بعض وإن كانت
كوفية فلسطين وصورة "جيفارا" عامل مشترك في ملابسهم..

والولاد منهم من أصحاب الشعور واللقى الكثيفة.. أما البنات
فإما فيهم أنوثة عالية جداً أو أنوثة مسترجلة جداً، وهم كائنات
تتغذى على القهوة والسجائر.. والسمة الرئيسية التي تجمعهم
أنهم يجمعهم الحس الفني سواء الرسم أو التلحين أو الفناء
والكتابة.. والمحبين من هذا النوع يرون أنهم يعيشون في عالم
أخر غير الذي نعيش فيه.. لأنهم يرون أنفسهم أرقى ذوقياً
وإنسانياً وفنياً.. ويعيشون في عالم روحي كده بتاعهم لوحدهم..
لذا فالحب عندهم مصدر طاقة وشباك نور وأكسجين يعيشون
به حياتهم.. وإن كانت حياتهم العاطفية دائماً مختلطة بحياتهم
السياسية التي لا تخلو من المعارضة بأشكالها.. وقد سمعت اثنين
في لحظة رومانسية بعد كفاح يقول لها.. فاكرة يا حبيبي أول
مرة شفنا بعض فيها في مظاهرة واتقفشنا وعلقونا من رجلينا
أربعة أيام في قسم لاطوغلي ورغم أن جالي ساعتها طرش
مؤقت من الضرب بالأقلام.. بس ساعتها كان صوتك في ودني
أعلى من صوت جامعة الدول العربية.. قالتله فاكرة يا حبيبي..
قالها طب فاكرة لما عارضت أهلي عشان اتجوزك وهم مش
موافقين عليكى وطردوني زي الكلب من البيت.. دعمك ليا كان
أهوى من حجارة الفلسطينيين قصاد المدافع.. قالتله فاكرة يا

حبيبي وفاكرة لما اترفدت من شغلي عشان وقفت للمدير وقتله
لا.. صمودك جنبي كان أقوى من صمود حزب الله.. قائلته
فاكرة طبعاً يا حبيبي.. قالها مش ملاحظة حاجة.. بصراحة
أنا من ساعة ما عرفتك وأنتي وشك عليا عامل زي وش أوباما..
أسود..!!

أما محمد منير فينفرد بنوع مميز من الحب.. لأنه وحده
ينقلك من حب حبيبك لحب الحياة.. لذلك تجد المحبين على
طريقة منير دائماً حاملين مسالين مولعين بحب الحياة.. الولد
مثل بنت ملاسهم بسيطة جداً.. شبشب وجينز وتي شيرت..
يشعروك بالتكشف وأنهم لسه مستلمينها حالاً من جمعية
رسالة.. ولكنها في الحقيقة هي بساطة التواضع التي يستمتعون
بها سواء في ركوب المواصلات أو الوقوف على عربية فول.. وحتى
أماكن خروجتهم التي تكون على البحر أو النيل.. وهم بطبيعتهم
مسالين للطبيعة وسايين أنفسهم خالص.. ويمكن يقابلوا أثناء
خروجتهم طفل متشرد من أطفال الشوارع ويصاحبونه..
اسمك يا حبيبي.. أشرف ياعم.. ولا يعطفون عليه بنص جنيه
أو شوية لب كما نفعل.. بل ستجد أشرف بيخمس معاهم في

كومبو ماكدولز ويتوسط كرسي السينما بينهم.. ومش بعيد في
نهاية اليوم يقف أشرف في تحدي ويقول للبنت: أنا عايز أبوسك
يا أبله.. فيرد عليه حبيبيها: بس مش من بقها يا أشرف.. ويرد
أشرف لا أنا عايز من بقها.. فيرد عليه حبيبيها بجنيه.. بس
بادب يا أشرف.. فقط من منطلق الأيمان الشديد بالتكافل
الاجتماعي والعطاء وإن الحب حق مكفول لكل الناس..

وكما قلت في البداية إن الحب كيمياء.. وبما إن الكيمياء غدارة
فيمكن أن يحدث تأقلم بين نوعين مختلفين من المحبين عادي
.. فقد كان صديقي الكلاسيكي الكاظمي وقع لشوشته في
حب بنت مراهقة عاشقة تامر حسني.. وفي نص الليل كلمها
في التليفون وقالها.. حبيبتي افتقدك كأغادير الزبازيب في
احافير الزغازيغ.. راحت قافلة السكة فوشة.. وعندما حاول
ان يصلحها وقف أمامها صامدا ناظراً للقمر وهو يقول لها..
حبيبتي.. أحبك حب عنتر وعبله.. قيس وليلى.. فقائلته أيه ده
مين دول؟ أنا ما عرفهمش.. أنا عايزة أتحب على طريقة عمر
وسلمى.. فلسعها بسرعة على مؤخرتها بعنف.. فابتسمت وهي
الغمزله وصرخت هو ده..!!



الحب وقت الانتحار

كثير من الناس يظنون ان الحب هو
شيء بسيط لا يحتاج الى تفكير
او حكمة بل هو مجرد شعور
يأتي فجأة ويذهب فجأة
ولكن الحقيقة هي ان الحب
هو عملية معقدة تتطلب
وقتاً وجهداً كبيرين
والتفكير العميق في
النتائج المحتملة
للمشاعر التي نشعر بها
عندما نحب
لأننا نعلم اننا
قد نكون قد اتخذنا
قراراً خطيراً
قد يغير حياتنا
لذلك يجب ان نكون
واقعيين ونفكر
في كل الاحتمالات
قبل ان ندخل في
علاقة حب
لأننا نعلم اننا
قد نكون قد اتخذنا
قراراً خطيراً
قد يغير حياتنا
لذلك يجب ان نكون
واقعيين ونفكر
في كل الاحتمالات
قبل ان ندخل في
علاقة حب

Handwritten signature or mark at the bottom right of the page.

"أن تنسى شخصاً أحببته لسنوات لا يعني أنك محوته
من ذاكرتك.. أنت فقط غيرت مكانه في الذاكرة، ما عاد
في واجهة ذاكرتك حاضراً كل يوم بتفاصيله، ما عاد
بذاكرتك كل حين.. غدا ذاكرتك أحياناً.. الأمر يتطلب أن
تسفل آخر مكانه و تدفع بوجوده إلى الخلف في ترتيب
الذكريات.. فمن الأسهل علينا تقبل موت من نحب على
القبل فكرة فقدانه واكتشاف أن بإمكانه مواصلة الحياة بكل
التفاصيل دوننا.. ذلك أن في الموت تساوياً في فقدان
لحد فيه عزاءنا"

أحلام مستغانمي



أحلام مستغانمي

اكتشفت مؤخراً أن الحياة ليست فيلم سينما.. هل أنت أيضاً
اكتشفت ذلك..؟ هل اكتشفت أن النهايات ليس شرطاً أن
تكون سعيدة.. فتحن نصنع الروايات والافلام لأبطال يحققون
النجاح لأننا غالباً عاجزون عن تحقيقه في الواقع.. الحياة يا
صديقي هي في الحقيقة مأساة لا ترحمنا من ضرباتها الموجهة
المفاجئة.. ولا تكفي بذلك بل أنها أحياناً تجبرنا أن نتخلى
من فرصتنا التي وجدناها مع آخر، كل ذنبه أنه تحالف معنا
العار بها..!

وعندما تقرر الأقدار الفراق.. يخفي القمر وتطفئ الشموع،
وتحنض قلوب وتذبل عيون، وتعلن الطيور أحزانها في السماء..
أجد نفسك مجروحاً محطماً هشاً.. أخف ريح كفيلاً أن تسفك

وتجعلك ذكرى تلحق بجنبك الذي دفن دون عزاء.. ودفنت معه
وعود عدم الفراق لحظات العناق..!

عندما تفارق.. فاعلم أنك فقدت الأمان والحماية والثقة في
البشر.. بل حتى في نفسك.. كطفل غريب في بلد لا يعرف فيها
وجه.. ومسافر ضل في صحراء لا يرى آخرها.. وسفينة تاهت
وسط البحر فابتلعتها أمواج فقدت صوابها.. تشعر يا صديقي
أنك فقدت الحياة وأنت ما زالت على قيد الحياة.. فتعيش بلا
حياة، وتموت بلا موت.. لتعرف لأول مرة أنه كان لا بد لك
أن تموت حتى تكتشف أنك ما زالت على قيد الحياة أصلاً..
فنحن يا صديقي لا ندرك قيمة الأشياء إلا عندما نفقدها.. فلا
نشعر أن عندنا رأس إلا عندما يزورنا الصداق.. ولا نشعر بقيمة
الفلوس إلا عندما تضيع منا.. فدوام الشئ يفقدنا قيمته ويقتل
فينا الشعور.. وفي الحب أنت لا تشعر إلا ببداية الحب ولحظة
الفراق، أما العلاقة نفسها فلا نشعر بها.. تماماً كالأسانسير
لا تشعر إلا بالدخول والخروج.. ولذلك يشبه العالم مصطفى
محمود الحب بالفانلة التي لا تشعر بوجودها إلا في لحظة
لبسها وخلعها.. والسريكمين في كيمياء أعصابنا.. فنحن نحس

بلحظات الانتقال ولا نحس بالاستمرار.. ولكن عندما يكون
أصلاً الحب قوياً ومؤمناً في حد ذاته فكيف يكون طعم الفراق؟
لذلك فالفراق كفيل أن يصدمك بشحنة كهربية؛ لتشعر أنك
الغرق وحدك في بحر بلا معالم.. فالحب الذي اشتعل أيام
وسنين.. سوف ينطفئ ولكن سيبقى رماده للأبد.. باختصار
المحبة لا تعرف عمقها إلا ساعة الفراق.. كما يقول جبران

والفراق نوعان.. إما قدرتي تدخلت فيه الأقدار لتسدل الستار على
قصة حبكم، وتعلن أن كل شئ قسمة ونصيب، وتحكم بالفراق
لغصب عنكم.. وأما الفراق الذي اخترتموه عندما حلت المشاكل
واحتل الغضب والدموع مكان العواطف الهادئة و الاحاسيس
الدافئة.. فأنت يا صديقي في مفترق الطرق وأمامك طريقان:
إما الوداع أو الفراق.. وهما بالطبع ليسا بنفس المعنى.. فالوداع
هو أن تقرر ترك شخص ثم تعود إليه مرة أخرى.. أما الفراق
فهو قطعك لتذكرة ذهاب بلا عودة..

وتلك المرحلة هي الأخطر على الإطلاق وأكثرها حيرة وتردد
واضطراب.. فأنت تقرر مصير ونقطة تحول بحياتك.. فأرجوك

لا تتسرع أو تستعجل في اتخاذ قرار بهذه الحساسة، وتذكر دائماً أن أبغض الحلال عند العشاق الفراق.. فلا تجعل قلبك يبيع الناس بلا مقابل لأنك ستكون أول المباعين ومجانا بعد ذلك.. ، فاجعل وداعك هدنة مؤقتة لوقف إطلاق النار.. فالمشاكل جزء من روتين حياتنا.. ومن الحماسة والسذاجة أن نترك حبا بسبب مشاكله لأننا بهذا المنطق لن نحب أبداً.. وليس حل المشاكل البحث عن حب آخر.. إنما البحث عن معالجة أخرى للمشاكل.. ، فقط يا صديقي فكر قبل الفراق أنك لن تجد كل يوم شخص مثل الذي تحبه بمواصفاته وأحلامه وشخصيته..، وتذكر أننا مهما كانت درجة حبا لبعض فتحن أولاً وأخيراً بشر نتفق ونثور ونعشق ونكره والأهم من ذلك أننا نختلف، وأن خلافتنا سببه اختلافنا.. وفكر في الموضوع بزواية أخرى.. هل فكرت مرة لو أن الله قد خلق البشر كلهم إسطمية واحدة بنفس التركيبة والناس لا يفصل بينهم إلا كربون.. تخيل مثلاً اثنين رومانسين من ذلك النوع الحالم طوال الوقت.. تخيل هو يدخل عليها البيت بتنتيجة رومانسية قائلاً ببطء.. حبيبتي.. عيونى.. حضرتى الغدا..؟ فتتظر له هي بسهولة وتقوله أيوه يا حبيبى يا روحى يا قلبى

حضرتة.. ، هل تتخيل الشلل الذي سيصيبك..! اختلافنا

نعمة..!

فقط تذكر أنك لست ملاكاً ليكون الآخر ملاكاً وتحكم عليه بالاعدام مجرد أنه مختلف عنك ، والاختلاف غالباً يكون فى سلوك سيء قد تعود عليه الآخر قبل اقتحامك حياته..

والحل أن تكون فقط صبورا.. فالتعود على شئ لمدى كبيرة لن يتغير فيمن تحبه فى يوم وليلة.. فكلنا نريد أن نتغير ولكننا غالباً ننتظر من يأتي ليغيرنا من اجلنا قبل أن يكون من اجله..!

وإذا قررت أخيراً أن الفراق هو النهاية الوحيدى وأن الانتحار هو الحل.. فأرجوك تأنى وفكر على أقل من مهلك.. ولا تأخذ رأى احد فى مشكلتك لا صديق ولا قريب.. فقط استفتى قلبك واستخر الله.. فأغلب الناس من نصف حكايتك سوف ترشح لك الفراق دون أى احساس بما أنت فيه.. أنت فقط الذي ينشوى قلبك.. فالحب لا يعرف الاستعانة بصديق.. واكره أسامة منير لأنه عندما تتصل به أى بنت تشكو من أن حبيبها صحى من

غير ما يقولها صباح الخير فيقولها دون تردد.. سيبويه.. لدرجة
أننى توقعت أنه بمجرد أن تتصل به البنت يقولها قبل ما تحكى
لو مرتبطة بجد سيبويه..!

فقط تذكر أنه قرارك وحدك وأنت وحدك من ستحمل المه
وصدمته.. فلا تكن ضحية لنصيحة احد لأن الناس جميعا
سترى رأسك المجروحة ولكن لن احد يشعر بألمك..!

أما إذا وصلت لمرحلة أن الفراق هو النهاية السعيدة لعلاقتكم
وهو الحل الوحيد لتعبك ومشاكلك فيمكن أمر الله .. ، واعلم أن
وجع ساعة ولا كل ساعة.. ولا تياس لأنه فى اللحظة التي تغرب
فيها شمس الحب عندك تشرق عند غيرك.. فأنتظر قلبا صافيا
جديدا يحتويك وشخص يقدرك جيدا وليكن عندك مبدأ أن من
لا يضعك كحلا فى عينيه لا تضعه حذاء فى قدمك.. وأرجوك
تشجع وغامر ولا تخشى من المجهول ولا تعتقد أن نهاية الاشياء
هي نهاية العالم ، فليس الكون ما تراه عينك وستكون اعمى
لورأيت الدنيا فى شخص واحد.. فما فائده الدنيا الواسعة أن
كنت محاصر فى حذاء ضيق..؟.. فالفراق لن يقتلك.. هو فقط
سوف يعلقك بين الحياة والموت لفترة ولكنك ستنفض الرماد

وتنهض لأن لا احد يستحق موتك حزنا عليه ولو كان يستحق لما
تركته وما تركك تحزن أصلاً.. ، أرجوك فارق افضل لك من أن
تعيش فى قصة حب معلقة غبية تجامل فيها نفسك أو تجامل
الأخر على حساب حياتك القصيرة وعواطفك التي حكمت
عليها بالشنق.. فالحب لا يعرف المجاملات ولا الاحراج..
الكثيرا عاشو فى قصص حب مزيفة لمجرد خوفهم من الفراق
والله .. كثيرا كانوا يعرفون أن قصة حبهم فاشلة من البدايه
ولكنهم كانوا يماطلون فى اعلان النهاية.. يفضلون العذاب عن
الراحة ويفضلون أن ينتظرو البلا عن وقوعه.. يعيشون بحالة
ماده السمان المأساوية حين قالت بوجع ويأس

وأعرف أن رحيلك محتوم

كما حبك محتوم

وأعرف أنتى سابكي طويلا..

بقدر ما اضحك الآن

وأن سعادتى اليوم

هي حزني الاتى !..

فلا تكن كهؤلاء الذين كانوا اجبن من أن يتخذو قرار فراقهم



في موعده وعاشو كفتران حقيرة تختبئ في جحورها المظلمة
خوفا من شعاع النور.. فما اكثر الذين يعرفون أنهم ابطال فيلم
رومانسي رديء ومبتذل ولكن ترتعش قلوبهم من مجرد فكرة
تغيير حياتهم وارباك روتينهم السخيف.. فأصبح حبهم كعاهة
مستديمة لا بد أن يتعايشو معها كأمر واقع.. واختارو لنفسهم
مصير سيزيف الذي عاقبته آلهة الاغريق وحكمت عليه بحمل
صخرة ضخمة إلى أعلى الجبل فإذا ما وصل لقمة الجبل
تدحرجت الصخرة لاسفل فيعود إلى رفعها مرة أخرى ليظل في
عذاب ابدى مهميت..!

وعندما نفارق فأننا غالبا نسير في اتجاهين.. أولها اتجاهنا
المفاجئ لربنا وكاننا نذكرنا وجوده فجأة.. وبدون مقدمات
تصلي جميع الفروض والسنن وتصوم وتتصدق.. ويصبح قلبك
لينا ضعيفا وأنت تدعيه أن يقف بجانبك.. ، وتستطيع القول يا
صديقي أن فترة فشلنا في الحب هو موسم عباده تماما مثل
أيام الأمتحانات وأيام المرض وفقدنا لعزیز غالي.. ، أما الاتجاه
الآخر فهو محاولتنا المستميتة لاستعادة علاقتنا بالجنس الآخر..
تهرول لأي علاقة سابقة من أي نوع قبل ارتباطك - والتي غالبا

قد قطعناها اثناء ارتباطك - .. وتبحث بشغف عنهم في دفاترك
القديمة وموبايلك وأيميلك.. تحاول أن تعوض النقص الذي
عاشه.. تسترد قلبك المخطوف وتبحث عن أنتصار زائف بعد
الهزيمة.. توهم نفسك أنك تحب أخرى لتثبت لنفسك أنك
مازالت مطلوب وجذاب.. تبحث عن من يلعب دور البديل.. عن
كوميبارس.. حتى ولو لوقت مؤقت.. قبل أن تذوق الموت بطعم
مرارة الأيام.. ، وعارف.. أننا غالبا نسير في الاتجاهين في وقت
واحد بصورة متخبطة ومتناقضة.. ، والحل أن تستغل صفائك
النفسي بعلاقتك بالله لتكون دائمة.. حتى لا ترتبط بعلاقتك به
دائما بالحزن.. فتكره صلاتك و مجرد القرب منه بعد ذلك..
أما الطريق الثاني ففيه هلاكك.. لأنك ستقع في علاقة حب
مسلوقة ليس لها معنى ولا منطق وستفشل لأنك اخترت غلط في
وقت غلط.. أنك فقط تريد شغل قلبك بإستعمار شخص آخر
بشغلك عن التفكير بالحب القديم ولكنك ستفشل لأنك لا تحب..
أنت تهرب والهروب فقط للضعفاء والجبناء وليس للفرسان..!
وأصعب ما في الفراق.. أيام ما بعد الفراق والتي ستواجهك
فيها الذكريات كعدو يرشقك بسيوف خرساء تمزقك من كل

جانب وكل اتجاه.. ، تجد نفسك تعيش فى اشباح الماضي رغما
عنك.. تهتز لو تصادفت بعطرها وتتوتر لو سمعت اسمها وتنقبض
إذا وجدت ملامحها فى وجه آخر.. وما اصعب أن تجده فى كل وجوه
الناس..!

ولو أنك كنت تربي قطة وماتت لحزنت عليها وكبر عليك فراقها
تتذكر لمساتك لها ولعبك معها وكلما كانت عشرتك بها اطول
كان حبك لها وذكرياتك معها اكثر.. فما بالك بحبيبتك اللحم
والدم.. روحك التي اقتلعت منك.. التي طالت أحلام حبكم
لتصحو فجأة وتجد كل الأماكن والطرق والمطاعم والاعاني
والافلام وضحكتها وحركتها وصوتها ولامحها كلهم اجتمعوا
وتحولوا لاعداء يوجهون مسداستهم نحوك بلا رحمة.. و فقط
ستدهش.. على كم ذكريات تعيشها الآن مبنية على اشياء لم
تلاحظها فى وقتها وممارستها..!

ولكن إذا كنت فشلت فى الحب فعلى الأقل حاول أن تنجح فى
نسيانه.. لذلك فأنت مع الذكريات أمامك حلين.. أما تتسم
بالقوة والصلابة وتعلن على ذكرياتك الحرب وعلى نفسك
التحدى وتواجهها بشموخ العظمة وكبرياء الملوك.. وتفعل
وحدك ما كنت تشتركان به فى الأماكن والاعاني والهوايات

الاجعل الاشياء غير مرتبطة بها لكي لا تؤلمك بعد الآن .. وهو
اسلوب المواجهة وهو نصيحة الشاعر السويدي مارتينسون التي
قالها فى احدي قصائده " عندما تؤشك الذكريات على الرحيل
الزورك بكثرة أولاً.. كأنما ترغب أن تستهلكها حتى النهاية.. من
الأفضل أن تستهلكها مثل وجبة مفضلة لدرجة أنك لن تشتهيها
النهاية.. من هنا تنقص قيمتها وبالتالي.. ستسقط ذات يوم
فريسة للنسيان.. "

... وأما أن تعلن الاستسلام والهدنة مع نفسك وتعزل نفسك
أماماً عن ذكرياتك معها وتبدأ صفحة بيضاء جديدة فى
حياتك.. تبدأ سطورها بتغيير فى شكلك ومظهرك وديكورك
واسدقائك وأماكن غريبة جديدة لم تشهد برائحكم ولمساتكم
الداقثة.. وأشخاص جدد تضيفهم لقائمة اصدقائك ومعارفك..
حتى تمر الأيام وتندمج بقصة حب جديدة وقتها تستطيع أن
الملم نفسك وتواجه ذكرياتك وتبتسم لاشياء قد هربت وبكيت
منها فى يوم ما..!

إذا تحاول ثقافتنا - عفواً - المتخلفة إقناعنا بالعافية طول الوقت أن البنت أكثر رومانسية من الولد.. وأن الولد همجي ومتوحش.. بينما هي بسكوتة مغموسة في كباية شاي بلبن..! كمانا ضحك ع الدقون وتزييف للواقع.. أي علم في الدنيا ذلك الذي أثبت رومانسية البنت على الولد..؟! إننا عندما نصف البنت بالرومانسية فإننا نحاول بذلك فقط أن نجاملها عشان مانكسرش بخاطرها وإن هي مميزة يعني في حاجة..، ولكن مهدياً التضاد لا يجوز استخدامه مع البشر.. فلو وصفنا الرجل أنه قوي مش لازم تبقى البنت ضعيفة.. ولو وصفنا البنت بالرومانسية.. فمش معنى كده إن الولد قالب طوب..

فالحقيقة أن البنت ليست أكثر رومانسية من الولد.. والولد

ليس قاسي وغدار وكذاب.. كما تدعي البنات دائماً.. ، فالرجل بطبيعته قوي الجسم بارز العضلات ولكن قلبه قلب خساياه.. يعيش كالتور في الحياة ولكن عندما يحب.. انسى.. عصفورة بيضا بجناحين بيض.. ولعلك تتذكر قصة حب نابليون و جوزفين.. تلك القصة التي يقول عنها المؤرخون إنها تفوق خيال كل قصص الحب الخرافية.. و تشهد على تلك القصة رسائل نابليون ل جوزفين والتي إلى الآن تُدرس في مدراس العشاق.. ، فما ألتقى نابليون جوزفين حتى حبها، ورغم أنها كانت أكبر منه بست سنوات.. وأرملة وتعمل إلا أنه تزوجها.. ، ويشاء القدر أن يسافر إيطاليا بعدها بأيام.. وما أن وصل للحدود حتى كتب لها ((أيتها الصديقة المعبودة.. إن كل دقيقة تمر بي وأنا بعيد عنك تضعف مقدرتي على احتمال هذا البعد.. فأنت دائماً بفكري.. ومخيلتي تقني جهدا لكي تتصور ما تصنعين.. فإذا صورتك حزينة أعتصر قلبي وتفاقم حزني ، وإذا صورتك فرحة منطلقة مع الأصدقاء.. ملتُ إلى تعنيفك.. لأنك نسيت فراقنا الأليم منذ ثلاثة أيام..))

وأرسل بعد هذا الخطاب عدة رسائل بعدها تفيض بالرومانسية

بشرهاها أن تأتي له إيطاليا.. لأنه متبهل ولا يقوى على فراقها. ووشك أن يترك الجيوش والحروب من أجلها فيقول في إحداها: ((لا يمر يوم دون أن أحبك.. ولا تمضي ليلة دون أن أضمك بين ذراعي.. إنني لا أتناول كأس شاي دون أن ألعن المجد والطموح الذين يبعداني عن روح حياتي.. إنني في وسط أعمالي وعلى رأس جيشي وبينما أتجول في خيام العسكر فإن جوزفين وحدها تسكن قلبي وتشغل أفكاري.. وإذا ابتعدت عنك بسرعة فالأنتي أرتب أن أعود إليك أسرع.. وإذا استيقظت في وسط الليل وانكبتت على العمل.. فلكي أرقب موعد لقياك..))

والخيل ماذا ردت عليه جوزفين تلك المفترية.. ردت في ثلاثة أسطر تحييه وتخبره أنها مريضة بسبب أعراض الحمل.. رغم أنها أصلاً مصابة بالعقم.. ، ولأن نابليون كان مغفل ومش هارش اشتغالات البنات صدق والدمعة فرت من عينه و كاتب لها: ((صارت حياتي كلها أحلام مخيفة.. وصرت كأني لا أحياء.. وفقدت ما هو أغلى من الحياة والسعادة وكاد اليأس يهلكني.. اكتبني إلى عشر صفحات فإن هذا الأمر الوحيد الذي يعزيني.. قلت إنك مريضة، وإنك تحبينني، وإنني أحزنتك، وإنك حامل.. فأنا أذنبت إليك ذنوباً عديدة لا أدري كيف أكفر عنها،

فاغتربها لي وأعزبني.. لأن حبك أصابني بالجنون.. وأصبت
بفراقك بأمراض لا تشفى فأصبح عندي من الأفكار السوداء ما
بلغ أن أكتفي أن أراك فأضمك ساعتين إلى قلبي ثم نموت معاً..
، ألا خبريني من يعتني بك..؟ أظنك دعوت "هورتس" إليك
- بنتها - إن حبي لهذه الفتاة اللطيفة زاد ألف ضعف منذ
عرفت أنها تقدر على إنزال شئ من السلوان على قلبك.. أما أنا
فلا عزاء ولا راحة ولا أمل لي قبل أن تخبريني ما هو مرضك..
فإذا كان منه خطر عليكي فإني أسرع إلى السفر نحوك.. قولي
لي أنك مقتنعة كل الاقتناع بأن حبي لك يتجاوز ما يستطيع
الفكر أن يتصوره.. وأن روحي مقيمة في جسمك فإذا مت مت
معك.. لذلك فأنا مريض لمرضك.. والحمى تتسعر في جسمي
فاترجاك ألا تجعلني البريد يتأخر.. ((

سأخبرك يا صديقي ماذا كان رد فعل جوزفين ولكن أرجوك
متفلس الكتاب وترميته وتلغني وتلعن الحب الذي يجعل بطل و
قائد بإشارة من صوباعه تتحرك جيوش وتقوم حروب وتتهار
ممالك ودول.. يقف كطفل صغير أهبل أمام حب امرأة جبروت
زي دي، اللي بعد ما خلصت الجواب ضحكت وقالت بالحرف

الواحد "إن نابليون لغريب يضحكني" .. !! أنا آسف متحرقش
معك...!

ولما جاءت له جوزفين بالكره والإحراج والدموع لإيطاليا بعد إلحاح
وإصرار شديد منه، كانت الأقدار اقتضت أن تحرمه منها أيضاً
لإشغال الحالة الحربية في أطراف إيطاليا وخاف عليها من أن
تأذى نفسياً أو جسدياً فتركها لوحدها في قصرها وسافر.. ،
وفي عز المعارك لم تسأل عنه أو تشوفه عايش ولا ميت فأرسل
لها يقول: ((كنت أمل أن أحصل على خطاب منك فخاب أمني
واللاني عليكي قلق مخيف.. ألا خبريني كيف يمكنك أن تنسي
من يحبك هذا الحب الشديد..؟ فكري في يا جوزفين ولا تعيشي
الغري.. فإني لا أخاف في هذه الدنيا إلا مصيبة واحدة وهي ألا
أحبني جوزفين..!!))

وعندما لم ترد عليه جوزفين ولم تعبره في الجزمة فكان
شهاً معتاداً ولم يكن له صدمة.. الصدمة الحقيقية أنها
استغلت غيابها وخانتها مع ظابط عنده في الجيش اسمه "
شارل هيبوليت" .. و وصلت له الإشاعات ولم يصدقها

وأرسل لها معاتباً : ((ماذا تعملين سحابة نهارك...؟ وأي شغل هام لا يدع لك وقتاً لمكاتبة محب طيب القلب مثلي...؟ الأ خبريني أي حبيب جديد يستغرق كل أوقاتك فيحول بينك وبين مراسلة زوجك...؟ أرجو أن أضمك بين ذراعي عما قريب .. وأنهال عليك بقبلات حارة كجو خط الإستواء...))

وعندما حاول أن ينهال عليها نابليون بقبلاته الساخنة ويفاجئها برجوعه فلم يجدها.. وعرف أنها سافرت تتفسح وهنا تأكد نابليون من خيانتها فتخيل كتب لها أيتها... ((إنني تركت كل شئ ورائي لأراك وأضمك لصدري فلم أجدك.. لأنك تتنقلين من بلد لأخرى لطلب الأفراح والملاهيولم تعودني تهتمي بنابليونك العزيز.. إنني رجل ألفت المخاطر ولكن آلامي اليوم تفوق الوصف.. فامضي أنتي في طريق مسراتك؛ فإن السعادة قد كتبت لك، أما الشقاء والنكد فهما نصيب زوجك دون سواه.. وأن رجلاً لا تحبينه ليس من حقه أن تكون سعادته أو شقاءه موضع اهتمامك... ، أما عن نفسي فقد جعلت غايتي من الحياة أن أعيش لأحبك فلا تهتمي بشؤون رجل لا يستمد حياته إلا من حياتك.. وأنا لو تمنيت أن تحبينني بقدر حبي لك فأنا أحلم كالذي

يطلب وزن القطن ذهب.. ولو أن الطبيعة لم تهبني من الجاذبية ما أجدب به فؤادك فعلى الأقل استحق منك الاحترام.. أودعك أيتها المرأة المعبودة.. أودعك يا جوزفين..))

وقرر نابليون أن يطلق جوزفين.. ، ولكن أول ما رجع لفرنسا وقابلها وبمجرد نظرة وحضن ودمعتين وطاجن مكرونة باشمبل والحركتين بتوع البنات دول غفر لها كل شئ وأنتحل لها الأعداء.. ، ولكن دليل الكلب عمره ما يتعدل.. فبمجرد أنه جالنا هنا مصر كانت أخبار خيانتها مع شارل تصله مرة أخرى بقوة فانهزم في نفسه.. وبعث لها رسالة قصيرة : ((لك عندي طلاقاً فاضحاً واضحاً.. إنني أعلم كل شئ.. ولن أكون أضحوكة عاطلين باريس بعد اليوم..)) ، وقد برأ نابليون يومه هذا المرة عندما رجع لفرنسا.. أي نعم الدموع كانت مالهيه عينيه، وصوته مبجوح.. بس كان لازم يدوس على قلبه بقى!.. ده أنا نفسي اتشليت!!

وإذا كانت البنت أكثر رومانسية.. ليه أغلب الشعراء رجاله والمغنيين رجاله؟.. يا أخي طيب مش البنت حساسة ورقيقة..

أيه أكثر حاجة بتمس المشاعر.. مش الموسيقى.. ابعثلي اسم
ملحنة واحدة توحد ربنا وليك عندي ١٠٠ جنيه.. ، الراجل
دائماً هو اللي بيقول للبنت بحبك وبيقعد يحب فيها.. حتى في
الكليات الراجل بيغني والبنيت قاعدة زي الهبله وخلص..
الولد هو الفاعل والبنيت هي المفعول به.. كل كلام الحب والغزل
والرومانسية والاشعار والخواطر الولد هو اللي بيقولها.. البنيت
هي مجرد حافظ أو عامل مثير عشان الراجل يطلع رومانسيته
مش أكثر.. يبقى مين اللي رومانسي..!؟

ولعلك تكتشف أن المحبين لا يذكرون في التاريخ إلا ويكون اسم
الولد قبل البنيت.. "قيس وليلى" و"كثير وعزة" و"جميل
وبشينة" و"عروة وعفراء" و"انطونيوكليوباترا" و"أختاتون
ونفرتيتي" و"روميوجولييت" و"عطيل وديمونة" مفيش غير
"نور ومهند" لأن نور كانت أرجل من مهند أصلاً... وحتى في
نهايات تلك القصص كانت النهايات المأساوية دائماً في انتظار
الرجل وحده.. فعنتر سافر لجمع مهر عيلة ومات في الغربية من
التعب، أما عروة فكان أكثر منه حظاً فسافر ورجع صاحي بالمهر
لكنه وجد عفراء اتجوزت فمات من الحزن والقهر.. ، وجميل

ظل مطارداً طوال عمره خوفاً من بطش أهل بشينة.. ، وقيس
التحر من شوقه لـ ليلي.. ، وروميومات بالسم زي الفران..
والسؤال: لماذا لم نسمع عن أي بنت حصلها أي حاجة في أي
حالة.. كلهم اتجوزوا واتستوا وخلفوا ولا في دماغهم أما احنا
الولاد فتحب ونولع بجاز..!

لا والمصيبة إن البنيت دائماً ما تتهم الولد إن قلبه جامد ويفارق
وينسى مع إن ده بقى أكبر مشاكل الولد.. أنه مبيعرفش ينسى
، وبرغم أن عينه زايغة بالفطرة.. ويببذل مجهود جبار حتى
يشتمع بواحدة فقط.. ولكن عندما يحب فإنه يحب نادراً
وبشوة وعنف.. ويصبح الحب في حياته مرحلة ومحطة يتوقف
عندها كثيراً تؤثر عليه بقية حياته بأحداثها وذكرياتها وآلامه
فهيها ومنها.. ، أما البنيت فالحب عندها هو كل حياتها.. تعيش
لتحب.. فضا بعيد عنك.. ولذلك فهي تحب كثيراً، وانتقالها من
قصة حب لأخرى أخف من حقة من أيد ممرضة فلبينية في دار
المرأة.. ، ومن سوء حظي أنتي كنت شاهداً على أربع قصص
لأصحابي وكلها انتهت بالفشل والغريب إن بعد الفركشة على
ملول كل بنت يا اتخطبت أو اتقرى فتحتها أو اتجوزت بعد أقل من

شهر.. مهنش عليهم حتى العشرة أو إنهم يفضلوا يعيطوا شوية على الذكريات.. ، أما أصحابي: اللي جاله حالة نفسية وييجري ورا الكلاب في الشوارع...، واللي حابس نفسه في الحمام ويريحته بقت قدزة، والتالت بيكنس دلوقتي في المساجد، والرابع انحرف وقرر ينتقم منها ومن البلد كله وانضم للحزب الوطني...، الولد بعد الفرشة قلبه بيتكسر.. إنما البنت قلبها بيتني بس ويتعدل تانى على طول.. ده أنا أعرف واحدة اتجوزت بعد أسبوع من فركشتها خطوبتها.. خطيبها مالحقش حتى ياخذ الهدايا بتاعته..! وهذه هي يا صديقي ندالة البنات في الحب اللي غلبت ندالة الشيطان اللي حبس أصحابه في أوضة وشغل عليهم قرآن..! لذلك لا تكن مغللاً وتصدق رومانسية البنت الزائفة وهي تخبرك أنها حاتجوزك علشان بتحبك.. فهي لا تعرف الحب.. هي عايزة تتجوز وخلص.. عايزة مبدأ الجواز بفض النظر عن الشخص حيكون مين.. أنت ولا حمادة ولا برعي.. الفرق بين الولد والبنت إن البنت هدفها الأول والأخير الجواز.. وبعد كده التفكير في العريس.. بعكس الولد اللي مشروع الجواز عنده مؤجل لحد ما يلاقي البنت المناسبة.. وبعد كده يفكر في الجواز.. رومانسية أوي البنت صح..!

قالك البنت رومانسية.. وهي عمرها ما كانت رومانسية دي ممثلة رهيبة.. في عز ساعات نشوة الحب في الخروجات ومكالمات بلبل تقعد تقولك: "ده أنا مقدرش أزعل منك.. ده أنا مبيجليش نوم غير لما اسمع صوتك.. دي الحياة من غيرك مالهاش لازمة.. ده أنت أغلى حاجة في حياتي.. ده أنا لو سيبتك أموت نفسي.. انتحرو.."، ولما تتخانقوا تلاقىها بيجيلها قلب متكلمكشي...، وتلاقىها بتنام ١٥ ساعة ف اليوم عادي جداً..، وبتخرج مع أصحابها، وعاشة حياتها وما انتحرتش ولا حاجة يعني..!! ياربي على الكذب.. لا والبنات بتقول إن الولاد هم أصلاً اللي كدايين... بس الحمد لله أثبت العلم والأبحاث كذب المرأة نفسها في الموضوع ده...، في كتاب:

"Why men lie & women cry"

تكتشف السر وتكسر اعتقاد إن الولاد أكثر كذباً من البنات.. والحقيقة إنهم متساويون بنفس القدر من الكذب، ولكن البنت عندها القدرة الفائقة على اخفاء كذبها.. وقدرتها على الكذب مع تظبيط لفة جسمها ونبرات صوتها ومشاعرها في نفس الوقت...، لأن عقل البنت مبرمج على اتساع أكثر من

عمل في وقت واحد.. فالبنت بتكون في المطبخ بتطبخ، وفي نفس الوقت بتغسل، وبتذاكر لأخوها، ومشغلة الكاسيت، وبتكلم في التليفون وهي اصلا بتدغ لبان..، بعكس الولد اللي مايقدرش حتى يرد عليك وهو بيقرأ الجرنان أو يلعب بلاي ستيشن لأن عقله مبرمج على عمل حاجة واحدة.. وعشان كده بيتكشف لما بيكذب.. لأنه بيركز في الكدبة بس عشان وبيتوتر وبيتردد وحتخونه عينه وتعبيراته وحتيكشف.. حتى عمرو دياب بيقولك قالتي قول حبيتها ولا محبتهاش مردتش أرد.. الراجل عارف أنه لو حور حايتفقس.. بس أنت أسأل أي واحدة كده وقولها عرفتي حد قبلي.. حتقولك أنا..؟ يا لهوي.. ده أنت أول حب في حياتي.. ده أنت أول راجل انكشف عليه.. ده أنا بقعد قدام بابا بالطرحة..!!، فالكذب عندنا احنا الولاد مالوش رجلين، إنما عند البنت ليه بقى ليه رجلين وبيتنطط كمان..، لأن حتى لو البنت صادقة برضه بتشتفك.. يعني لو قالتك أنت جوه قلبي.. تعرف إن فيه واحد تاني على السطح.. ولو قالتك إن قلبها اتفتح أول ما شافتك.. يبقى كان موراب لحد قبلك.. ولو حلفتك إنك أول واحد تديله رقم تليفونها.. فأكيد لسه جايبة خط جديد..!

2



قصة حب ليليل

Handwritten text in Arabic script, likely a story or poem, covering the right page of the notebook. The text is faint and partially obscured by the gutter of the book.



انویس 712

"أدم الرجل مخلوق من طين، من مادة باردة ميتة،
بينما حواء المرأة مخلوقة من ضلع أدم، من مادة
حية من لحم ودم ونبض، لذا نجي، استجابتهما مختلفة
لأمام الحب، استجابة اللحم و الدم غير استجابة الطين..
من هنا نجي، إجابات الحب بين طين و لحم...!!"

رجاء عالم



(١)

بينما كان يمر أتوبيس "٧١٢" المتجه لرمسيس للمرة العشرين على التوالي كانت نوسه قد بصقت على الأرض للمرة الـ "٩٥" دون ملل، فقد شعرت أن الموضوع أصبح مستفزاً؛ لأنها منذ أكثر من نصف ساعة وهي تنتظر أتوبيس "٤٧" المتجه لشبرا الخيمة، الذي استفزها هو أنها عندما تريد الذهاب لرمسيس تمر كل أتوبيسات شبرا...والآن يحدث - كالعادة - العكس...، هي فقط لعنت القدر دون أن تحسب المسألة بأى فلسفة فهي لا تعرف في حياتها سوى نظم الإدارة وتكنولوجيا المعلومات، وكام مادة أخرى امتحنتهم في ترمها الأول في معهد فني تجاري في أحد ضواحي الجيزة التي تركب منها الآن...، وبينما

تحتضن نوسه كتاب كان بعوزتها دست يدها بصعوبة في جيب بنطلونها الجينز الأسود والذي قد تظنه مدهوناً عليها إن لم تدقق النظر، أخرجت موبايها تستكشف عن الساعة، لتسمع صوتاً رجولياً غريباً عنها.. على فكرة مش جاي، انتبهت نوسه لمصدره فوجدت شاباً يافعاً، يلبس بنطلون جينز أبيض عليه بعض الرسومات، يتخلى عن مؤخرته قليلاً ليعطي لبوكسره الأسود فرصة للظهور، وبأدى أصفر ضيق كُتب عليه من الأمام ومن خلفه  و  وتعتبر طريقة تسريحة شعره من منتصف رأسه وحواجبه المرسومة بدقة وطريقة خروج أنفاس سيجارته "البوكس" عن شاب شديد الجاذبية.. أو هكذا هويرى نفسه... لم يأخذ اكتشاف هذا الكائن الخليوص الأخطبوطي اللزج من نوسه سوى ثانيتين، عبّرت عن انبهارها به في تجاهل مقصود بنظرتها للناحية الأخرى محاولة أن تظهر له أنها لا تُعره أي إهتمام.. فاخرقها صوته مرة أخرى.. متستيش كثير مش جاي.. طبا ايه آجي أنا..!؟

بالطبع هو لا يقرأ لا الكف ولا "المج" وإنما تلك كانت طريقة حمدي المعتادة في معاكسة البنات وتعليقهم لو البنت "بيجي

ملها"، ولما كانت لحمدي نظرتة الخاصة في البنات، فقد راهن على نوسه لما رأى نظرتها التي تنطق بتقل يفضحها فاقترب ملها قائلاً: على فكرة يا أنسه وجودك هنا خطر.. فاضطربت نوسه وسألتة: ليه..؟ فرد أصل الشمس طالعة والقمر واقف هنا على الأرض فكده الدنيا حتفرق، فخرجت منها ابتسامة على استحياء سريعاً ما اخفتها، وارتسمت الجدية حتى تحرش مرة أخرى.. هو أنا مش حماكس عشان شكك مش طيقاني.. بس كنت بسأل: معنديش إخوات بنات؟ فتظرت له بطرف عنيتها.. فلاحقها ولا حتى صبيان..؟ وهنالم تمنع نوسه نفسها من الضحك بصوت عالي فضح كل ما سترته، فانفتح الباب أمام حمدي وعرف سبب انتظارها وأخبرها أن الطريق لشبرا مفلق لصيانة أحد الكباري، وأقنعها أنه لاسبيل لها إلا المترو وعرض عليها توصيلة بل صمم عليها.. وإن كان ترددها ليس في التوصيلة بل لأنها لأول مرة سوف تتركب المترو... في محطة مترو الجيزة قطع حمدي تذكرة مترو واحدة وراقب في خبث أعين الأمن حتى اختار لحظة حاسمة أوصى فيها نوسه أن تلتصق به وهو يعبر الحاجز الحديدي.. وقد تمت المهمة بنجاح... وقفت نوسه عند السلم الكهربائي للمترو محرجة.. فرغم أنها صعدت

السلم الكهربائي في مول طلعت حرب حوالي ثلاث مرات إلا أنها
لا زالت لم تحل مشكلتها من الخوف معه... وكان لابد أن يظهر
دور حمدي البطولي وقت الشدة.. فمد يده يشجعها على النزول
فترددت لثوان، فمد هو يده لتحتضن يدها، وحاول أن يزبل
عنها شعور الخوف فقال لها: " بصي.. غمضي عينيكي وأنتي
مش حتحسي بحاجة.. "، لما انتهت المغامرة أخبرته أن تغمضها
مع حركة السلم ذكرتها بملاهي "كوكي بارك" التي زارتها في
الإعدادي مع الحسين والقلعة وبانوراما حرب أكتوبر.. وامتزجت
تفاصيل الرحلة مع تفاصيل حياة حمدي الذي يعمل حراً بعيداً
عن شهادة الدبلوم، وكونه أيضاً شاعر موهوب لم يأخذ حظه
بعد.. حتى وصلا لمحطة شبرا.. ووقفنا مرة أخرى أمام السلم
الكهربائي، فتطوعت نوسه ومدت يدها لحمدي وصعدا..

في منتصف الليل كان لقاؤهما الثاني عبر ذبذبات المحمول، والتي
شعر حمدي أنها خارجية وداخلية.. لأنه كان يسمعها بصعوبة..
لأنها كانت تتكلم بهمس الجواسيس من أسفل بطانيتها خوفاً
من بطش أختها الكبيرة "راشا"، ولكن لم يمنع ذلك من سخونة
المكالمة عندما أخبرها حمدي أن كيانه كله تشقلب عندما رآها،

وأنها لم تفارق خياله حتى إنه رآها في طبق الفول وهو بيتعشى
لدرجة إنه كتب فيها قصيدة خصيصاً من أجلها ألقاها على
مسامعها..

بحبك في السكون.. وأحبك في الزيتة
وأحبك لما تزعقي لأبوكي وتنطري
وأحبك في نهار رمضان لما بتفطري
وأحبك وأنتي لدغه.. وأنتي خنفه.. وأنتي كتعه
وأحبك لما تتفاظي وتكوني عليا قافشة..
بحبك في السكون.. وأحبك في الزيتة
بحبك بجنون يا بنت العبيطة.. يا بنت العبيطة

بينما ذابت نوسه من الرومانسية.. مما حرك فيها مشاعرها
المتبهة فقالت له بأنوثة: طب مش حتصدق إنى فضلت ساعة
كاملة في الحمام بفكر فيك.. مع إنى قاعده ومخلصة.. بس
كنت سرحانة فيك.. ده يبقى اسمه أيه ده بقى ها..؟

قامت نوسه من نومها صباح ثاني يوم، وحالة غريبة من النشوة
لزورها، وتسري فيها كأنها يوم صباحيتها، كانت الساعة

العاشرة وما زال أمامها ساعتان كاملتان على ميعادها مع حمدي، فاتصلت بسماح جارتها.. موحة بقولك عشان رايحة أقابل النهارده وكده.. آه ياختي نقيلي في الواد بقى.. دعواتك بس بييجي بفايده في الآخر.. المهم بصى أنا حلبس البنطلون البمبي وكارينا صفرا.. عايزة بقى منك البادي الأخضر اللي اشتريته الأسبوع اللي فات.. ألبسهم على الطرحة الحمراء المقلمة.. ماشي مستنياكى، ووقفت نوسه في تردد لا تعرف ما الذي ستفعله حتى تأتي سماح، فأنحنت على نفسها وشممت ملابسها فاشمئزت من رائحتها.. فقررت أخذ دش لم يستغرق خمس دقائق، خرجت منه وهي تغنى بصوت عالي لمعشوقتها شيرين " أخيراً انتشفت.. أخيراً أنا نضفت وحرش ميه علييييييييك.. "

(٢)

على باب حديقة الحيوان كان يقف حمدي منذ سبع دقائق منتظراً في ملل.. وبحركة لا إرادية أولج إصبعه السبابة في فتحة أنفه اليمنى ليلهو... حتى ظهرت عروسة المولد بألوانها الفجة..

وكمية لا بأس بها من الشعر الأشقر المزيف يطل من تحت حجابها، وصندل ظهر منه في كل قدم صباغان ملطخان بلون الدم، ولم تهتم بصبغ البقية لأنهم مدفونون تحت الصندل... فأنظف حمدي رأس إصبعه في بنطلونه سريعاً.. وانطلق معها داخل الحديقة ويده تحتضن وسطها.. لم يلفت انتباهها أن حديقة الحيوان خالية بالفعل من الحيوانات، فأكد العشاق لا ترتقي مشاعرهم بمشاهدة تلك الحيوانات المفترزة.. فكان مرض حمدي هو البحث عن شيء آخر.. عن مكان لا يتطفل عليهم أحد فيه.. فللعشاق خصوصية وحرمة لا يجوز أن تنتهك، مدت نوسه قدميها وافردتهما وهي جالسة ليضع حمدي رأسه المرهقه على تلك المخذة اللحمية المكتنزة على أنغام أغنية رومانسية لتامر حسني من موبايه الصيني.. بينما غاصت يداها في طبقات الفازلين بين خصيلات شعره، ولما لامس نجم الليل مشاعرهما وكهرب أحاسيس الحب فيهما.. اعتدل حمدي وجلس واقرب منها وخطف على غفلة منها قبلة على شفيتها التي لم تعترضه، فنظر لعينيها الجائعتين والتحم معها في قبلة فرنسية طويلة يعرفها بين أصدقائه بالبوسة المشبك..

" أنت يا برنس الليالي والأبلة اللي معاك.. أيه اللي أنتو بتهبوه ده..؟" كان ذلك صوت عامل الحديقة الجمهوري الذي أفرعهم.. وبينما ارتبكت نوسة واعتدلت في جلستها وأدارت وجهها في الجانب الآخر خجلاً تحرك حمدي ناحيته، بينما كان العامل مازال يصرخ: "يعني أنت ترضاه لاختك.. ترضاه يا نجم.. أيه المسخرة وقلة الأدب دي" فأخرج حمدي سيجارة بوكس ملفوفة بعشرين جنيه ناولها في يد العامل الذي نظر لها وقال: "لو مؤاخذة يعني يا أستاذ.. أصل ما يصحش يعني"، فقاطعه حمدي بثقة: "يا عم خطيبتي وكنت بصالحها مافيهاش حاجة يعني"، فأدخل العامل السيجارة في جيبه وهو يقوله: "لا إذا كنت بتصالحها ماشي.. بس صالحها في حنة مدارية شوية"، و انصرف العامل، ورجع حمدي يهدئ نوسة، التي توترت حتى استقرت فاقترب منها وهو يقول لها في همس "هو إنا كنا بنقول أيه..ها..؟"، حتى عاد صوت العامل الرزل "يا كاكاهاتين" فنظر له حمدي في ضيق وصرخ: "عايز أيه تاني؟"، فشاور العامل على ساعة يده وقال: "بنقفل"..!

وبما أن حياة نوسة بدأت في التغيير، وتجربة كل ما هو جديد،

فاكمل اليوم بدخولهم "كنتاكي"، شعور غريب انتابها في المكان امتزج بين الفرحة لدخول مكان جديد، والخوف منه أيضاً.. ولكنه تحول سريعاً لفضب حينما نزلت وجبتها من الفراخ المقرمشة بدون مخلل... وهو موضوع لم يشغل بال حمدي من فكرة أخرى تطارده "نوسة إنا دايسين بكره سينما وكان عندي فكرة لو تجيبي واحده صحبتك وأنا أجيب واحد صحبي ونخرج شلة يعني" وافقت نوسة مرشحة صديقتها الأنثيم سماح.. وعند مفادرتهم تسمرت نوسة أمام "كنتاكي" وسألت حمدي من معنى كلمة **KFC** فصمت لثانيتين وقال بلفة الواثق.. دي اختصار لـ كل فراخ كثير...


(٢)

"بخرّب بيت جمال أمك يا سماح" تلك كانت أول جملة لاق بها حمدي في داخله، عندما رأى سماح، والتي في جمالها تصبح نوسة قرد سنغالي يتيم من أصول صومالية.. نظرية "تيجي مع الهبل دويل" أمن بها حمدي بشده خاصة أن البرنسياسة سماح أصبحت من نصيب صديقه "الدُغف" كرم،

و"دغف" هنا ليست شتيمة - لا سمح الله - إنما هي وصف لشخصية كرم الذي أغراه حمدي بخروجه مع صاروخ لاستغلاله مادياً لكي يشيل الليلة.. صفقة تستطيع أن تصفها بالمصلحة المشتركة... من فلوس كرم دفع حمدي بقشيشاً محترماً لعاملة شبكك التذاكر لكي تحجز لهم أربع تذاكر في الركن الهادي في أبعاد زوايا السينما... بشكله القبيح وطبيعته الخجولة انشغل كرم بالفيلم معتبراً سماح كأخته.. بعكس حمدي الذي بدأ الفيلم بنوبة تقبيل ساخنة لنوسه دون مقدمات.. فالمقدمات مثل مسك اليد واحتضان الوسط وحتى التقبيل بأدب انتهى وقتها.. حمدي لاعب محترف، ويعرف قوانين اللعبة جيداً.. القانون الأول.. إنك تبدأ من حيث انتهيت آخر مرة.. أما القانون الثاني فعليك أن تحرز هدفاً جديداً مادامت مراكز الدفاع معطلة عند الضحية، وأشهر طرق الاستسلام المعتمدة في هذه اللعبة هي الصمت، مشكلة الإنسان - عموماً - إنه لا يستطيع الشعور بالآخر كما يجب.. مشكلتنا إننا نتعامل مع المشاعر الإنسانية للآخرين ونحكم عليها كما نراها نحن فقط، ليس بإحساس من يشعر بها نفسه.. فمن قال إن الصمت معناه الوحيد هو الموافقة..! وإن السكوت دائماً علامة الرضا..!.. ربما كان

السكوت علامة القهر.. الخضوع.. العجز عن النطق بالألم..!، والى حلفت له نوسه مائة يمين أنها لم تقم بما فعلته معه مع جنس مخلوق على الأرض لما صدقها طبعاً.. وصمتها ترجمته إنها فعلاً أحبته، مجنونة ممكن يصفها.. ولكنها كانت في أشد الاحتياج للتعرف على مشاعر الحب، التي لم تعرفها إلا من الأفلام والأغاني وحكايات صديقاتها والتي غالباً لا تخلو من البوح بالحظات خاصة جداً مع الحبيب نتيجة تلك المشاعر... حمدي الآن تتسرب أصابعه على أنحاء جسدها الذي بدا في القشعريرة ما بين لذة التجربة والشعور بالخطأ.. الاحتياج للحب والخوف أن يبتعد عنها مرة أخرى.. هي تريد الحب وهو يريد النزوة.. هي تريد قلبه وهو يريد أنثوتها.. تعيش هي أفسى لحظات التردد والتوتر.. ولكنها سريعاً تذكرت كلماته التي كانت عوناً لها دائماً في كل حيرة سابقة "لازم تثقي فيا عشان أنا بحبك.. وحاجوزك وبعاملك زي مراتي من دلوقتي.. فاسترخت تماماً على كرسي السينما منتقلة بجسدها لعالمه الخاص.."

رومان كاملان من يوم أحداث ذلك الفيلم الذي لا تتذكر منه شيئاً وحمدي يرد عليها بطريقة هي أسخف ما تكون، لا تدري



المفاجأة

شيئاً عن تغييره الكامل بهذه الحالة غير المنطقية...، وبفطرانها
الأنثوية حاولت بدلالها وحنيتها أن تعرف سبب كرهه المفاجئ
لها وتهربه من مقابلتها، ولكن لا حياة لمن تنادي... أيام عصبيتها
مرت عليها تنتقل من فيها من سئ لأسوأ.. كادت تصاب خلايا
مخها بالشلل من التفكير في حمدي وذكرياتهما معه لدرجة
تجعلها أحياناً مغمبية عن الحياة.. حتى أنها الآن تقف وأتوبيس
٧١٢ مر أكثر من مرة دون أن تلحظه.. وربما في لحظة غدر
من الأقدار كشفت لها الحياة عن وجهها القبيح.. لتريها الآن
حمدي وهو يمانق سماح من وسطها على بعد أمتار منها... لتعلم
بذلك نتيجة الحرب التي كانت بداخلها ويتم رفع راية الهزيمة
بجدارة.. وتتلاقى لأول مرة مع نفس تفكير حمدي.. فهي آمنت
أخيراً أنها منحلة وفاجرة وساقطة وكل الشتائم التي
خُلقت خصيصاً لتصف دنو أخلاق البنات... مشاعر غزيرة
تنازعها الآن.. أقلها إن حمدي جردها من أخلاقها وهرب..
تشعر أنها كوم زبالة.. أنها لا تستحق احترام الناس من بعد
الآن.. فرت دموعاً مهزومة من عينيها الضعيفة، فلاحظها
أحدهم الذي وقف يراقبها وهو يقول لها: كل ده عشان لسه
مجاش.. على فكرة مش جاي.. آجي أنا.. ١٩٩

أحبك جداً
وأعرف أنني أغامر برأسي
وإن حصاني خاسر
وإن الطريق لبيت أبيك
محاصر بألوف العساكر
أحبك جداً
وأعرف منذ البداية
بالي سأفشل
وإن خلال فصول الرواية
سأفشل...!

نزار قباني



أسمة هواء باردة أنعشته أخيراً بعد يوم كامل لم يستشق فيه
سوى رائحة مرضاه المقززة في تلك الوحدة الطبية العقيمة... لم
بعد أنفه منزعاً بعد أن آمن أن الفقراء بطبيعتهم يحملون تلك
الرائحة كماركة مسجلة مختومة من قرف الدنيا لتمييزهم عن
باقي البشر... حتى أصبحت تلك الرائحة جزء من كيان عمله..
مثالها مثل الـ ٢٦١ جنبها الإربع التي يتقاضأهم كل شهر.. بغض
النظر إنهم بالكاد ثمن كتاب درس فيه في أحد سنواته السبعة
لا طب عين شمس.. وما إن تذكر عين شمس فحتماً سيخبرك
أي من قاطنيها بقصة الحب الملتهبة التي جمعت بين الدكتور
شادي والدكتور ه إنجي.. تلك الألقاب التي يطلقوها على كل
مطلة الطب من أول سنة.. ولكن هي عنده مجرد.. نوجا..
- يا عيون نوجا..

- تعرفي يا نوجا أنا بحس أيه دايماً.. إن الحياة دي أصلاً اتعملت
لينا.. مخلوقه بكل تفاصيلها عشان توفر لنا الجو الرهيب ده
عشان نعيش فيه.. مش ملاحظة النيل رايق إزاي عشناً.. ولا
العصافير اللي عماله تنادي علينا.. طيب بدمتك شايفه القمر
باصصلنا إزاي..؟

- شايف أنت اللي تحت القمر على طول.. شايف الفورسيزون
وجماله..

- تخيلي يا حبيبتي شهر العسل بتاعنا كله قضيناه وسط الطبيعة..
في جزيرة مثلاً وسط البحر.. حاجة كده زي تايلاند..

- لا وباسلام لو في فرنسا.. يا اه جعل شوينج بالهبل..

- شوينج.. ده أيه الرومانسية اللي أنتي فيها دي..!!

- معلى يا حبيبتي.. الجوع مآثر عليا.. بقالنا ساعة واقفين ما
عزمتيش غير على كوز دره.. وخمسننا فيه كمان..!

- آه.. جينا بقى للكلام اللي يزعل.. عارفه يا نوجا يا حبيبتي

أيه مشكلتك؟ إنك مش حاسة بالنعمة اللي أنتي فيها.. مش

حاسة بالجو الشعاري اللي عايشين فيه.. أنتي فاكره إن الناس

اللي بتتعد في سلينترو وكوستا وسينابون والأماكن المشبوهة دي

بتبقى مبسوطه.. دول بيبقو قاعدين كده في كراسيهم وباردين

ومبلمين ومشاعرهم مصنعة وبلاستيك..

- يا سلام..! طيب ما تيجي نجرب نبقي باردين ولو مرة
لواحدة.. وبمناسبة إني حراثة كمان.. هه؟ لو بتحبني.. يا شادو
بقى عشان خاطري..

“Welcome to Costa Coffee”

- بيني متوتر كده ليه..؟

- أنا..؟.. لا أبداً أصلي عندي "فوبيا" من الأماكن المغلقة..

- ولا الأماكن النظيفة.. ها؟

فالت نوجا تلك الجملة و قذفت نفسها على أحد الكراسي
القطنية بعنف وأكملت.. تصدق الكرسي ده أطرى من سرير
بيتنا.. يا راجل ده أنا رجلي ورمت من الوقفة..

- بس بقى بطلي فضايح.. بصي إحنا آخرنا هنا اتين شاي
كشري.. وما فيش خروجات بقية الأسبوع كمان

- (بدلع) أيه ده.. أنت مش حتغديني..؟

- احترمي نفسك بقى..

وفجأة اقتحم عليهم رجل وسيم شديد الأناقة.. وهم شادي
بالوقوف ليسلم عليه كنوع متعارف من الاحترام الزائد.. ولكن
بسببه الرجل باعطاءه "المنيوهات"، وبعد نظرة سريعة في

"المنبو" تتم عن اتخاذ قرار مسبق أصلاً.. نطق شادي:

- إحنا حناخذ اتين شاي..

ومع نظرة الجرسون الأخيرة التي تسبق اختفاءه، وتنتهي مهمته..

كنظرة عشاوي قبل أن يسأل ضحيته

"نفسك ف حاجة قبل تموت.. ومع السكوت والابتسامة

الصفراء السمجة التي أتى بها.. إتجه بميل دوران للخلف..

فاخترقت أذنه فجأة "أممم.. لوسمحت.."

كان ذلك صوتها.. صوت نوجا التي أردفت "واحد إنجلش كيك

مع الشاي.."

فكتبها ذلك الوغد في فيمتو ثانية وهو ينظر في خبث لشادي..

الذي وقعت عليه الكلمة كطفل لأم صعيدية رمته من الدور

السابع كنوع من الهزار.. فارتمت دماغه فجأة بين يديه على

التراييزة، كمن سمع خبر وفاة والده في سابع سنة غريبة في

الكويت.. انتفخت عيناه وانتفشت أنفه ولم تتمم شفثاه إلا بعد

دقائق.. قدر الله ماشاء فعل..!

(٢)

الدمج شادي في وصلة من الدعاء في خشوع، حتى دمت عيناه،

فاليوم هو الجمعة والدعاء فيه مجاب، كان ثابتاً على دعوة

واحدة "يارب عدي الليلة دي على خير"، فالיום هو مواعده

مع أهل إنجي.. اليوم هو ليس خطوبة أو قراءة فاتحة.. بل

هي الزيارة المرعبة التي تسبقهم والتي يتم فيها شطف وعصر

ونشر هذا البطل، الذي قادته شجاعته الأدبية لدخول بيت من

يرتبط بها... وهي الزيارة التي تحدد فيها أهل الفتاة الموافقة

أو الرفض على الموضوع من أساسه.. زيارة في رعبها تشبه

كثيراً جلسة اختبار القبول في كلية الشرطة..، لم يشعر أن

بطله مكركبة وأعصابه سايبه منذ آخر إمتحان اجتازه.. ولكن

ربما هذا هو الامتحان الفعلى الذي سوف يكرم فيه أويهان..،

كم هو ثقيل عليه هذا الشعور ولكنه إباح نوجا غير المنطقي

باتخاذ هذه الخطوة الآن، مع أنها تعلم أنه غير مهيب نفسياً

واقصادياً للكلام الرسمي.. كل هذا لا يهم.. المهم إنه غضب

منه وعن أهله سيكون ضيفهم الليلة..

مقدارك يا عمو.. نورتنا يا حبيبي.. ده نورك أنتي يا تت.. إحنا زارنا النبي والله.. ده من زوقك يا عمو.. تابع نفسك وجايب شيكولاته من الرخيصة ليه يا حبيبي.. دي حاجة بسيطة يا تت..

اختفت تدريجياً نصف الابتسامة التي كانت على وجه عمو، وسند ظهره على كرسيه، وقال وهو يحاول أن يتسم بالعمق: "أنا مقدر مجيتك دي، ودخلتك البيت من باب، وأنا أهم حاجة عندي بيني في اللي أديلو بنتي إنه يبقى راجل بجد.. يحبها ويحميها ويحطها في عنيه.. الفلوس دي آخر حاجة بنفكر فيها.. وفي الأول والآخر إحنا بنشتري راجل".

وبينما قضت تلك الجملة الأخيرة نهائياً على توتر شادي وأنشرح وجهه بابتسامة رقيقة كانت في نفس الوقت قد اختفت تماماً ابتسامة عمو الصفراء ولاحقه: "ندخل بقى في المفيد".

شادي: اتفضل يا عمو ادخل.. أنت غريب..
عمو: بالنسبة للشقة.. إحنا عايزينها أوضتين وصاله وأربع

في صالون بيتهم المتواضع كان يجلس شادي على استحياء وأمامه علبة شيكولاته "كوفرتينا" مهذبة منتظراً أن يرى وجه أي أحد من أهل البيت.. فحاول تهدئة توتره ذاتياً عندما تذكر كلمات أوسكار وايلد: "إن السعادة ليست أن يكون كل شيء على ما يرام.. ولكن أن تنظر للجانب الإيجابي في حياتك.."
وفعلاً فكر شادي في الموضوع من زاوية أخرى.. فكر في نفسه وفيها وهما متعانقان في حديقة فيلاتهم الضخمة ويلعب حولهم "ترامادول" و "سرنجة" أولادهم المنتظرين، ولأسمائهم قصة.. فهو يتوقع أنه في الزمن الأبعد القادم سوف ينحرف أبناءهم.. فالابن سوف يتعاطى "الترامادول" وأخته هي التي سوف تضرب له الحقن...و..

"أهلا يا شادي يا بني إزيك"

انتفض شادي وسلم بجرارة على عمو و "تت" التي كانت مع كل هزة في حركتها تصدر صوت شخلله مزعج لتخبط فاترينة أساور الذهب على ذراعيها... وكروتين مهمل تبادلا عبارات الترحيب السمجة من نوعية.. شرفتنا بيني.. ربنا يشرفك

حمامات.. عشان لوجينا بيتنا عندكو ولا حاجة..

تنت: واحنا بنشتري راجل..

عمو: أما الشبكة.. فدي هدية منك ليها.. إحامالناش دعوة..

بس مش حتقل عن سبعة آلاف جنيه.. وأمها اللي حتقياها.. أه

ماهي نوجا مش أقل من محاسن بنت خالتها اللي لامؤاخذة

مشيت مع نص شباب المنطقة..

تنت: واحنا بنشتري راجل..

عمو: الفرغ مش مهم.. إحنا ناس مش بتوع مظاهر ودي تكاليف

على الفاضل.. بس ما يتعملش غير في حاجة خمس نجوم..

ماهي مش أقل من رحاب الهبلة بنت عمها اللي عملت فرحها

في دار المدرعات..

تنت: واحنا بيني بنشتري راجل..

عمو: أما بالنسبة للجهاز وكده، فدي بيني شكبات واحنا عارفين

الظروف ومقدرينها.. أنت عليك العفش والأجهزة، واحنا علينا

الخلاط وسبت للفسيل.. ماهي مش أقل من ميرفت الخانفه

جارتها اللي اتجوزت بالفستان اللي عليها..

تنت: واحنا بنشتري (بتتاوب) راجل..

في تلك اللحظة كان شادي تقريباً تحت بنج لزج لأمهر دكتور

أسنان زرته من قبل.. منظره بدا مخيفاً.. حواجه التي ارتفعت

فجأة ورفضت النزول.. وشعره الذي كان يميل يميناً وفجأة

أصبح سبايكي.. ابتسامته البلهاء التي إحتلت نصف وجه

بالعرض.. منظره العام يشبهك كثيراً بمتسابقين برنامج "معاً

نتحدى الإعاقة" ..

لم يستطع شادي الكلام.. إحساس غريب بالخرس.. يشعر أنه

يتكلم بالداخل وليس للخارج.. ومع نظرة عمو التي طالت..

قال بصوت متحرج: هو أنتو بتكلموني أنا.. هو الراجل اللي

تنت تقصده هو أنا.. هي الرجالة رخصت أوي كده..!!.. فرد

عمو بحزم: "لا بيني عيب عليك.. إحنا لولا شارينك وباقيين

عليك كنا خلينا سبت الفسيل عليك أنت..!!.. وهنا وضع شادي

رجل على رجل وانجعص قائلاً: "بصراحة بقى الجوازة دي مش

لزمانى.. أه ما هو لامؤاخذة ما أنا مش أقل من عمرو صاحبي

المعفن اللي اتجوز واحدة زي القمر وبتت ناس ومدفمش غير

ألفين جنيه بس، وكمان كانت حامل..!!

١٥٠ جنيه بعد فصال مريز أصبحوا ١٢٠ خرجوا إلى متواهم الأخير من جيب شادي إلى يد البائع الشرير الذي قبض عليهم بيده كمن استولى على غنيمة غزوة أنتهت لتوها، أكثر من ثلث المرتب ضاع مقابل ذلك الدبوب الأحمر الضخم الأهل الذي لسوء حظه وقع عليه الاختيار ليكون هديته لنوجا في الفالنتين...، لما حسبها بالعقل وجد جرام الذهب بأكثر من ١٨٠.. جنيه وأقل خاتم بمثابة مرتبه لنصف سنة قادمة... هو يعرف أيضا البنات وعبطهم وما تمثله لهم الورود والقلوب الحمراء والبداديب، ولكن الدبوب هذه المرة لم يكن طبيعياً بالمرّة فقد كان عملاقاً بشكل مبالغ فيه وهو ما لفت نظر شادي له.. وبالتبعية سبب له إزعاجاً غير عادياً في حملة، وهنا تذكر كلمة البائع الترح له "يا باشمهندز ده.. مستورد..". ولم يشك شادي للحظة أنه أحد أبطال رياضة السومو اليابانية الذي تم تهريبه..، أربعة أمتار من حملة كانت كفيلاً أن ترهق مفاصل أذرعها، ولم يتردد في طرحه أرضاً وحشره بين أرجله في الوقت

الذي كان يعلن موبايله فيه رنين مع اسم نوجا.. حتى لاحقها:
 "يا صباح الحب.. يا صباح الرومانسية على أجمل بنوتة في الهرم.. ردت بدلها المعتاد.. الهرم بس؟ فرد.. يا حبيبتى وهي الهرم شوية...، فعدلت صوتها وصرخت.. تصدق أنت رخم، ورد عليها ضاحكاً يا حبيبتى هو أنتى محتاجة اقولك إنك أجمل واحدة في الكون.. يعني هو أنتى مش عارفة؟ ثم تفلت يمينا ويسارا وهمس.. وبعدين ماتخذينيش في دوكة.. وسيبينى أقولك كل سنة وأنتى حبيبتى.. كل سنة وأنتى أحلى حاجة في حياتى.. محضرك مفاجأة حاتعجبك أوي على فكرة...، فردت بضحكة.. لأبجد...!! بتهزر.. أصل أنا كمان محضره لك مفاجأة جامدة...، طيب بصي يا ستي أنا في المهندسين نص ساعة بالضبط وحبقي هناك.. يلا خدي بالك من نفسك.. سلام، رغم عشرة كل تلك السنين.. إلا أن صوتها كل مرة يصيبه بتلك القشعريرة التي تسرى في شرايين جسده لتدغدغ مشاعره...، وتخلق فيه طاقة مجهولة جعلته خطف الدبوب من الأرض وهمم بتقبيله بنهم من حدوده الوارمتين، وهو يحدثه: "والله ما خسارة فيك الـ ١٢٠ جنيه يا بغل أنت" ..!

مع نظرات الناس الغريبة في الشوارع التي تخترقه وتستهك خصوصيته.. حاول أن يبدو على الحد الأدنى من التوازن النفسي.. خاصة بعد أن تحولت النظرات لذبذبات هامسة، ثم لأصوات بشرية واضحة.. اللي جابلك يخليك.. الغوريلا دي تبقى أمك ولا أيه..؟.. وتلك الإفيهات المعتاده من شعبنا الطريف، قرر إنه حان الوقت ليخرج من رحم استفزازهم وشاور لأول مايكروباص ظهر فوق له السائق وتأمله وقال له "أيه يا فتان الدبodob ده عنده داء الفيل ولا أيه..؟" وانطلق بضحكات كل الركاب، يا لسخافة السائقين.. أو بمعنى أدق سخافة الظروف التي جعلته في هذا الموقف.. الذي ازداد سوءاً بعد تكرار الموقف عدة مرات.. وإن كانت سخرية بقية السائقين مكتومة.. مكتفين بالإشارة له بالنفي.. أو عدم وجود أماكن.. أو الابتعاد بعيداً عن وجههم.. كم غبية تلك اللحظات التي لعب فيها لعبة أفلام من غير كلام..!

بيداهة يحسد عليها شعر شادي أنه قد نفذ أمر الله، ولا مفر من أن يركب تاكسي.. كم هو أمر محير يحتاج لأكثر من صلاة استخارة..! "خليك سيريلاكس.. واركب تاكس" كان ذلك

صوت سائق تاكسي ظهر أمامه فجأة مطأطأ رأسه الصلعاء من زجاج الشباك.. ومع إنها طريقة تليق أكثر بمعاكسة عاهرة إلا أنه فوض أمره لله وقرر الركوب ولكن استوقفه السائق: "رايح هين يا باشمهندز..! البلوى اللي معاك دي لا مؤاخذة حاتتربط على الشبكة من فوق، وفي وقتها تم صلب ذلك العملاق كأسير حرب من الكفار.. مع صوت الحيوان الذي يخرج من كاسيت التاكسي المتهاك سأله السائق: "على فين؟"، التحرير.. فرد السائق بحماس عشرة جنيه بمشيئة الرحمن.. فرد شادي بغضب: "ليه إن شاء الله..!، أجرتك وأجرة المحروس اللي فوق، يا أسطى..، رد السائق قاطعاً.. عشرة جنيه، فأخذ شادي بنكت في نفسه ويكلمها ويصب لعناته على هذا اليوم القذر.. عيد النكد.. عيد الفالنتين الذي صبغوه باللون الأحمر ليس إلا دلهلا على سفك دماء الرجال في شراء الهدايا.. يصير شادي أن مخترع هذا العيد لم يكن رومانسيا بالمره، هو مؤكد اخترعه تاجر مفض واستغلالي لكي يسترزق في هذا اليوم.. أه يا ابن..رد السائق: ابن الهرمه، نعم..!، فأكمل السائق: "اللي عمل المطبات دي ابن هرمة.. حاجة تقرف.. عامة وصلنا يا باشمهندز"، رد شادي.. شكراً يا أسطى.. فلاحقه السائق: "عشرة جنيه يا عم"

حديك العشرة زفت انزل من على وداني بقى...!!

عند كوبري قصر النيل.. استقبل شادي ذلك الأسد بحرارة صديق حميم، وهو ذلك الشاهد الأخرس الذي شهد لقاءات من شدة سخونتها كادت تبث فيه الروح، ولكن شادي هذه المرة بدا مختلفاً.. فمن الوهلة الأولى تشعر أن ذلك الدبدوب المترهل قادم من بعيد وحده، ولكن بعد نظرة دقيقة تكتشف أن وراءه أشلاء بني آدم.. وكان الحل الوحيد لشادي المشي على الكوبري بطريقة "برايل" .. إلا أنه اختلس نظرة فوجد نوجا منتظرة في مكانهم المعتاد... وما أن رآته حتى دخلت في نوبة ضحك هسترية واضعة يدها على فمها من منظره، ناولها الدبدوب.. كل سنة وأنتي طيبة يا حبيبي، ردت برقتها: "وأنت طيب يا حبيبي"، ومدت يدها فالتقطت كيس أسود كبير أقرب لكيس زبالة وناولته له.. فالتقطه بسعادة وهو يقول: أيوه بقى.. إلا أنه عندما فتح الكيس استغرق النظر قليلاً فيه.. فهو تقريباً يرى أشياء يعرفها.. إنها تقريباً هداياه خلال كل السنوات الماضية.. نظر شادي لنوجا نظرة صامته فيها الصدمة والمفاجأة والعتاب وعدم الاستيعاب، لكنها لم تهتم وقالت له: "قلت أوفر عليك المشوار.. أنا متقدملي منجد شغال في السعودية ووافقت عليه"

فسألها في استنكار.. منجد.. منجد يا دكتورة..!! فقالت له: "لا ماتخفش منجد أفرنجي مش بلدي...، وادارت له ظهرها فتده عليها.. أنتي متاكدة إن ده قرارك.. فاستدارت مبتسمة.. لا دي المفاجأة...!!

اختفت نوجا من على الكوبري.. ووقف شادي متمسراً مرتعداً محبطاً يائساً.. ليس لأنها نفضته.. ولكن لسبب آخر أهم.. حيرُوح بالبلاوي دي كلها ازاي...!!

هو وعاء



بيبي

Faint, illegible handwritten text in Arabic script, likely bleed-through from the reverse side of the page.

Handwritten signature or mark at the bottom right of the page.

"الحب.. هو أجمل سوء تقدير بين اثنين".

أنيس منصور

أنا لا أعرف
من أنا !!

أنا

(١)

لم يمر بيبمو في حياته بأزمة نفسية حاده كتلك التي أصابته،
فبرغم كثرة مشاكله النفسية والعصبية نتيجة ضغوطات وقرف
الحياة إلا أنها كانت الأعنف على الإطلاق... مشكلة بيبمو أنه
لا يتكلم.. ولا يفصح لأحد عن سره، يسألونه ليلاً ونهاراً عما
أصابه فينظر لهم في بلاهة ولا كأنه يسمع شيئاً... ولأن الشدة
هي التي تعرفك بأصدقائك الحقيقيين من الفالصو.. فقد كان
دودو نعم الصديق والأخ.. صحيح أنه لا يجوز أن يكونوا إخوة لأن
بيبمو أولاً وأخيراً كلب، ولكنه كان الصديق الوفي ل دودو خاصة
بعد تفكك جروبه منذ تخرجه من الجامعة البريطانية منذ
سنوات ليست كثيرة... أربعة من صفوة أطباء الطب البيطري

عجزوا عن تحديد حالته عدا الأخير الذي خمن أنه مخنوق وربما يريد تغيير جو في أماكن جديدة... أسبوع إلا يومين وقد كان كارنيه عضوية نادى الصيد مع زملائه كارنيهات الأندية الأخرى في محفظة دودو..

على باب نادى الصيد وقف دودو رافعا رأسه للسما والغرغرت عيناه بالدموع وهو يدعي في خشوع: "ياربنا أنا عمري طلبت منك حاجة..؟ بليز عشان خاطرني تيك كير أبوت بيبمو ومتخرج جوش من هنا أفس.."

الاقطعة واحده كانت من نصيب ميريام فارس... وبينما هو سارح في هذا الخصر الجيلي اللولبي إذا ب بيبمو يصرخ من شيء ما اخترق قدمه فانحنى دودو عليه ليحل مشكلته وما أن هاد واقفا حتى فوجئ بضربة عنيفة من كرة التنس الخضراء في رأسه فأوقعته طريحا على الأرض ممسكا بالجانب الأيمن من جمجمته مع صرخة مدوية غرضها القبض على تلك الكرة العينية.. بينما لم تتحمل مشاعر "توسي" الرقيقة هذا المنظر، فانهارت وهي تصرخ:

"Oh my god.. Shit"

وانجرت عليه وهي مرتبكة ومتهلفة.. أيم فيري سوري.. ريلي سوري، وحاولت تتحسس رأسه لتستكشف مكان الألم.. ومع الألم الرهيب الذي يشعر به دودو إلا أنه ابتسم ويده ما زالت على رأسه وهو يقول: "أتس أوك.. نيفر ميند دير"، وشوه بيبمو سمعة الكلاب في وفائهم في تلك اللحظة عندما نفذ لكل ما حدث له دودو وارتمى في حضن توسي التي لم تبخل عليه بأحضانها وهلاتها وهي تصرخ: "أوه.. سو كيوت أوي" بينما بيبمو يلحقها بالسانه ويلاعبها بيديه مستغلا الموقف آخر استقلال كونه كلباً

"ها أيه رأيك يا معلم.. نايس ولا أيه..؟" كان ذلك سؤال دودو ل بيبمو مع كل مكان في النادي إلا أن بيبمو كان يكتفي بهز ديله في ملل وزمجره، حتى انزلت أقدامهم بالصدفة في ملاعب التنس.. وبينما يسيران في هدوء لمح دودو فتاة أحلامه.. بشعرها الذهبي وعينيها العسلتين ولونها البرونزي.. بصراحة كل تلك المواصفات لم تمت بصفة لفتاة أحلامه.. وإنما كان السر في هذا القوام غير الطبيعي.. فمرونة خصرها وهي تضرب الكرة بمضربها بعنف أربكه.. هو نفسه بشحمه ولحمه قوام "فيانسيه" الذي طالما تمناه.. والذي لم ينزل منه عربس

لا حرج عليه ويقول في سره اديني اديني أكثر.. حتى حان وقت الانصراف كان مازال "بيمو" يعيش في الاستهبال متحرشاً بحرية بكل أنحاء جسدها رافضاً الوداع فاقترحت توسي على دودو أن يتركه معها قليلاً فانسحب دودو من لسانه وقال: "بس كده.. خليه معاكى فور إيفر.. فابتسمت توسي وهي تقوله: "أوه.. لا بجد ميرسي أوي أوي.. بجد كل ما حبص في وشه أكيد حفترك" ..

(٢)

تفقد الدنيا نكهتها حينما تعيش فيها وحيداً... تصور دودو أنه بعد فقد بيمو أصبح وحيداً.. وحيداً جداً ولكنه لم يعرف أن القدر أبدله خيراً منه بكثير.. توسي التي ملأت حياته ضجيجاً وصخباً بعد أن كانت مملة ورتيبة.. فشهدت شوارع الكوربة وكافيهات تيفولي و "الريس" في الحرفيين قصة حبهما.. وأسته بيمو والذين خلفوا بيمو، اكتشف أشياء كثيرة مشتركة بينهم.. بداية من بعض المعارف والأصدقاء حتى موسيقى الهاوس والبولينج، والأهم من ذلك أنه اكتشف أنها نباتية

مثله.. حينما قرر مفاجأتها وعزمها في مطعم للكشري فغمرتها السعادة كونها لا تأكل الفراخ ليس لأسباب صحية مثله وإنما لاشمئزها منها كونها بتمشي حافية.. فسألها مبتسماً "طب ما العيال الصغيرة يا حبيبتى بتمشى حافية.. فردت بحزم.. ما أنا ما باكش عيال صغيرة" ..!

ودوام الحال من الحال.. سريعاً ما أتى الصيف بطول نهاره وارتفاع حرارته وسخونه أجوائه خاصة تلك التي تجرى في مارينا التي تعد ختم جواز مرور الصيف من السنة، فاشتعلت بينهم أول مشاجرة حينما رأى دودو توسي على الشاطئ وهي ترتدى المايوه البكيني.. فثار وصرخ وفرج عليها "بورتو مارينا" كالمها.. إزاي تلبسي المايوه البكيني كده قدام الناس.. من غير ما تلبسي عليه الكاش..!؟ (دور على معناها ف جوجل) واتهمها بأنها أنانية لا تراعي مشاعره لأنها مازالت تبوس أصحابها الأولاد على الناحيتين مع أنه تشاجر معها أكثر من مرة مؤكداً عليها أن بوسة واحدة تكفي.. فهو أولاً وأخيراً راجل شرقي ويغير ولبس كيس شيبسي.. ولم تسكت له توسي وفرشت له الملايه هي الأخرى وقالته: "أنت نيرفد أوي كده ليه.. منتش فاكر من

يومين لما دخلت سباق السكيبى وخسرت وبقى منظري ديرتي
 قدام صحباتي.. بني آدم مهزوم ومش قادر تاخذ موقف.. أنت
 لحد أمى حتفضل تتغلب في البلايستشين.. لحد أمى حتتخض
 وأنت بتفتح إزازة "الكان" .. لحد أمى حاقتضل تتوه في سبتي
 ستارز.. ١٩٩٠" ، إلى هنا وقد وصل بهم التجريح لحد الأقصى
 فانسحبت توسي وهي تبكي إلى صديقاتها في أحد الكافيهات
 وتشتكي لهم وهي تسحب أنفاس حزينة من الشيشة وتقول:
 والله يا جماعة أنا مش قاصدة أضايقه.. أنا بجد بجاول أتغير
 عشان أعجبه أكثر ويجبني أكثر بس هو اللي آفش وعمايزني أتغير
 بين يوم وليلة و مش قادر يصبر عليا.. " وربما كانت توسي
 أفضل حالاً من دودو لأنها وجدت من تحدثهم بعكسه هو الذي
 يعاني من نقص الأصدقاء.. فرجع للشاليه وهو يشعر بالهزيمة
 والانكسار مطأطأ الرأس لشعوره بخيبة الأمل.. فجلس مع نفسه
 وحيداً حتى شعر بالاحتياج لله فقام وصلى ركعتين.. ثم أدرك
 شيئاً ما فاتصل بوالدته وسألها عن جواز الصلاة بدون وضوء..
 فجأوبته: "لا يا دودو ماينفمش" ، فأخبرها مندهشاً: "غريبة..
 مع إني صليت ونفع" ..!

(٣)

لم تكن خلافاتهم إلا الشئ الذي أظهر قيمة كل منهم لدى الآخر،
 وأكد أن ليس لهم إلا بعض مهما حدث، وقرر دودو أن يلبي رغبة
 والدته الملحة في الزواج.. التي كانت تفشل كل محاولاتها حتى
 في مجرد ترشيح بنات صديقاتها بنادي روتاري له.. فقد كان
 ينتظر فتاته التي تخطف قلبه وقد كان.. لذلك فقد فاتح توسي
 في الزواج وانشرحت من السعادة متخيلة حفل زفافها الضخم
 وهستانها الباريسي.. وأنها ستكون أول فتاة ستجمع بين عمرو
 دهاب وتامر حسني في فرح واحد ليفنيا "دويتو" .. فالفلوس
 أصنع المعجزات... إلا أن كل من الاثنين كان لديه تحفظ في
 الشخصية الآخر.. وبما أن الموضوع قد بدأ يدخل في الجد فقد
 فاتح دودو الموضوع في لحظة تجلي وأخبر توسي أنه لا ينكر أنها
 بها كل مواصفات فتاة أحلامه، ولكنه كان يضع شرطاً أساسياً
 في شريكة حياته وهو أن تكون لديها المهارة في عمال محشي
 ورق العنب وهذا هو طلبه الوحيد.. بلعت توسي كلماته قبل أن
 وافق عليها بصعوبة شديدة.. وهي تعود فلاش باك للخلف
 وتذكر المرة اليتيمة التي فكرت فيها تسخين قطعة بيتزا على

البوتاجاز.. ولم تدري ما سبب حريق البيت إلا عندما اكتشفت أنها كانت تسخنها في طبق صيني..!، ولكن تشجعت توسي وطلبت هي الأخرى طلبها الذي تتكتمه طوال الفترة الماضية وخافت أن تفتحه في الموضوع حتى لا تجرح مشاعره، ولكنها تهتدت وقالت: "دودو.. إيا.. أنت لازم تشتغل..!، ونزلت كلماتها عليه بنفس قوة كرة التنس في أول الحكاياه فأدار وجهه لها في دهشة والصدمة تعتليه.. اشتغل..!، وسرح دودو للحظات يسترجع مبادئه في العمل.. إن العمل شئ مقدس لذلك لا يجب أن يقترب منه.. كما أنه مفيد للصحة لذلك فالمرضى أولى به.. والأهم من ذلك أنه لا بد أن يرتاح بالنهار حتى يتمكن من النوم ليلاً.. ثم رجع لحديثه مع توسي وقال بعصبية: "لعلمك اللي أنتي متعرفيهوش إني كنت بشتغل في شركة دادي بس كان عندي عائق كبير أوي في حياتي هو اللي منعني إني أكمل.. بس أنا معرفش أنه للدرجة دي أنتي حاتزهقي من وجودي في البيت..!، فطببت عليه توسي وقالت بحنية: "والله يا دودو نوأي دونت مين ذات خالص.. البوينت إن بس جاست لما نجيب بيبي يقول دادي راح الشغل.. دادي جه من الشغل..!، فهدأت ملامح دودو وهو يتمتم: "أه إذا كان كده.. ماشي.."

تمر الأيام والأسابيع وتقبله توسي بعد غياب وهي يائسة وبائسة ومحطمة مغنوياً.. تخبره والسواد يرقد تحت عينيها والارهاق قضى على بقية ملامحها بأنها أخذت كورسات في عمل المحشي.. ولكنها وصلت لـ "ليفل" محشي الكوسة ولم تستطع الصمود أكثر لتصل لـ "ليفل" محشي ورق العنب.. ولذلك فإنها تعلن بكل أسف انسحابها من حياته وتركته واتجهت تمضي.. فتأدى عليها دودو والدموع تفجرت في عينيها وهو يقول لها: أوعي تحسي بالذنب.. مش أنتي لوحك السبب في فركشتنا.. أنا كمان معرفتش اشتغل عشان مقدرتش اتغلب على العائق اللي حكيتك عنه.. مش قادر أصحى بدري..!.



الخميس .. الساعة مساء

(قصة واقعية)

"إنهم حين يمتنون لا يعاقبونا بموتهم.. بل يعاقبونا
بالحياة دونهم
أه.. لو أن الأشياء، تنتهي برحيلها...!"

هاري مارتينسون.



الشيء الذي لا يموت..

(الشيء الذي لا يموت)

(١)

أه لو تعرف كم يحبها وكم قضى هذا العاشق المخبول أياماً وليالٍ
وهو يختلس النظر إليها من بين فتحات شيش شباكه المتهاك
الذي يطل على صالتها، يضبط ساعته على مواعيد دروسها
في دخولها وخروجها، ف ٦ سنوات كاملة من أيام زمالتهم في
الصف الأول الإعدادي حتى الثانوية وهو يكتف حبه في سره،
فقط لم يزداد إلا طولاً وانتفاخاً ونضجاً... أما هي فأصبحت
كالبدر في تمامه.. كانت حديث الإسكندرية.. بطلتها من
شباكها تقلب الشارع رأساً على عقب فما بالك إذا خطفتها
قدماها للنزول فيه..!، يقولون عندما يعجز الإنسان عن تحقيق
شئ على أرض الواقع، فإنه لا إراديا يحققه في أحلامه، لذلك

كان ذلك الحلم يزوره شبه يومياً لم يتغير.. هو وهي في فلوكة صغيرة تتقاذفها الأمواج في بحر ليلة خميس.. هو يجدف وهي تجلس بالمقابل تغني له لفيروز والشمس تودعها في حميمية صديق ثالث، ولكن ما أسوأ أن يظل ينتظر الإنسان حلمه حتى يتحول في النهاية لكابوس يكاد يفتك به.. ما أصعب أن تحلم كل يوم بمليون دولار وأنت عاجز عن امتلاك أي صفر منه.. لذا فقد حان وقت المغامرة حيث كانت هبة تدخل بيتها وانزلق منها أحد الكشاكيل الكثيرة التي تحتضنها، فهرول محمود في سرعة الضوء، والتقطه وانفرد به في غرفته كالمجنون يتغزل في خطها وحروفه، ويقرأ معادلات الكيمياء بنشوة أجمل ما كتب نزار قباني في الفرام، حتى انهمك في تقبيله واحتضنه ونام؛ ليلحق بحلم الخميس السابعة مساء والبحر والفلوكة والغروب.. إلخ، فأفاق وكتب في آخر صفحات الكشكول "أحبك.. ولو لم تكوني قدرتي.. يكفي أنك اختياري"، وانتظرها في اليوم التالي عند دخولها منزلها ونادها وسلمها الكشكول، فشهقت من المفاجأة.. لأنها عاشت ليلة حزينة في البحث عليه تخشى فقدانه، وشكرته فنهاها عن الشكر وأمرها فقط، تستكشف آخره وانسحب.. ومن رحمة الله عليه أن قلبه كالبشر لا يعمل بالكهرباء والإلحاد كان

انفجر من سرعة دقاته، في اليوم التالي لحته هبة يقف في بلكونته فرمت الكشكول، فأسرع في التقاطه ووجدتها قد كتبت تحت كلامه "وأنا كمان بحبك جداً أوي خالص.. ١٠٢٨٧٩.."
 "، ليلاً لم يصدق أنه يسمع صوتها.. طلب منها أن يقابلها.. وبعد تردد قصير وافقت وحينما سألتها عن الموعد جاوب على الفور.. الخميس السابعة مساءً.

(٢)

في تمام السابعة الإربع كان قد وصل إلى هناك، اتفق مع ريس الفلوكة على تأجيرها لمدة ساعة كاملة، حتى وصلت هي في السابعة.. ارتجف عندما رآها.. تبادلوا النظرات.. وعندما ظل شارداً بادرته "طب أيه.. حنعمل أيه دلوقتي..؟" فاستدرك الموقف وقال لها "معلش آسف على قلة الذوق دي.. إحنا حنركب الفلوكة دي.. اتفضلي.."، أخذ بيدها وركبت ثم ركب بعدها وبدأ التجديف حين سألته: "هو الراجل مش حيركب معنا" فرد باستنكار "الراجل ماكنش في الحلم." فسألته: "حلم أيه..؟" فرد مبتسماً "حكيك.. حكيك.."، سكوته

سرب الملل إليها فكلمته بنبرة ضيق: " هو أنا لومضيقك ممكن أنزل على فكرة. " فرد: " يا لهوي مضيقانى..! ده أنا حموت من الفرحة.. " ثم أخبرها أنه فقط غير مستوعب الموقف ولا يصدق أن حلمه تحول لواقع بهذه السرعة.. أخبرها أيضاً عن كل مشاعر السنين.. وهي أيضاً فاجأته أنها أيضاً كانت تحبه منذ سنين ولكنها كانت تنتظر منه المبادرة الأولى، فانفجرا في الضحك حتى لمح منظر الغروب فسكت فجأة وطلب منها أن تغنى أي شئ لفيروز.. فضحكت جداً استغراباً لطلبه وأخبرته إنه مستحيل؛ لأن صوتها بشع ولكن بعد محايلاته بدأت تدندن: " سألتك حبيبي لوين رايحين.. خلينا خلينا بتسرقنا السنين. " وفي عز اندماجهم سمعوا صوت ضحك عالي أخترق خلوتهم فالتفتوا، فوجدوا فلوكة أخرى ورائهم تحمل شابين ملامحهما لا تبشر بأي خير.. تلك الأشكال التي تتجنبها وتتحاشاها أثناء تواجدك في أي مكان... سكتت هبة وهنا صرخ أحدهم: " أيه يا وتكه الصوت ده.. ده أنتي مكانك مش هنا أنتي على ستار ميكر على طول.. " نظرت هبة لمحمود وعينيها مملوءة بالرعب كأنها تستنجد به، فاستجمع قواه وصرخ: " أيه يا زعيم ليك شوق في حاجة.. أوامر. " فرد عليه أحدهم بعنف: " أه يا روح أمك فيه

محشي، تحب زحلفة يغيرفلك أنت والحة اللي معاك..؟ " وأدرك محمود أن نيتهم تحمل الشر فأسرع في التجديف نحو الشاطئ إلا أنهم أسرعوا وراءه، وفي لمح البصر كانوا يشاركونه الفلوكة في قفزة صحبتها صرخة مدوية لهبة وهي تسألهم: " أنتوا عايزين مننا أيه..؟ " هداها محمود وطلب منها ألا تتدخل والتفت إليهم طلباتك.. أوامرني يا برنس، هنا شرب زحلفة من زجاجة البيرة وقاله: " يعني مش عيب يا صاحبي.. مش اللي ياكل لوحده يزور برضه..؟ " هنا صرخ محمود: " دي بنت خالتي والله..! " فمال زحلفة برأسه موافقاً: " بنت خالتك..! " ماشي ياعم.. وشرف مرات خالتك لاعمل نفسي مصدق.. بالهنا والشفاء.. عامة أنا كيفي مش نسوان.. أنا خرمان وعايز فلوس.. ومش حمد أيدي عليكو يا صاحبي.. اللي معاكو طلعهو من سكات، على الفور أخرج له محمود محفظته بعدما سحب منها البطاقة كما ناوله موبايله وساعته، وهي أعطته محفظتها، وطلب منها شنطة يدها أيضاً ففتحتها واحتفظت بالموبايل وسلمتها له فقال لها: " الموبايل يا أمورة.. أخلصي.. " فشدت على الموبايل بيدها التي أدارتها خلف ظهرها قائلة: " الموبايل لأ. " فتناولها زحلفة لكمة بقبضة يده على فمها كادت تقع من أثرها فصرخ محمود فيه

أن يتركها ويجعل التفاهم معه هو، وهنا رد زحلفة بنفاد صبر:
"ماشي يا عم الحمش أتعامل أنت.. وخليها تطلع الموبايل بالحب
والرضا.." فنظر لها محمود بحنان وطلب منها بهدوء أن تعطيه
الموبايل مع وعده أنه سيشتري لها آخر وأحسن فور نزولهم من
البحر، وردت عليه هبة والدموع تتكاثر من عينيها: "الموضوع
مش في الموبايل.. ما يتحرق.. الموبايل عليه صوري وأنا في البيت
ولا بس بهراحتي.. ما ينفعش أديهوله.." ويبدو أن الجملة الأخيرة
قد دأبت حس زحلفة الجنسي، فأمتلكه العند على أخذ الموبايل
فمد يده فجاءه على يدها لينزع الموبايل منها فسارع محمود يدافع
عنها فبادره المجرم الآخر بزجاجة بييرة فارغة كانت معه على
رأسه فوق محمود غارقاً في دمائه في الحال.. فنظر زحلفة إلى
صديقه ثم إلى محمود ثم إليها وقال ضاحكاً: "شفتي بقى أهو
حبيب القلب مستحملش ضربة.. هاتي الموبايل بقى يا بت بدل
ما تحصيليه.." فردت وهي منهارة: "خد عمري، بس ماتخدش
الموبايل" فاعتبر زحلفة ذلك تحدي، فمد يده على شعرها
وجرها منه متحركاً نحو فلوكته وهو يقول: "أنا جعفرك يا بنت
الكلب إزاي تقولي لزحلفة لأ.." وما أن وضع إحدى قدميه في
الفلوكة الأخرى ويحاول أن يشدها إليه.. حتى غافلت قبضة يده

وحاولت الرجوع للفلوكة الأخرى فركلها بقدمه فاختل توازنها
وسقطت في البحر.. فنظر للمشهد في صمت ورجع لفلوكته
وانطلق..

(٢)

حينما فتح محمود عينه لم يجد إلا فراغاً أبيض يحيطه.. حتى
سمع فجأة صرخة هبة.. فهم بالقيام إلا أن خراطيم محاليل الدم
والجلوكوز المعلقة في شرايينه احتجزته.. فأعاد رأسه الثقيلة
المدسوسة في أربطة الشاش لموضعها.. بدأ صوت لضوضاء
يتسرب إليه تدريجياً.. فنظر ليمينه فوجد والدته منهارة في نوبة
بكاء هستيرية وأخوته في نفس الحالة حولها، بينما على الجانب
الأخر يسمع محادثة بعد تركيز تبين أنه أحد الأطباء الذي
بيدى دهشته لوالده أن العناية الإلهية هي وحدها التي أنقذت
محمود، فقد فقد أكثر من خمسة لترات من دمائه حتى وصوله
لهنا.. ندم محمود أنه استرد وعيه.. وما أن قرر أن يغمض
عينيته مرة أخرى حتى انتفض جسمه من صرخات نسائية هزت
جدران المستشفى.. كانت تلك الصرخات تجئ من بعيد حتى

تقترب.. فانقبض قلبه.. وظل نظره معلقا نحو باب غرفته حتى رأى بعينه الذابلتين مجموعة غفيرة من البشر بينهم شخص ما محمول على سرير وسط صرخ وعويل.. فانقبض قلبه أكثر واضطربت أعصابه.. لما شعر أنها هبة..، ولكنه كان يواسي نفسه ويقنعها أنها من المؤكد ليست هبة.. فهو متأكد من حسن تصرفها وأنها قد أعطتهم موبايها.. فهي أعدل من أي حماقات فهي كانت من الأوائل على... دخول الممرضة في لهوجه وتوتر قطع عليه أفكاره.. كان صوتها مخيف وهي تقول للدكتور: "يا دكتور جمال عايزين حضرتك حالا دلوقتي في الطوارئ.."، وما كاد الدكتور يستفهم حتى أكملت: "بنت عندها حوالي عشرين سنة اسمها هبة لقوها غرقانة.. وهي تقريبا بتخلص.. لو كان وصف سيف طوله متران ويلمع من حدته انزلق في بطنه يخترق أحشاءه ربما كان أهون عليه من سماع ذلك الخبر.. فما أصعب أن تفقد الشعور بالألم.. ظلت دموعه تتسابق على خدوده.. حتى دخل في الغيبوبة مرة أخرى..

أسبوع كامل نالت منه الغيبوبة.. فتح عينيه، فوجد أمه نائمة في سرير بجواره، رنين تليفون المستشفى بجواره أفرعه.. نظر تلقائياً لساعة الحائط فوجدها السابعة.. ترى من يتصل به..

رفع السماعه بهدوء ورد بصوت متهاك: "ألو.. فسمع.."
أيوه يا حبيبي إزيك.. كان ذلك صوتها.. انتبه فجأة: "مين معايا؟" فردت: "أنا هبة يا حبيبي.. أنت نسيت صوتي..؟"
ارتعدت من المفاجأة ورمى سماعة التليفون مع تعالي أصوات أنفاسه فاستيقظت أمه على ذلك الصوت ومالت عليه.. بسم الله الرحمن الرحيم.. الله أكبر.. أنت صحيت.. أنت كويس.. أجيبك تاكل.. ماما أنا كويس.. قوليلي بس هي هبة ماتت؟
ارتسمت علامات الحزن على وجهها وقالت ربنا يرحمها يابني ويصبر أهلها.. دول اتعموا من العياط عليها.. هبة.. هو كان فيه زي هبة.. أدب أيه وأخلاق أيه.. يلا.. بس الغريبة الموتة نفسها.. دى ماتت والموبايل في ايديها.. ولما جم يغسلوها لقوها ماسكاه ومتبته عليه غسلوها بيه.. سبحان الله.. أصل.. لم يلتفت كثيراً لكلام والدته، ليس بسبب الحزن.. وإنما الرعب.. كيف كلمته هبة..؟ مستحيل طبعاً.. أكيد النمرة خاطئة.. أو ربما أحد الظرفاء يستخف دمه.. ثم أرجع الموضوع أخيراً لكمية البنج التي تناولها طوال أسبوع الغيبوبة والتي بالطبع كان مازال تحت تأثيرها..

ورغم أن أصدقاءه أقاموا له احتفالاً عند عودته، وأخبروه
جديد إلا أنه ما زال يعيش أتعس أيام حياته.. يشعر أنه
أنه السبب في موتها لذلك فهو يستحق أن يموت...
شعوره بالحزن أخمده وجعله أسير السرير... ورغم أن
الخميس هو الميعاد الأسبوعي لخروج شلته، إلا أنه لم يبق
توسلاتهم.. فقط أخذ صديقه الوحيد كشكول الحبيب
حضنه وناما في عمق... لم يكف الموبايل عن الرنين من أصوات
الغلسين حتى قرر شتمهم فرد على رقم قريب بقا
"أيوه" - "أيوه يا محمود يا حبيبي." كان صوت هبة
"مين؟" - "أيه يا محمود.. قوام نسيتي كده، أنا هبة
محمود فجأة وهذف الموبايل على الأرض لتتبعثر أجزائه
المفاجأة كانت إن الموبايل رن مرة أخرى.. ظل محمود
بآيات قرآنية وأدعية.. حتى تشجع والتقط التليفون بعد
ورد: "الو.." ، "كده يا محمود، تقفل السكة في وشي
مخصماك.." وانقطع الخط... خرج محمود من غرفة
عرقاً.. فوجد والدته تتشاجر مع أخوه الصغير وهي
"يا وادهات القنائة الأولى عشان نشوف المسائل، الساعة
سبعة وخمسة" ..

سألة أن يللم قواه وشجاعته، ويذهب لوالدها ليحكي له ما
حدث قد استغرقت منه أسبوعاً كاملاً.. لم يكن يدري كيف يبدأ
الكلام.. ولكن بعد أن عزأه قال له: "هبة كلمتني في التليفون
عمي.. اضطرب الرجل وقام من مكانه مستغرباً.. لا إله إلا
له أنت يا بنى دماغك باينها لسه ماثرة عليك.. ولا أنت مبلغ
اجة وجاي تقرفن..؟" فرد محمود بهدوء: "والله العظيم ما
تذب.. أنا عارف إنك مش حتصدقني وإنه كلام ما يدخلش
حقل بس والله ده اللي حصل..، تنهد الأب: "والكلام ده
من أمتي..؟" فطأطأ محمود رأسه: "من ساعة ما كنا مع بعض
البحر.. فأمسك الأب تلايب قميص محمود وهو يصيح
بنتي أشرف من الشرف يا كلب أنت.. أنت عايز تسوءلي
معتها.. ده أنا أدفك مكانك.. رد محمود بخوف: "والله

العظيم دي كانت أول مرة أشوفها أصلاً.. ثم إحنا كنا بنحب بعض ومتفقين على الجواز.. المهم إنها عملالى كابوس في حياتي، بتتصل بيا كل يوم خميس الساعة سبعة.. ده الميعاد اللي اتقابلنا فيه.. " وردا عليه بكل هدوء شاور الأب له بيده ناحية الباب.. فما كان من محمود إلا أن يترجاه أن ينتظر عليه فقط نصف ساعة لأنها الآن السادسة والنصف.. وبعد إشارة من زوجته قرروا جميعاً الانتظار في جو مشحون بالصمت والملل وعيون معلقة على عقارب الساعة..

عندما دقت الساعة.. حاصر كل من في المنزل موبايل محمود.. الذي لم يفارق يده المرتعشة.. منتظرين أي إشارة من العالم الآخر.. ولكن مرت ربع ساعة دون جدوى.. حينها نفذ صبر الأب ولم يشعر بنفسه إلا وهو يفتح الباب بنفسه ويأمره صراحة بالطرد.. جر محمود رجله بخيبة أمل نحو الباب وما أن خرج بنصف جسده حتى رن موبايله وكانت هي بالفعل من تتصل.. هبه.. أزاح الباب بيده، ورجع للمنزل بعنف وهو يناول الموبايل لوالدها وهو يصرخ: "مش قتلتك.. مش قتلتك حتتصل.. محدش صدقتي.. " حينما رأى الأب رقمها على الشاشة كاد أن يسقط

من هول المفاجأة.. وشحب وجه الأم في رعب.. حتى بدأت تبكي بصوت عالٍ وتحضن ابنتها الصغيرة التي لم تكف عن الصراخ المدوى.. يا لهوي يا لهوي..

وفجأة قررت أصابع الأب المرتعشة المرتجفة أن ترد على التليفون: "الو.. " - "أيوه يا حبيبي.. شفت بقى معرفتش أزعل منك إزاي.. " كان ذلك صوتها.. صوت هبة.. فهو قادر على تفريقه من ملايين الأصوات.. قلها: "أيوه يا هبة أنا أبوكي" فردت في فرح: "أيوه يا بابا إزيك وحشتوني أوي.. عاملين أيه عندكو..؟" وتمالك نفسه وسألها: "أنتي بتكلمي من عندك إزاي.. فردت أصل.. أصل أنا.. أصل أنا يا بابا.. فودافون يعني اقوى شبكة في مصر!!"

.....


تقريباً اشتغلتك



3

بدون معلم كيف ..

Handwritten text in Urdu script, appearing as bleed-through from the reverse side of the page. The text is mostly illegible due to fading and bleed-through, but some words like "معلم" (teacher) and "کتاب" (book) are faintly visible. There is a small circular stamp or logo in the lower middle section of the page.



لنتشف أن

حييتك بيئة..؟!



موجود في...

"الشیطان یكمن فی التفاصيل"

مثل إنجلیزی

یا نفشتا

.. قلیا فلتنبیه



تتكر أننا في زمن المظاهر والاشتغلات .. ؟ تتكرر.. ؟ وإنما
ساعات كثير بننخدع في الناس عشان كانوا ييمثلوا علينا..
فما بالك بحبيبتك.. وأنت عارف أن الحب أعمى.. ؟

وعشان كده قبل ما تدبس ترتبط وتصحى يوم الصباحية
تلاقي حبيبتك "الكلاس" الرقيقة مربية فرختين تحت
السرير... ولما تيجى تملس على شعرها الناعم بايدك
وأنت في لحظة شديده الرومانسية وتسمع منير يبنى "لما
النسيم بيعدي بين شعرك حبيبتى بسمعه يقول آهات..
وتنط عليك عرسه كانت لسه مامتمش من ريحة الجاز اللي
في شعرها... وتكتشف بعد فوات الأوان إنها مش خريجة
الليسيه زي ماكانت بتقولك.. وإنها من أوائل مدرسة ام

صابرين الاعدادية المشتركة.. وإن "رودي" طلع اسمها في
الأخرضا..!

- وصف الناس بأنهم "كلاس" ده دليل رقي الأخلاق والمستوى
الاجتماعي، ومالوش علاقة بالمستوى المادي.. ممكن يبقى ناس
عادية و كلاس جداً.. وناس مرتاحة وبيئة جداً.. وطبعاً لأننا
مجتمع بيموت في الفشخرة والأنزحة والتنطيط وعيننا بتاكل
الأول.. فأنت لازم تبقى هارش إن موضوع المظاهر ده ما يدخلش
عليك.. لا اللبس ولا العربية ولا ساكن فين.. لأن فيه فرق بين
الناس الأغنياء والناس اللي معاهم فلوس.. ومش معنى إن معاه
فلوس يبقى كلاس.. نفس منطوق إن مش معنى إن اليوكسرات
بقت ملونة نستهبيل وننزل بيها البحر.. بغض النظر إن المنطقين
مالهمش أي دعوة بيعض..!

- قاعدة معروفة بتقولك: "لاتدع سفالة الآخرين تفضح
سفالتك" فلاشك طبعاً إننا كلنا سفلة بس بدرجات على حسب
شخصيتنا.. لا أنا ولا أنت ولا هي محترمين بالصورة اللي إحنا
عليها قدام الناس.. علشان كده حاول تستفزها على أد ما تقدر

في إنك تحطها في موقف يخليها تحت توتر وضغط عصبي..
اتفق مع واحدة وخليها تمثّل قدامكو إنها تعرفك وإنك مرتبط
بيها ومخبي على حبيبتك مثلاً.. أو اتصل بيها من رقم غريب
وعاكسها.. مرة واثنين وثلاثة لحد ماتشوف حتقفل السكة
وتهزأك بأدب، ولا حتفرشلك الملاية وتبينك قدراتها الفذة في
تسميع قاموس شتايم قلة الادب..!

- نظرية تانية بتقولك: إن الإنسان بيبان من فلتات لسانه،
كثير مننا يبقي متحفظ أوي في تصرفاته وألفاظه مع الناس
وخاصة اللي بيحبه، علشان يحاول يبقى مثالي وماينزلش من
نظره خالص.. ونظرية تانية أختها بتقولك: إذا عرفت ان تخدع
بعض الناس بعض الوقت فلن تستطيع ان تخدع كل الناس كل
الوقت.. ، فمهما كانت بتمثل إنها بنت ناس حتلاقيها غصب
عنها اتصرفت على طبيعتها.. شتمت حد وهي سايقة.. قالت
لفظ مش كويس لما اتخانقتوا.. قاطعتك مثلاً وأنت بتحكى
وقالتك: ها وأمك قالت أيه..! ١٩

- عنصر المفاجأة مهم جداً؛ لأنه بيكشف حاجات كثير بتبقى

برضه إذا كان ناعم أو مليون تشققات بتجري فيها كوكتيل
حشرات زاحفة...!!

- الأفلام والأغاني أكيد انعكاس على شخصية البني آدم..
البنيت البيئة معروفة.. تلاقى بتدخل كل أفلام السبكي و غضب
ربنا على وشها كده.. والأغاني برضه.. أعرف واحد خلاص كان
فرحه كمان كام يوم.. وفي قعدة رومانسية يبسال حبيبته: تحبي
نشغل أغاني أيه في الفرحة؟ قالتلهاي حاجة لأمير العذاب،
قالها: أيه ده هو إبليس نزل ألجوم أمتي..؟ قالتله: لا أقصد
مصطفي كامل.. قام مديها بالقلم ومشي..!

- البنيت البيئة طبيعي أنها بتعاني من النقص.. فلو جابت حاجة
قيمة، فمش عشانها على قد ما تتمنظر بيها.. فتلاقى لابس
النضارة الشمس في رابع دور في المول لمجرد إنها " ريبين "
وياسلام لو تشمر كل شوية عشان توريك غوايش الذهب، أو
توطي كل دقيقة عشان تربط الشوز " النايكي "، أو تسالك ستين
مرة عن البادي الجديد اللي جايلها من " دبي " بس مش عاجبها
(بس أنت شايفه متظبط عليا..؟) وطبيعي شخصية زي دي

مستخبية تحت البرستيج.. فحاول طول الوقت تفاجئها.. قابلها
مثلاً فجأة من غير متعرفها وشوف بتبقى بنفس المظهر اللي
بتشوفها فيه ولا لأ... صدقتي المفاجآت بتكشف بلاوي.. أعرف
واحد صاحبي كان بينقل لحبيبته حاجات على البلوتوث، وفجأة
موبايلها رن فرد غضب عنه، فلقى أبوها بيقولها: إزيك يا بنت
الجزمة راح قافل السكة على طول.. وقالها: أبوكي بيقولك يابنت
الجزمة يخربيتك عملتي أيه..؟ قالتله: لا عادي ده بيدلغني فيه
حاجة؟ قالها: هو الدلع عندكو كده.. أمال لما بتشتموا بعض
بتسبوا الدين ولا أيه..؟ وخلع منها..!

- تفنكر ممكن إزاي تدي انطباع على أي حد في روسيا؟
تخيل بالشوز!! مشكلة البنات هناك إنهم كلهم جامدين
لحد الشوز.. دي المعيار الأساسي للحكم على الأناقة
والمستوى الاجتماعي هناك، لحد ما الرجالة هناك اتلوتحت
... فمستهترش بالحاجة الحفيرة دي.. وبعدين حتى لو
لقت الشوز حلوة استنى لما تشوف الشراب - لو عرفت
- وشكله ولونه و ريحته.. البنات الكلاس بتتهم أوي
بالحاجات الصغيرة دي.. وهى نفس فكرة كعب رجليها

لبسها لماركة هو حدث واستثناء؛ لأنها غالباً حتطلع في الآخر
من أهم زباين التوحيد والنور..!!

- البنت بتموت وتفرق في التفاصيل، ويمكن تفاصيل التفاصيل...
بعكس الولد اللي يشوفها تفاهات، ويحب يتكلم في الخطوط
العريضة لأي موضوع.. عشان كده تلاقي البنت عارفة عنك
كل حاجة من يوم عيد ميلادك لحد لون ملاية سريرك، وأنت
تقريباً ماتعرفش عنها حاجة أو عارف عنها حاجات غلط عشان
مابتريش معاها فيها، فحاول تلعب دور البنت شوية حتكتشف
بلاوي. واحد صاحبي سمع نصيحتي وسأل حبيبته: الأصحيح
هو أنتي ساكنة فين في المهندسين..؟، قالته: عند شهاب..
قالها: "فين في شهاب..؟ ارتبكت أكثر وقالته: يعني أخره كده..
وفضل يزئق فيها لحد ما اعترفته في الآخر إنها ساكنة في
مساكن الإيواء على حدود المهندسين وبولاق..!، وصاحبي الثاني
اللي حبيبته قالتله إن باباها كل ما حد يشوفه يصقف له وافكره
بقي سمير صبري ولا حاجة.. طلع جرسون!!

- مافيش بنت على وجه الأرض حتخرج معاها تتغدوا في مطعم،

وحتكمل الأكل بتاعها أبدأ.. لازم تمثل إنها رقيقة وبسكوتة.. بقها
صغير وبطنها صغيرة وأكلها بسيط، ولازم تسمع الجملة اللي
كلهم حافظينها "أنت كده بوظتلي الدايت على فكرة" .. بغض
النظر طبعاً إنها بتروح تفتح باب التلاجة وتجيب كرسي وتقعده
قدامها... فهنا صعب تحكم عليها.. بس ممكن تراقبها بخباثة
وهي بتاكل خاصة لوجعناين.. البنت البيئة بالنسبها الجوع كافر
و بتخلص السندوتش في قطمتين ويمكن تقوم بعدها عضاك
من ودانك... تاني حاجة البنت الكلاس مابتحسش خالص إنها
بتاكل من هدوءها.. البنت البيئة بتسمع صوت الأكل في بقها
وهي بتاكله زي البقرة كده بالضبط.. لو لقيتها بتعمل صوت ولا
تكلمها.. بهدوء كده تطلبها "أوردرد" برسيم وتمشي... وفكرتني
بموضوع الأكل بحاجة كمان مقرفة.. البنت البيئة عندها هواية
إنها تحكي وهي بتاكل... فتنقف الأكل من بقها.. وكان عندي
واحد صاحبي كان بيعاني من الموضوع ده أوى.. وكل ما أشوفه
أعرف هما كانوا طالبين أيه من فتافيت الأكل اللي على وشه..
فراخ.. شاورمه، لحد ما يوم قابلته ومالقتش حاجة فرحت أوى
وسألته أيه هي خلاص بطلت.. قالي لأيا عم.. كانت صايمة..!!

"نظرة المرأة قلقة على المستقبل حتى تجد زوجاً... في حين لا يبدأ قلق الرجل إلا بعد ذلك...!"

برنارد شو



أولاً لسيرة كاتبها

مش عارف ممكن تتخض ولا لا لما أقولك إن من أكثر الكتب
مبيعا على مستوى العالم هي الكتب اللي بترشدك إزاي تلاقي
شريك حياتك، وإزاي تتأكد أن هو ده اللي بتدور عليه وإذا كان
مناسب ليك ولا لا.. وغالبا الكتب دي بتبقى موجهة للبنات؛ لأنهم
تقريباً ما يفكروش في حاجة غير الموضوع ده.. ولما جت التجربة
الظريفة دي تتطبق في مصر نزل كتاب في أوائل التسعينات اسمه
"كيف تصطادين عريسا" ..وهنا بتشوف خيبة البنت الثقيلة..
إن رغم أن ربنا مديها كل الحاجات اللي بتمثل كل نقاط الضعف
عند الراجل زي الجمال والجاذبية والإغراء والدلع والحنية.. إلا
أنها برضه كانت عايزه كتالوج لطريقة استخدامهم ولسه بتتفنن
تصطاد عريس.. وخذت بالك من لفظ "تصطادين" دي ولا
كان الراجل ده كلب يعني.. هما يرضوا مثلاً نعمل كتاب اسمه

"كيف تربي امرأة في بيتك" أو "كيف تدبج وتسلخ المرأة في ٣ دقائق" ، اللي ينقटक أكثر إن فيه كتاب تاني نزل بعده اسمه "كيف تصطادين عريسا وتحافظين عليه حتى كتب الكتاب" أصل فيه بنات من هبلهم بعد ما اصطادوا العريس ما عرفوش يحافظوا عليه لحد الجواز فالكتاب ده كله مضمونه إزاي البنات تفضل تثبت فيه لحد كتب الكتاب، وبعد كده يولع يعني..!

والمفاجأة إن كل الكتب دي مانجحتش في مصر.. مش عشان مفيش أزمة ارتباط على قد ما البنات المصرية ربنا يحميها يعني لا محتاجة لا كتب ولا مراجع.. هي بتصطاد بالفطرة وممكن كمان تروح تدرّس لهم برا الحوارات دي كلها، فالبنات المصرية عندها خطة محكمة ذات أبعاد إستراتيجية معديّة.. حاولت هنا أنشرها كصدقة جارية أمنع فيها أي شاب مصري حيقع فريسة صيدهم.. وثانياً عشان أبوظ عليهم تخطيطهم ويعرفوا أنهم اتفقسوا..

١- أول مرحلة هي أصعبهم، البنات عايزه تكلمك وتظبطك بس مش عارفة وأنت مطنّش أو مش واحد بالك، أو هي بالنسبة لك

عادية يعني زبها زي غيرها، هنا البنات بتحاول ترمي السنارة بإنها تفتح أي مجال للمناقشة فتتصل بيك مثلاً أو توقفك قال يعني بتسألك على حاجة.. إزيك.. أيه الأخبار.. أه كنت بقولك بس هو أنت معاك المحاضرات بتاعة مادة أي حاجة.. أكيد حترد بـ "لا" عشان أنت صايع ولا تعرف أن دي مادة عندك أصلاً.. فحتلاقيها تقولك طيب عموماً هي عندي لو عايزها.. أو لو في الشغل حتقولك معاك رقم فلان..؟ ، بص بغض النظر عن المحتوى لأنه "فكسان" ويبقى بس هدفها أنها تفتح كلام وتسيب الباب موارب بينكم وتاخذ أنت الخطوة اللي بعدها وتكلمها.. ، لو أنت مكلمتهاش حتكلمك تاني تسألك عن أي حاجة..، وتقولك ميرسي أوي ليك بجد.. وأنت عامل أيه بقى.. أبقى اسأل يعني ما تبقاش كده.. طبعاً أنت المفروض تتصل زي الأهيل ولو ما اتصلتش حتكلمك تقولك إزيك عامل أيه محدش بيسمع صوتك يعني (عايزه تقولك ما اتصلتش ليه يا حيوان.. أنت حتشوف نفسك عليا) لاحظ أن المكالمات دي بالنسبة لها ضغط عصبي عليها؛ لأنها المفروض ماتبنش خفيفة عشان متحسش إنها مدلوقة.. وفي نفس الوقت عيزاك تحس بيها وتكلمها أنت.. فبتحاول خلال الدقيقة دي تبقى كتكوتة الرقة

بتدللق منها.. وتبقى أنت عايز تنام وأنت على السماعه.. بس
أوعى تستسلم ..

٢- طبعاً أنت استسلمت..؟ مش عارف أقولك أيه.. أصل
المرحلة دي حساسة شوية وصعبة.. لأن بعد المكالمات القصيرة
دي حتلاقي المكالمات ابتدت تطول شوية.. وابتدت كمان تخرج
من المواضيع العامة بتاعة الجامعة والشغل لحاجات شخصية..
يعني هي مثلاً كلمتك والنور عندك قاطع.. فتقولك أيه ده
هو أنت ما بتخفش من الضلمة.. تقولها لا.. تقولك أصل أنا
بترعب منها (على فكرة محدش سألك) وتعرف بخاف من
أيه كمان؟؟ ، تتصل تسألك مثلاً حتاكل أيه النهارده، تقولها
طالب دليفيرى من "مؤمن" .. تقولك يا عيني دليفيري.. لا ده
أنت مجربتش بقى الكوسة بشاميل من أيدي.. ده أنا مرة..
وتلاقي غصب عنك اندمجت في حكاياتها وماقدرتش أنت
كمان تقاوم تحكيها حكايتين كمان حصولك في نفس الموضوع
لحد ما تلاقيك غصب عنك دخلتها في تفاصيل حياتك ومرة أو
مرتين تحس أنها بقت قريبة ليك.. لحد ما تحس أنك مخنوق في
مرة فعايز بسذاجتك تفضض معاها فتكلمها أنت.. فهي تبص

على رقمك على الموبايل، فترقص وتمشي على الحيطه وتتنطط
وهي عماله تقول يسسسسس وتقوم ساكته كده وردده عليك وهي
بتكلمك بصوت واطى وضعيف جداً.. ألوو.. أيوه.. فتقولها أيه
ده صحيتك.. فتقولك لا لأ عادي كنت مريحة بس شوية.. هو
كان فيه حاجة..؟؟

٣- صدقتها صح..؟ صدقتها والله أنا عارف أنك طيب وبيضحك
عليك بسرعة.. بس عشان خاطرني أبوس إيدك بلاش توصل
نفسك للمرحلة دي لأنها أخطر مراحل العلاقة على الإطلاق..
اسمها مرحلة الحب والحنان.. وهنا البنيت بتمسك فيها الولد
من إيدته اللي بتوجهه.. هي عارفة أنك مكسور الجناح، وماحدش
بيعبرك في الجزمة.. أبوك طاردك من البيت.. وأمك كل ما
بتشوفك بتحدفك بأي حاجة في أيديها وأصحابك بيدوك على
قفاك وبنيت أحتك بتركبك حمار يا خالو.. هي بقى دورها أنها
تحسسك أنك أجمد واحد في الدنيا.. أي كلمة بتقولها بتضحك
عليها ربع ساعة وتتحلفلك أنك نسخة من وائل جسر بغض النظر
أنتك شبه دواصة الحمام.. والشغل الأكثر بيبقى على الاهتمام
بيك.. تلاقيها أول ما تصحى بتكلمك وأنت بتتاوب وبتتمتع..

صباح الخير يا حبيبي (غالباً يبقى صوتها غريب وتخين) ..
أصل مقدرتش أبتدي يومي من غير ما أصبَح عليك .. فطرت
ولا لسه؟ .. ما أنا لسه صاحي قدامك أهه، تقفل وتتصل بيك
بعد ربع ساعة .. ها يا حبيبي فطرت ولا لسه، يعني أنا شربت
نسكافيه كده .. لأ ما هو ما ينفعش تفضل كده كل عشان أظمن
عليك .. تتصل بعد خمس دقائق ها يا حبيبي كنت ..؟ (يعني
ما تسببه لما يتيل يجوع حابتيل يفتح) .. ، تسألك .. هوانت
خارج النهارده ..؟ طيب لما تيجي تخرج كلمني .. وبعدين تكلمك
وأنت برا كل تلت دقائق ونص وتقولك راجع أمتي ..؟ طيب لما
ترجع كلمني أنا مش حنام .. حفصل مستنيك .. الكلام ده حتى
لو أنت مش خارج .. لو أنت في البيت ورايح من الصالة للحمام
تقولك لما توصل الحمام رنلي .. وبعدين تكلمك ها خصلت ..
عملت أيه احكي لي .. (بلاش قرف بقى) ..

الاهتمام برضه مش بيبقى بيك بس .. هي كمان عايزه توريك
قيمتك في حياتها فتقولك: "أيه رأيك في لبسي ..؟" اللي حتقول
عليه حعمله أبقي استايل ولا أوسعه .. لفة التحجبية تحبها
إسبانش ولا خليجي .. مكياج أحفنه ولا أشيله خالص ..؟
ده غير تأثيرك في حياتها .. يعني لو هي خارجة مع صحباتها

تتبسط على قد ما تتبسط وتنفضك طول اليوم، وبعدين لما تروح
بقي تكلمك بسهولة وتقولك: ده اليوم ماكنش ليه أي طعم من
غيرك .. كنت متخالك طول الوقت معايا ومافارقتش خيالي .. ()
ده أنا حتى مضبطتش غير أربعة بس في الطلعه دي) ..

٤ - أنت طبعاً خدتنى على أد عقلي، ونفضت وما صدقت لقيت
نفسك مهم .. هي كمان حاتسوق فيها، وحتجيب أخرك؛ لأنها
عارفة أن بحكمك ولد .. فطبيعي دايماً مبهدل ومهمل في نفسك
وفي حياتك .. وغالباً بتبقى عايز حد يرتبك حياتك المركبة
دي، بعد ما كبرت وأمك تقريبا خرجت من حياتك وما تعرفش
حاجة عنك .. وأنت مهما كبرت حاسس أنك طفل .. فهي بتحاول
تحسسك أنك مسؤول منها .. لو خارجين مع بعض في كافييه
تلاقيها طلبت زيك .. حطتلك هي السكر وقلبت هولك .. ولو أكلتوا
هي تأكلك بإيدها .. تجيبك بيرفن شيك .. تنزل تختارلك
لبسك .. الوحيدة اللي افكرت عيد ميلادك وجابتلك هدية ..
من الآخر هي بتحاول تعيش دور أمك .. بس من رأيي في الحالة
دي .. ما فيش أحسن من العقوق ..!

٥ - المرحلة دي مش لطيفة.. أنت كولد أيه غالباً أكثر حاجة بتقعد تتفشخ بيها في حياتك.. هي حاجة واحدة.. أنت عرفت كام واحد في حياتك.. ووقعت كام في حبك.. ونيمت بنات أد أيه معيطين عشان أفشت عليهم.. ، البنت بقى عكسك تماماً.. الفشخرة بالنسبة لها هي رفضت كام ولد حاول يرتبط بيها.. وصدت كام ولد حاول يفتح معاها حوار.. وطنشت مين وزحلقنت مين.. تقولك خالد ده كان أيه.. حيموت عليا كده.. مع إن البنات كلها نفسها في نظره منه.. بس ولا عبرته.. أنا أصلاً ما بجنبش الولاد الأمامير دول.. الراجل لازم يبقى راجل برضه.. ولا شريف.. تلاقيك عارفه اللي بيبجي بالعربية "البي إم" دي.. أصل باباه مليونير.. بس أنت عارف أنا الفلوس دي آخر حاجة بفكر فيها.. وبعدين تقوم بصالك أنت من فوق لتحت وتملى نظرها بيك وهي بتسخن لوصله الكذب اللي حاتبدأ وتقولك: أنا أصلاً مايملاش عيني غير الولد الأسمر.. تحس كده برجولته.. ده الكلام ده لو أنت أسمر.. وهي هي نفس البنت لو أنت أبيض حقولك: ياي أنا بكره الولاد الأسمر.. ده حتى مهما يستحموا مايبينش فيهم نضافة.. ، ولو أنت "بادي بيلدنج" تقولك: ببقى معاك كده يا حبيبي حاسة بالأمان إن أنا في حضن أسد كده في

الشارع مش متخيلة نفسي كده مع ولد مسلوع زي صباع المرهم ولو أنت يا صديقي صباع المرهم ده حقولك: أحلى حاجة فيك أنك متناسق كده وطبيعي مش واخد حبوب وعامل زي التور..! ولو أنت اسمك هيثم أو رامي أو تامر حقولك: اسمك شبابي كده وكول مش معقد.. ولو أنت اسمك حمزة أو فتحي أو متولي تقولك اسمك كده خشن مش فرفور من بتاع الأيام دي ده أنا حتى من زمان كنت ناوية لما أخلف اسمي ابني عبد الظاهر..! ، وهي هي نفس البنت حتغير كلامها وش على حسب سيستمك أنت.. ومغزى الكلام ده كله في الآخر إنها عايزه تقولك إنك فتى أحلامها المنتظر اللي كانت طول عمرها بتعلم بيه.. عايزه من الآخر تقولك خد موقف يلا.. (أتحرك يا لوح).. ، حقولك كمان: ده أنا من كتر ما بحكي عنك ماما نفسها تشوفك.. وبابا أمله يتعرف عليك.. وأخويا مناه يصاحبك.. قلها: ياه كان نفسي بس أنا ما بتكشفش على حد غريب..!

٦ - أيوه كده.. أحلى حاجة فيك إنك مخدتش موقف.. عملتك البدع.. تعمل هي أيه أكثر من كده..؟ مش ناقص غير أنها تعنصم تحت بلكونة قدام بيتكو عشان تعبرها..، وكده مافاضلش

غير آخر كارت هي حاتلعب بيه.. حاتلاقي صوتها مبحوح في
التليفون ويبقطع وتقولك إنها عايزك تقابلك ضروري.. تقابلها
تلاقي وشها أصفر ومخطوفة ومتوترة ومكشرة.. حتسألها
مالك.. حتقولك مفيش.. في المرة ٧٣ من مالك حتقولك: أنا
جالي عريس وبابا موافق عليه وعمال يضغط عليا.. وغالباً هو
بيبقى يا ضابط يا مهندس شغال في الإمارات يا محاسب في
الكويت أو السعودية.. عارف أنت الطفل لما يكون مش راضي
ياكل ومامته عماله تهاتي قدامه وهو ولا هو هنا، فتنادي على
أى حد معدي إنه ياكل هو الأكل.. فهو يتعرفت ويجري يروح
ياكله.. حب التملك.. الفريزة البشرية.. إن الحاجة حتروح
منك وحتخسرها فللازم تلحقها.. هي من الآخر بتنادي فيك
البنبي آدم.. بس أنت خليك حيوان واقلب الصفحة..!



تخلع بكل استهبال..!!



"عندما يحب الرجل امرأة فإنه يفعل أي شيء من أجلها..
إلا أن يستمر في حبها.."

أوسكار وايلد

من أركان أي حضارة...
التفكير...
العلم...
الحرية...
العدل...
الصدق...
الجمال...
الخير...
البر...
العدل...
الصدق...
الجمال...
الخير...
البر...



طبعاً لو أنت بتحبها أكيد حاتروحلها البيت (أو هي تجيك عادي
).. إنما لو حسيت للحظة أنك حاتلبس بيقى تلحق نفسك.. لأنى
مؤمن تماماً أن لو البنيت بتحبك حاتبقى عاقلة ومش حتجري
وراك عشان تصطادك.. هي عارفة أنك كده كده واقع.. عمرك
شفت مصيدة بتجري ورا فار..!؟ ، بس أنا بتكلم إذا كانت
البنيت حشوق عليك الهبل فأنت الهبل نفسه.. ولو هي عاملة
ناصحة فأنت أستاذ ورئيس قسم.. ولو بتتفنن في وقوعك فأنت
لازم بيقى عندك موهبة الخلعان.. وفي الوقت اللي هي بتفكر
فيه إزاي حاتدبسك.. أنت لازم تكون بتفكر إزاي حتسيبها.. و
نفسى أعرف بس مين اللي قال إن الولاد مش رومانسيين.. طيب
اتفرج على النهايات الدرامية دي..

كلمها في التليفون وأنت تايه وكده وصوتك يقطع واتفقوا
تقابلوا.. لما تتقابلو متبقاش في طبيعتك.. خليك منحكش
ومبهدل وسرحان طول وذهنك شارد.. وبص للنيل وأنت متأثر
أوي واندمج في المود وحاول تفنكر أي حاجة من ذكرياتك
السوده.. يوم ما سقطت في الثانوية العامة وجبت مجموع
يدخلك النار انتساب.. يوم ما أبوك عبطك بعنف قدام بنت
الجيران اللي كنت بتحبها.. المهم يعني أي حاجة من دي لحد
ما عنيك تفرغر بالدموع.. وبصلها وأنت متأثر.. وأنت بتقولها
جملة من أشهر جمل الفراق :

⊙ خايف أظلمك معايا :

ودي أشهر جملة على الإطلاق.. قولها إنك مش شايل مسؤولية
نفسك.. فما بالك لما تشيلها هي كمان فوق كتفك.. وانك قادر
على ظلم نفسك.. بس عمرك ما حتسمح إنك تظلمها.. لأن
الطريق قدامك طويل أوي والمحور واقف وأكتوبر مكبوس..

⊙ أنتي تستاهلي حد أحسن مني مليون مرة :

الجملة دي نار النار يا معلم.. وطبعاً بتسمعها كتير أوي في
الفركشة.. والغريبة رغم أنها خلعان بالذوق بس دائماً اللي

يقولها يبقي قاصد العكس تماماً..!

⊙ العيب فيا أنا مش فيكي :

قلها إنك كنت فاكِر أن الاختلافات بينكو حتخلق تنوع.. بس
للأسف ما كنتش تعرف أنها جوهرية وهتهدم حياتكو.. أنت
بتحب البامية بليمون.. وهي بتحبها من غير ليمون..

⊙ أنا بفكر في سعادتك :

قلها لأنني مش حقدر أسعدك.. وأعيشك في مستواكي.. أنتو
بتطبخو بميه معدنية.. وأنا بيجبوها لي في عيد ميلادي..!

⊙ أنا بغير من الإنسان اللي حتتجوزيه :

وقلها إنك بتحقد عليه من دلوقتي.. وبتحسر علي نفسك إنك
مالكش في الطيب نصيب.. إنما هو يعيش ويدوب ومبروك ع
الأرض..!

⊙ أنا مسافر أستراليا :

قلها إنك جالك عقد عمل هناك، حاتروح تعبني فينو في فرن
أفرنجي.. لأن الحياة هنا واقفة.. وحايلفوا الفينو!

⊙ أهلي حايجوزوني من البلد :

قلها أصل بابا اشترى جاموسة وماعرفش يسدد تمنها.. فالراجل
صاحب الجاموسة حايجوزني بنته.. ويدخل دي في دي..!

⑤ أدبت لنفسي فرصة أحبك بس ما عرفتش :

قلها صدقيني كنت طول الفترة دي بحاول أتأكد من مشاعري ناحيتك.. وأني أدي نفسي فرصة واتين أني أحبك.. بس للأسف اللي بينا مطلعش حب.. اللي بينا حاجة حلوة.. حاجة كده زي الرز بلبن..!

⑥ حبنا كان معصية :

لو اخترت الموقف ده فليه إكسسواراته.. تروحلها بجلاية قصيرة.. ومربي دقتك.. وماسك سبحة في إيدك وتقولها وأنت بتستغفر.. إنك اكتشفت أنكو طول الفترة دي كنتو في ضلال.. وحبكو عبارة عن معصية كبيرة وما ينفعش تكمل في الحرام.. ولو وافقتي تتجوزيني لازم تنتقبي.. لو وافقت.. قلها وماماتك كمان تنتقب.. لو وافقت قلها طيب استعدي عشان حنقضى شهر العسل في افغانستان عشان حنقجر نفسنا هناك..!

طبعاً بالنسبة لها "فاكس" أوي واللي حيحصل إنها حتقوم بحركة لا ارادية رمياك باللي قدامها.. فتصيحتي ما تتطلبشي في اليوم حاجة سخنة عشان ما تتهدلش.. اطلب عصير فريش.. أو يستحسن يعني يبقى كيك.. وتحاول تعمل حسابك

ماتروحش بقميص جديد.. روح بحاجة قديمة أو قميص مدلوق

عليه قبل كده..!

لو حاسس بالذنب أنك حترجها... وأنها هبلة و ممكن تعمل في نفسها حاجة عشان أنت اللي سبتها.. فخليك حنين وخليها هي اللي تسيبك بالحب والرضا علشان يبقى ضميرك مستريح .. اختار قعدة رومانسية بليل وفي وسط أجواء الشجن والصفاء قولها عايز احكيلك يا حبيبتي عن جانب في حياتي أنتي ماتعرفوش ومش حايנفع أخبي عليكى أكثر من كده.. واحكيلها عن عمك اللي إيدو اتقطعت في السعودية.. عشان سرق.. وابن عمك اللي مش عارفين مين أبوه لحد دلوقتي رغم أنكو عملتوا "دي إن أيه" للمنطقة كلها ومطلعش منها.. واتكلم بفخر عن تكريم مامتك في مسابقة السجينة المثالية لرايع سنة على التوالي في سجن القناطر.. واكشف عن شخصية باباك الحقيقية. إن هو سفاح المعادي اللي كان بيعور البنات في رجليهم - مشيها رجليهم - ولازم تحكيلها عن نفسك وعن جلسات الكهربي اللي بتأخذها كل "ويك إند" عشان الحالة العصبية اللي بتجيلك لما بتقع بتعض إخواتك وبعدين ترميهم من البلكونة..!

لاحظ برضه أن فيه بنات غلسة.. واحد صاحبي عمل ده
 كله.. والبنت لسه لازقه فيه.. فحاول يلعب آخر لعبة.. قالها
 خلاص أنا حاجي اتقدمك.. وفعلاً راحلهم وهو لابس شراب
 ما اتفلسلش من أيام الهكسوس.. تقريباً كان بتاع أحمس لحد
 ماوصل عنده.. المهم صاحبي دخل بيتهم.. وأول ما قلع الجزمة
 وأبوها لسه بيقوله اتفضل يا حبيبي.. شم الريحة فجأة جاله
 كرشة نفس.. وقبل ما يرجع في الصالة قال بصوت محشور:
 يانهار أسود أيه الريحة اللي دخلت علينا دي.. المجاري طفحت
 في البيت ولا أيه..! طبعاً أمها مالحقتش ترد عليه عشان كان
 مغمى عليها من ربع ساعة.. والبنت يا عيني سدت مناخيرها
 الاتنين وعنيها أحمرت.. وحاولت تتنفس بصعوبة.. لحد ما
 قالتله بعند: برضه بجبك..!.. المصيبة إنهم اتجوزو.. رغم أن
 أبوها حفلها مليون يمين إنه لو دخل عنده تاني حيقطعله رجله
 المعفنة دي وحايبلغ عنه البيئة.. ودلوقتي بعد مرور عشر سنين
 على قصة الحب العظيمة دي.. صاحبي رجله دودت.. والبنت
 لسه لابس كمامة..!!

الفهرس

الحب فارغيف

- 10 الحب بتوقيت دلوقتي
- 25 لوحدي
- 41 بكتب اسمك يا حبيبي
- 53 الحب في رغيف
- 67 علي صوتك بالفنا
- 81 الحب وقت الانتحار
- 97 رومانسية البنت المزيفة

قصة حب لليس

- 117 اتوبيس ٧١٢
- 133 المفاجأة
- 153 ييمو
- 167 الخميس السابعة مساء

بدون معلم كيف..

- 187 تكتشف ان حبيبك بيئة
- 199 تصطادك عريسا لها
- 213 تخلع بكل استهبال



الكاتب في العشرينات من عمره... ولد
في بريطانيا وعاش في الكويت واخيرا
استقر في بلدة الظريفة دي... خريج
الاعلام ويعمل في نفس المجال...
صدر له كتاب " بلد متعلم عليها "
وباع كثير ..

Facebook:

Mustafa Shohaieb

E-mail:

mustafa_shohaieb@live.com

بغيتك اهلنا ناه

قلبك بتبنيته ناسفتنا

لها لم يردنا العصفنا

بالبيضا والابو ونا

بغيتك اهلنا ناه

قلبك

بغيتك اهلنا ناه

لها

بغيتك

بغيتك

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه

بغيتك اهلنا ناه



الكتاب ده ليك لو:

- حبيبتك اتصلت بأسامة منير تشتكى منك وقال لها نفضيله وظيفتها هو..!
- سنجل في البلد الوحيدة اللي فيها عيدين فلانتين.. وبتقضيهم الاتنين ف البيت..!
- حبيبتك قالت لك "خلينا اخوات".. واكتشفت ان اخواتها كتير.. كتير..!
- حبيبتك حلفتك انك اول واحد ياخذ رقمها.. واكتشفت انها جايبة خط جديد..!
- كنت طلعت جدع وخلعت وقت الجد..!
- كنتى اجدع وعرفتى تدبسيه قبل ما يخلع..!